

**SPEAKER** : “Ani chuan khawvel hi fel takin ro a relsak ang a, Thlei bik nei lovin mitin ro chu a rel ang”.

Sam 8.8.

Awle, zawhna leh chhanna hun kan hmang ang a. Starred Question No. 101 –na zawt turin Member zahawm tak Pu Andrew Lalherliana i lo sawm ang.

**PU ANDREW LALHERLIANA** : Pu Speaker, ka lawm e. Ka Starred Question No. 101-na kan Minister zahawm tak Home Department changtu chhan atan hetiang hian ka zawt e. Rev. Chanchinmawia thih danah khan Sorkarin ngaihdan leh pawm dan a nei em ?

**SPEAKER** : Chhang turin Home Department changtu Minister zahawm tak Pu Tawnluia i lo sawm ang.

**PU TAWNLUIA MINISTER** : Pu Speaker, Member zahawm tak Pu Andrew Lalherliana Khawzawl bialtu MLA zawhna chhanna chu hei hi a ni. Rev. Chanchinmawia thih chungchangah Special investigation team te chuan midang thah homicide anih theihna engmah hnuhma an hmu lova. Mahni in that suicide ngei nia ngaiin final report Dec. 6.2007 khan. Hon’ble ADM(J) court pawhin he final report hi a pawm a. Sorkarin kan tih ltur kan zo.

**PU LALDUHOMA** : Pu Speaker, helai hmun hi member ten kan zawh duh zawng kan zawh a kan inchhan nghalna tur hmun a ni a. helai hmuna chhanna nei mang si lova, Arpa dawí zawk ang mai a mual let liama khuan vak vak hi ching tawh lo ıla a thain ka hria a. Ka’n zawh duh chu mahni inthat ngei nia ngaihna proof-na te chu engte nge ni ? tih a ni a. Tin, RTI hmanga la chhuaktute hnen atanga kan lo hriat danin investigation hian ninga chauh a aw h a. Ninga hnuah chuan chhonzawm a lo ni hauh tawh lova, an thehltut tlai mai mai a ni tih hi a dik em ? Ninga lek mai khatiang thil han chhui kha a va awlai lutuk ve, ngaih a va ti thalo ve tih kan zawt duh bawk a. Tin, Statement siamsa ang deuh sign mai tura witness te hi sihhmuh leh ngen ti tih an ni tih te leh mahni inthat nilo anga a lanna lampang Statement sawi duh mite chu entirman

Pu Thanhkira Statement te chu an record duh ta lo reng reng a. A tel ta lo reng reng a ni. Engtiziange one sided tak maia investigation hi a kal, enge a awmzia tih te. Engvangin nge Public Procedutor hi thlak thut a nih ? Engvangin nge tuilet hnua kan la hriat ngai reng reng loh Public Prosecutor hi mipui hmaah hemi chungchang hi TV ah te sawitir anih tih te hi ka zawt duh a.

Tin, tunhnaiah order thar a lo chhuak a, RTI atanga information kan zawh hun pawh a pek thiag lo, zawh theih loh tur chi tak kha a ni a, ralthuam thil an va test result te, tin, Police Arm leh Un-Arm te movement leh Deployment thlengin zawh thiag lo vah dah a ni chho ta a. Tin, helhote nen a ruk emaw a lang emaw a indawrna reng ren RTI hmanga zawh anih pawhin information hi pek loh tur a ni tih a ni bawh a. Engvangin nge hengte hi tih a lo ngaih tak? Mipuiten kan hriat duh hriat duh ngawih ngawih kan hriat si loh chuan engnge awmzia a neih ang tih hi kan zawt duh a.

**PU ANDREW LALHERLIANA :** Pu Speaker, ka lawm e. Ka zawhbelh duh chu hei hi a ni. Tiang hian zawt ta ila. Hei Sorkar Department ten an chhuina result hi Synod Kohhran lian berin a pawmlo a ni tih chiang takin a hriat theih a. Rev.Chanchinmawia hi mahni inthat sawngbawlin vawiinni thleng hian sawngbawl phal lovin ama thu ziah kan zir a ni. Tin, mipuiin an pawmlo niin a lang a ni. Tin, intellectual circle-ah te a bik takin Police Senior lo pension tawh DGP te thleng lo ni tawh leh midang ten an thu ziah atang hian mahni in that a ni thei lo a ni tih an sawi a. Chumi avang tak chuan Post Mortem report te leh Government prosecutor ten a statement an siam te kha dik lo ni rin a nih tak si avang hian case hawn a ni leh theih dawn lawm ni. Helte thleng pawh a underground element te involve awm theihna tur te pawh hi chhui chian a ni thei dawn lawm ni tih leh hemi chungchang thuah hian Sorkar ho hian side khat chauh la a mipuiin an rinna te hi a pawi a. Mipui opinion hi a pawimawh em em avangin kan hre reng a. Delhi Jessica Lal Case "Muder Case" a kha a thattu ni ngei a hriat Manu Sharma kha thiam changa a awm kha mipui pressure avangin a case hawn leh a ni a. Tahchuan an rin ngei a chu convict a ni leh ta a ni. Chutiag deuh chuan vawiinia hian chhuichhuahna hun tur ti limit awm lovin a hawn leh lawm ni tih kan Minister zahawm tak ka zawt a ni.

**PU H.ROHLUNA :** Pu Speaker, kan zawhbelh duh chu Public Prosecutor hian he case ah hian engvanginge heti tak maia, mipui hriat tura hma a lak a Press ah meuh hian an puan tak ? Public Opinion hi thlak danglam a tum a ni lo maw ? Hei hi Sorkar tih tir a ni em ? tih ka zawhbelh duh a.

Tin, Post Mortem titu Medical Officer khan a hliam hi a tin thu chu a ni a. Strongly Pressure a ti a, a report ah khan kan han hmuh phak ve chinah. Chutah chuan a nghawng ami hi a hmasa ber ang a, a awm veilam ami hi a dawttu ani ang a. Tiang chuan a awm veilam ami thi a hnute bul a mi kha aorta tube chu a va khawih fuh ang a, chu chu a thihpui a ni ang tih ang lam khanin a ziaak ta a. Hei hi Post Mortem Report kalmang a ni reng em ? Tin, a ni khan hetiang a tih a hi engtingge khatiang thleng thleng kha, a hmasa leh a hnuhnung te kha Medical Officer khan a rinthu a sawi ngam a, a hriat theih tih kha ka zawh belh duh baw k a.

Tin, pakhat leha chuan, Health hian Medical Officer Post Mortem titu kaihhrui lengeraw deuh hi a awm a ni lo maw ? tih hi ngaihtuahna ka zuk nei baw k a. A chhan chu Public Prosecutor-in a an sawinaah pawh khan HWV CAX a lehkhabuah khanin hesitation cuts chungchang hian, Medical Jurist Precedence Toxicatory tihah hianin hemi bua an quote ah khan, tentative cuts emaw anih loh pawhin trial cuts tih emaw a ni a. Khatiang a lo ti tawh reng reng hetiang a mahni inthat duh khatiang a lo tih tawh kha chuan an han tihin khatiang a an lo in chhun a, an lo inhliam anih pawhin khalaiah khanin invithlum mai lo khan kawng dang poison, turin emaw anih loh pawn in awkhlum zawngin an thi thin tih kha kha lehkhabuah khan an ti thin tih kha ziah niin ka hre si a. Chutihlai karah chuan, khali kha sawi tlang duh si lovin public prosecutor hian hengte tan chhana a'n sawi ta mai hi amah leh amah inthat ni zawnga chhui luh tir a mipui zirtir hi a tum lutuk a ni lo maw ? Hei hi Sorkar hian hetiang a ti tur hian a ti reng em ? tih ka zawhbelh a ni.

**SPEAKER** : Zawhna nei kha kan tam viau mai a. Sei lo deuh a, zawh theih hram nisela. Hun kan inpe vek dawn nia. A pawimawh kan ti tlang a ni ang e. Pu Lalhmingthanga.

**PU LALHMINGTHANGA** : Pu Speaker, hemi kan Pastor zahawm tak, dinhmun sang taka ding Spritual Minister kan ti ang a, hemi ina hetiang a unnatural death a lo tawh chungchang thuah hian Kristian ram kan nihna nen pawh hian a lehlamah chuan incident la thleng ngai lo, thil mak tak a ni a. Mizoram Kristian lo rama thi ni ta se chuan martarah kan chhiarin khawvel hian a buaipui hial emaw a ni ang a. Entirnan, hmun dangah Missionary te leh hetiang hi an thi zauh zauh a. Amaherawhchu, mi kut tuar an ni chaw k a.

Tuna kan Pastor boral danah hian Mizoram mipui zawng zawng khua leh tuite thinlung a khawih em em a. Tin, a hnu zelah eng angin nge he thih dan hi Sorkar lam ten an chhui tihte mi zawng zawngin, mimawl pawhin milian pawhin ngaihsak a ni a. Amaherawhchu, tuna kan Home Minister ina a rawn sawia kha helai House-ah hian Official taka la sawi ni lo mahse chanchinbu hrang hrangahte chhuakin special investigation team siam a ni a, chumite chuanin reilote chungin investigation hi an finalized a. Chumi final finding thehlukah chuanin "Mahni inthat" a ni e, tiin an thehlut e, tih hi tuman an hai lova. Kha kha un-official-in mipui hian an hre vek tho a ni. Amaherawhchu, tumah hei hian a convince lo reng reng a. a chhungril tak chu ngaihdan va siam a harsa a. Amaherawhchu, a te ber atanga a lian ber thleng hian kan Pastor kha mahnia inthat a nih hi tuman an ring lo tlat a ni. Chuvang chuan tuna tih makmawh rorelnaah pawh hian kan neih tak leh Mizoram Sorkar pawhina a neih taka hi chu khami special investigation team kha chu ti kha lo nita selangin. Mipui leh hemi ngaihtuhtuten Zoram chungga mi chauh lo pawhin confidence an neih theihna tur Agency te hian he case hi Sorkarin re-open lehin investigation hi ti thar leh ta selangin chutah chuan lungawina hi a chhuakin a rinawm a. Tin, khatah khan kan ram Kristian ram pawhin kan hming thatna zawk pawh a chhuakin a rinawm a. Chuvang chuan kan zawh duh hi chu kan Sorkar hian he case hi agency dang CBI-ah te pawh a pe thei lawm ni ?

Hei hi India rama arrangement kalhmag chu a ni hrim hrim a, State Agency tur, thil engemaw harsa zual khalai investigation emaw anih loh leh thil dang mipui convince-na a tawk lo an neih a, kan rawih tur atana India Sorkar hianin he organization hi a siam a ni a. Anni thiltih danah kha chuan mipui pawhin rinna an nghat thin a ni. State dangahte pawh heng anga thlen hian thil serious tak a thlen chuan an ti fo mai. Chuvang chuan kan sorkar hian CBI hnenah emaw investigation hi a tihtir leh theih ang lem ? tihtir hi a va tha ve tih kha kan zawt duh a ni.

**PU LAL THANHAWLA** : Pu Speaker, ka lawm e. IT report kha kan lo hriat ve dan a dik chuan inconclusive report a ang a, 'interim chu hemi case ah hian sawi leh duh nei an awm chuan sawi theih a ni ang', tiin a concluding-ah an ziak e an ti a. Hei hi a dik em ? Tin, dar engzat chiah a thi nge anih tih hi an finfiah tawh em ? Anmahni sawngbawltu Lawyers te leh mi tam tak khan zing dar khat vel lai niin an sawi a. Kan Police Department lam hian zing dar 5/6 vel lai niin an sawi bawk si a. Heta tang ringawt pawh hian thil chiang lo a awm a ni tih hi a chiang a. Dar engzat chiah nge ?

Tin, Plice hliam investigate-tute leh Post mortem atang ten a thuk lampang te an teh thin tur a ni tih hi kan lo hriat dan a ni a. Rev. Chanchinmawia chungchangah hi chuan a hliam thuk

lamte pawh teh a ni lova, a sei lam te, a zau lam ringawt te kha an ziaak a. Kha kha a dan tur reng em ni ?

Tin, engatinge kan lo hriat dan hi a dik chuan a hlimchhawnah khan Senior Police Officer-in material evident awm thei tur zawng zawng, chemte, tuboh tih ang zawng zawng kha a silfai sawk sawk ? Chung chu kan hre duh a ni.

**PU LALRINLIANA SAILO** : Pu Speaker, zawhbelhna Public Prosecutor khan a report leh mipui hmaa a puanzar ah khan a hliam hmuamhma leh Police tena chemte an man kha a inmil lo hle mai a. A ngawnga hliamah chauh khan inmil thei deuh angin a lang a, a bak chu a hmuamhma ai khan chemte kha a lian vek a ni. Kha kha engnge a awmzia ?

Tin, Rev. Chanchinmawia thih chungchangah hian engatinge MNF Ruling hard core te hian amah inthat a ni an ti a, mipui mai nilo, Police IPS lal tak pension pawhin amaha inthat a ni thei lovang, a tih ngawih ngawih pawh a, hetianga MNF hard core hovin 'amah a inthat a ni', an tih tlat mai a hi kan zawt duh a ni. Tin, engatinge Post mortem titu hian Police language ang ang hi a hman ve zel ? Hesitation cuts Police-in an ti a, a rawn hman ve chiah a, mithiam te sawi danin Doctor ho hi chuanin trial cuts tih emaw, trial wounds tih emaw an ti thin a, trial emaw tentative emaw an ti thin a. Hetiang hian Post mortem examination titute hi an duh anga hruai em ni an nih ? Hlawh neia tih em ni an nih ? Sorkar hian amah a inthat a ni tihtir a tum tlat em ni tih hi ka'n sawi duh a.

Tin, Rev. Chanchinmawia kha vau te pawh a tawk a, sum leh pai hmachhuana hel nena tang dun te, sorkar siam leh hi he ram hian a duh lova, chuangin hna zawng zawng 3 percent lo cut char char tute hian 1988 hma lama inthlanna a, mahni Party Office pawh sawn zak zak khawpa sum harsa ve thin khan a hlutna hriain 3 percent an cut ta a, tichuan 3 percent mai nilo leh thawhlawm te nena sum leh pawia inthlan hmachhawn hi Kohhran hian a duh lova, Mizo mipuiin an duh lova, ringtu ten an duh loh avangin huai takin mi dik Rev. Chanchinmawia a chhe lai siam tha tu thina hian kalpui a tum ta a, hnawk tiin telephone-a vauna te pawh a tawk fo a ni. Tin, open letter te pawh an thawn hial a ni a, chuang chuan engatinge MNF Party hard core hian amahin a inthat a ni an tih cel ? ka zawt a ni.

**SPEAKER** : Pu R. Lalzirliana ni leh sela i duh tawk rih ang aw.

**PU R.LALZIRLIANA** : Pu Speaker, Rev. Chanchimawia thih dan chungchangah hian sawi tur a tam a, zawhna pawh a tam hlein ka ring a, kan zawhna hmasa ber tur atan chuanin hei Rev. Chanchinmawia thihna chungchanga a case IO an tia mawni, Pu H.Lalnunmawia hian, a thihni hian Court-ah Ukil Senior tak tak pathum te hriatin zanlai dar 1 leh da 2 vela thi niin a lang a ti a, amaherawhchu, final report a lo chhuak a, chumi report ah chuan dar 5 leh dar 6 inkar vel a thi a sawi a lo ni leh ta hi engtizia nge ? Case IO hi Police ah chuan Officer tenau a ni a, a chunglam atang leh Sorkar lam atang hian dar 5 leh dar 6 a thi anga sawitirna hi, tihna em ni ? tih kha zawhna hmasaah ka'n zawt duh a.

Tin, a pahnihaah chuan Rev. Chanchinmawia kha a thih hnu lawk pawh khan helaia chiang taka amah beltute nen khan Senior Executive Secretary Office-ah kan in kawm a. Chu chuan a kaizaah khan, a kaizah vei lamah a kaisa vunpui chat hmawk a, var huai khawpa zaina a awm ani tih chiang takin Pathian mite hmaah a sawi a. engatinge helaiah hian Final Report a lo chhuah takah hian Police enquiry report-ah leh PME report-ah hian a lan ve tak miah loh tih kha ka zawt leh duh a. Tin, helaia Rev. Chanchinmawia case final report a lo chhuah a, a puang darhtu hmasa ber Public Prosecutor Pu S.L. Thansanga T.V.-ah te a rawn sawi a. Khata rawn sawi tupa kha a nupui thih danah hian a ke ruhte tliaka, a pang khawi khawi emaw duk rei rui awm a, awkhlum a hmuh a ni em ? A nupui kha tih ka zawt duh a. Tichuan Public Prosecutor hi tualthah thubuai nei tawh Sorkarin a rawih a ni em tih ka zawt duh bawka ni

Tin, chulo lelah chuan keimahni inthat, inthat hma deuh a trial cut an tihte emaw tentative cut an ti emaw ni ? Khatiang ang titute kha tiang ang hianin nasa takin Tv. a a rawn sawiah khan a rawn sawi a, an invite chin thin a, an in thai chin thin a, chutiang chuan an rawn ti thin a ni tih kha sawi a. Rev. Chanchinmawia kha chutiang chiah chuan awmna a hmuh vang nge ni a ? Amaherawhchu, hei a lekhate rawn quote-ah khan hei Medial Jurisprudence Toxicology tih lehkhabu atanga a rawn sawi a ni a. mahselangin, kha kha helai phek 295-na velah hian chiang takin a ziak a. Khatianga trial cut emaw tentative cut emaw titute kha chuan an tihna ang khan chemte-in emaw an inthaina emaw, tuboh emaw khatiang khan an in tihlum ngai lova, an in hal emaw an in awkhlum emaw, turin emaw, khatiang khan an tihlum thin a ni. Frequently he stopped his attempt and uses source other method such as poisoning, firing and hanging tiin a ziak a. Khangte kha rawn ziak duh miah si lovin, mahni inthat ang ngar ngar a

chhuah duhin Bible changte ten emaw chang khat an la chhuak a, a piah lam chhiar duh miah si lovin, sual rawng an bawlnaah hian engatinge an rawn tih kher ? he Public Prosecutor hian tih ka zawt a ni.

**SPEAKER** : A relevant lem lote pawh kha a awm a. Ka ding lama mite hi pakhat chu inzawhtir ve ang aw. Pu Lalchhandama Ralte.

**PU LALCHHANDAMA RALTE** : Pu Speaker, Rev. Chanchinmawia kha dar engzatah nge a ruang hmuh anih ? Pastor Quarter kha chhung lama kalh tlat anga sawia kha a dik em ? tih ka zawt duh a. Tin, khawtlang leh NGO hruaitute, Kohhran hruaitu atira a ruang sawngbawltute khan a tiah khan FIR an thehltu nghal em ? Vui hun tute kha Kohhran Committee leh NGO te khan dar 2 ah an ti tih kha a dik em ? FIR hi dar engzatah nge thehltu anih a, FIR thehltu tu hi tunge ? Tin, Special Investigation kan report tlangpui puanzar anih hnu hian lungawi lohna nei a, Apex Court-ah emaw Higher Authority hnenah ziaka complain thehltu an awm tawh em ? A nupui, fanute emaw Synod ka ngei atangin emaw hemi chungchanga chhuinawn tur ngenna emaw a awm tawh em ? tih ka zawh belh e.

**SPEAKER** : Relevant vak lo te pawh kha a awm a, chhan theih ang ang chhang turin Home Minister i lo sawm ang.

**PU TAWNLUIA MINISTER** : Pu Speaker, Rev. Chanchinmawia kan rawngbawltu duhawm tak hetiangawawinnia helaia a sawi lo tul ta hi a vanduaithlak kan tiin pawh ka ti a. Kan ngaihndan kan sawi te pawh kha serious taka kan ngaihndan leh kan thinlungin pawh a tihzia lantirna a ni Chiang hlein ka hria a. Tahrik Ni. 1.10.2008 zing dar 8 velah khan Rev. Chanchinmawia lungphu chawla a chenna Khatla Pastor Quarter-ah a thih thu telephone call ASIM Baby Vanlalzamliani hnen atangin Pu LT Hrangchala SP Aizawi-in a dawng a. Chumi hnu lawkah chuan Pu Lallianmawia Security hnen atangin phone call Rev. chanchinmawia thih thu dawng lehini chuan hrimhrei hmanrua hmanga inthat nia an tih thu te a sawi leh a.

Hetianga report a dawn veleh Inspector PC Lianhmingthanga OC Aizawl SP a chu a hmuna kala thil awmdan va enfiah vat turin a tir nghal a. DC chuan a hmuh dan case of occurrence leh irine scene zawng zawng chu a thi chhungte leh midang thleng hmasaten an lo tihfai vek tawh leh Rev. Chanchinmawia ruang an lo bawisawm vek tawh thu aizawl SP hnenah a sawi a. In case-a tih a, Post mortem ngei tha a hriat anih avangin Additional SP Pu Rodingliana

Chawngthu leh Pu Lalringdika SDPO South kaihhruainain in case hi dar 11:30 velah neih a ni a. Chumi hnuah a ruang hi Civil Hospital-ah a ruang hi Post mortem tura thawnin Aizawl SP unnatural death case No. 12/17/ date 1.10.2008 Under Section 174 Cr. PC ziak lutin special investigation team din nghal a ni a. Hei hi kan Police ten Sumo Moto an ti a. Thil lo thleng unnatural death anih avang khan an chhui theihna turin Police ten FIR an siam tihna a ni. Special investigation team ten theihtawp chhuahin a thihna hmun tihfai tawh te, a theih chin chin enfiahin hriamhrei hman nia rin a ruang bula awm na tihfai diam tawh te hu hruatpuitute hmuhlai ngeua man (ceized) a ni a, chungte chu chemte 13 inches a sei, a thir chin blade 8 inches vela sei (a hriam chin tihna a nih chu) 2) Chhang zaina chemte 10 leh a chanve inches vela sei, a thir blade 6 inches vela sei a ni a. 3) Lung, Rawra chhutna tuboh te a ni a. A chenpui te, a nupui Pi Rohmingliani te, a fanu Rinmuanpuii leh an awmpui Lalhriatpuii d/o C.Lalchhuana of Champhai District amite chu uluk taka thu zawhfiah an ni a. Heng bakah hian an thenawm hnaivai a hmun place of occurrence te leh midang thu hretu (witness) mi 32 lai thu zawhfiah an ni a, an Statement pawh lak, (record) vek a ni a. Rev.Chanchinmawia nunhlui leh hun kal tawh uluk taka chhuiin a rilru lo buai tawh thin (depression a neih dan te leh thil awm thei chi hrang hrang te leh sulhnu leh Post Mortem Examination result atang tein Rev. Chanchinmawia thih danah midang omiside leh inhnawih theihna engmah hmuh a ni lo a, tichuan December 6,2007 khan ADLM(J) Aizawl Court ah hemi Special Investigation Team te thil hmuh dan chu final record thehluh a ni a. AMD(J) Court zahawm tak pawhin final report hi a lo pawmpui (accept) a ni. Kha kha ka'n sawi duh a.

Tin, zawhbelhna hrang hrangah khan a titu an awm anih chuan emaw engvangge a thihna chhan tak kha hriatchhuah ngei ngei tura tul leh pawimawh anih thu pawh kan sawi theuh mai a. Khatah chuan kan ngaihdan a thuhmun vekin ka ring a. Tunge a titu? emaw, amah leh amah pawh chu a lo ni reng em? Tihlai tak kha chu kan zavaiin hriat kan duh pawh niin ka hria a. Kan sawi angin helaia zawhna hrang hrang pawh khan chanchinbuah RTI Act hmangin hmuh v ek tawh, public property a ni a. Kan sawi ang khan Sorkar chuan kan theihtawpin kan investigation team ten an han submit kha a final report a ni a. Opposition Group Leader Pu Hawla a rawn sawi kha prelim emaw interim emaw ani em ? tih kha a rawn zawt a, hemi kan report thehluh hi final rept tih a ni a. Chu chu ADM(J) in a lo pawm tak chu a ni a. Tichuan, heta zawhna dang



pakhatah khan engemaw, a chhui nawn leh theih ang em le, tih a ni a. Dik tak chuan Separation of Judiciary kan nei a, kan hre theuh a. Khalaiyah khan Sorkar chuan tuna kan tihpung pawh kha kan tihdan tur pangngai a ni tih kha chu tupawhin kan hre tlang theuhin ka ring a. Tichuan Court berin khatiang final report submit kha lo pawm tawh chuan hei hi Court in a lo rel dan leh Court finding kha a kal dan tur chu a ni mai a. Tichuan tunah hian tihnun leh theih dan a awm em? tih kha chu kan report ah pawh khan thu chu kan dah ve a ni.

Rev. Chanchinmawia thih dan chungchang ah hian Police Special Investigation Team ten hei hi an chhui dan a ni a. Fresh evidence te a lo awm thar a, chhui leh a tul anih pawhin chhui leh turin kan inpeih reng a ni tiin Court an hrih a ni. Chuvangin tunah hian report kha court in a lo pawm a. Chutiang anih tawh chuan Court khan direction emaw ruling ti mai ila, thudang kha a lek dzwn em? Tih chu Court thu nita sela, tin, sawi duh kan neih anih chuan Court kha a thu awmna anih tawh avangin Court kha an thlenna tur chu niin a lang a ni. Tin, thildang zawhna dang neuh neuh kha chu kan sawi ang khan helai hi chu court a ni lova. Pu Speaker, ADM(J) Court a ni lova House a ni a. Chuvangin khalai kha chu kan zawhna hrang hrang awm kha chu Court kha a finfiahna leh zawhna hmun tur a ni ang, tih kha chu ka ring a. Dik tak chuan Pu Speaker, he investigation report pawh hi Sorkarin kan approve a, khatiang submit chutiang tur chu a ni lova, kan hre vek a. Team an awm tawh a, Sorkarin thubuai a awm a, tikhanin a tutute khanin an submit a ni a, chu chu a kalphung a ni tih kha ka'n sawi duh a. Tin, hemi RTI Act 2005 Section 8 hnuaiah khanin exemption from disclosure of information, tih clause a awm a, chumi dan hnuaiah chuan State hrang hrang hian State Sorkarina a hum deuh tur chinte ruahman theihna a awm a. Chu chu kan Sorkar pawhin a tul a ti a. Police Department atanga rawtna awm ang khan Sorkarin min approve hnuaah khang kha exemption list a kha siam a ni a, dan ang thlengin kan siam e tih kha kan chhanna a ni e.

**PU LALDUHOMA**

: Pu Speaker, zawhna chhan a bar reng reng a. Kan supplementary zawng kha a chhang lo reng reng a RTI Act hnuaia exemption te kha chu

kan hre ve tho. Vital installation leh National Security khawih thilte a ni. Helaiya helho te nena negotiation leh settlement, extremist leh militant te nena an thiltih loh convert and evert, a lang lam emaw a ruk emaw zawng zawng pawh RTI hmanga dil theih loha an siam ringawt hi a va zahhlak ve mawle. Home Department langtlang theilo kan nei dawn a ni maw? Dik tak chuan Suangpuilawn kidnap case te pawh an hup bet tlat a. RTI hmangin kan la chhuak a, lemchan a ni tih hriat chuan a ni tawh a. Chuvang chuan kan hlauthawng anih hi. Tunah pawh khan kan han ngaithla a, a dik chiah chuan mahni intihhlum a ni tih finfiahna kha a them pawh a awm lo reng reng a ni. Tiang ringawt hi chuan a dik lo ang.

**SPEAKER** : zawhbelhna a awm kha chuan  
zawbelh mai nisela, Pu R.Lalzirliana.

**PU R.LALZIRLIANA** : Pu Speaker, kan Minister zahawm tak  
khan helai hi Court a ni lo a, tia  
Court a nilo reng a. Public Interest  
kan sawina hmun tur a ni a, rorelna

hmun a ni a. Chutah chuanin kazawhna leh midang zawhna pawh kha chhan a  
awm loin ka hria a ni. A thuphungin a rawn sawi leh ringawt a. Rev.  
Chanchinmawi kaiza vei lama a vunpui chat hmawka zaina kha engatinge  
ngaihtuah tel anih tak loh ? Mahni inthat te hi kei lama kaiha a inzai hi  
khawiah mah heng lehkhabu liam pui puiah te pawh hian a la inziak loh  
avanga rawn ziak lo ta mai nge an nih a, engnge ni a chhan kha khawngaih  
takin min hrilh leh se a tha ka ti a. Tin, Rev. Chanchinmawia Kohhran lian  
ber mai pawh nilovin Kohhran hruaitu zawng zawng Committee-ah pawh amah  
inthat anih hi an ring lo reng reng. Tichuanin mi thianghlim vui danin kan vui  
a. Tin, a thuziak pawh kuminah Presbyterian Kohhran pheii chuan kan zir a ni.  
Pension engkim a chhungten an dawng vek a. Mahni inthat nise, khatiang kha  
an pem lovang. Pathian miten khatia an tih tawh hnuah khan leh helai roelnaah  
leh mipui ti ti reng rengah mahni a inthat a nih loh an rin hmu hian CBI hi  
chhuitir turin a pek theih lawm ? Engatinge kan pek mai loh ? State dangah  
pawh rinhleleh kai chu an pe a. Thildang hmuhchhuah an nei fo thin. Hei  
public interest a ni a, an tih phawt chuan engatinge kan pek mai loh ? In tih  
ngam loh tih kha kan zawt leh duh a ni.

Tin, relevant lo kan han ti pawh a ni  
mai thei, Public Prosecutor hetiang thil sawi mam tur hi chuan in rawih hi a  
dik lo. A nupui thih thuah pawh mi rinhleleh a kai a. Chuvangin,  
Rev.Chanchinmawia thihna chungchangah pawh hian mi rinhleleh a tikai zual a  
ni tih hi ka sawi duh a. Mi rinhleleh kai chu a dik fo thin. Hei hi chu in  
tifuh lo deuh a ni. A diklo a ni tih kha in pawm thei em ?

**SPEAKER** : Layman kan ni tlang a, wording  
hman leh eng engemaw kha chu a  
kilkhawr ve bawk a ni.

**PU LALRINLIANA SAILO:** Pu Speaker, kilkhawr lo deuh kan  
zawt ang e. Minister sawi atang  
khanin Crime scene tihchhiat hi crime  
a ni em ? a hreawm tak khami an

insual buai ngei anih a rinawm a. A chhan chu a fanu Rinpuii Statement ah pawh hian tui khawihnahte, gas stove bulah te thisen hmuh a ni tih sawi a ni a. A hnuah hian an zuak lang leh ta reng reng lova. Chumi anih chuan an insual buai hle niin a rin thei a. Crime Scene awm theia kha awareness nei niawm tak, keini aia mithiam zawk, MPS tlangval tena lo hrukfai hultir zar zar kha a dik em? tih kan zawt duh a. A sawi atang chauh te khan.

Pakhat lehah chuan public prosecutor ina tuna kan Minister zahawm tak ina a sawi, chemte a hmana kha a seizawng te a rawn sawi ta a. Public Prosecutor ziah leh Police ziahte a in ang lo khawp mai a. Khawi nge dik zawk? Public Prosecutor sawi nge dik zawk Police report tih ka zawt a.

Tin, Rev.Chanchinmawia nupui te an khawngaihthlak hle a. Chutihlaia a chungah kawngka a inkalh a ni lawm ni an tilui tlat a, police in SP in chutah a inkalh si a, a titu in hriat loh chuan nangmahni ini mai alawm, amah a ni mawi tihte hi tumtir nei lutuk a, amah inthahtir tumna lutuk a ni thei em?

**PU ANDREW LALHERLIANA:**

Pu Speaker, ka lawm e, i dawhtheihna avangin lawmthu ka sawi duh a. Rev.Chinchinmawia case hi a pawina em em chu Zoram mipui min then "polarized" a ni. A chungah han sawiah pawh hian i dinglam leh veilam a miah pawh hian indication hmuhtheih awm chu, i dinglam ami sawitu pakhat khan Post Mortem Report confirm zawnga a chhang turin zawhna a zawt tlat mai. Chuvang chuan min polarised em em avangin Mizo hnam hi kan dam a ngai a ni. (SPEAKER: Thiante zawhna dan kha chu i sawi sel lo ang u a) Awle, ka sawi tawh lovang. Tahchuan kan dam a ngai a, hemi chungchang tuah hian Court a in nghat lovin ka hriat sual loh chuan Sorkar hian case a mipui an satisfied loh hian court thu nghak lovin Sorkar pawh hian a case re-open tu tur a hma la tuah an tang thei a ni. Chuvang tak chuan heti khawpa Mizo mipui min polarised tu hi kan damna tur leh kan satisfied na tur hian thlir leh nghak mai lovin Sorkar hian initiate lain chiang taka zir leh a ngai a ni. Hei hi khawngaih takin ngai pawimawhin he case hi open leh rawh se tiin Government side zawk atangin a hawn leh theih lawm ni ka ti a ni.

**PU SAIKAPTHIANGA :**

Pu Speaker, vawiin nia kan zawhna leh chhanna tih mek te hi thil lungchhiat thlak tak a ni a. Kan ramah hian he chanchin hi a cham

rei viau ang tih pawh ka ring a. Hetiang hian kan zawt leh ang. He case hi Sorkarin a duh chuan a re-open thei a, Sorkar chuan Police Report atanga Court ngaihndan kha a pawmpui niawm tak ani. Tichuan zawhna lokal dan atang khan pawmpui lo kan tam hle mai, Sorkar kher lo mimal pawh hian he case hi re - open leh tur hian a tih theih mai em tih kha ka zawt e.

**PU TAWNLUIA  
MINISTER**

:

Pu Speaker, Kawrthah bialtu MLA zahawm tak zawhna hnuhnung ber a kha nichinah khan kan sawi tawh a. Rev. Chanchinmawia thihna chung-

changah Police Special Investigations Team ten hei hi an chhui dan a ni a. Fresh Evidence te a lo awm thar a, chhui leh a Team ten hei hi an chhui dan a ni a. Fresh Evidence te a lo awn thar a, chhui leh a tul anih pawhin chhui leh turin an in peih reng a ni tiin Court kan hriattir a, chu chu Court a kan thu hriattir a ni. Hei hi Court-in chutin khatin an la ti lo. Tin, hetah hian Court-ah a awm tawh a, midang pawhin pawhin hetah hian Evidence chhui that ngai nia kan hriat emaw chhui tlak, a chhan kan hriat chuan Court-ah a kal theih vek tih hre tlang ila, a thain ka ring a.

Tin, Public Prosecutor in Statement a siam kha Sorkar ten kan hriatpui lova, ama mimala a sawi niawm pawhin a langin ka hria a. Kan tihtir a ni lo, tih ka sawifiah duh a ni. Tin, hemi chungchangah chuan Separation of Judiciary a awm a, ADM(J) ah engkim kan Sorkar atanga kan investigation team ten an hmuh ang ang pekluh a ni tawh a. Anni-in khang kha a tlangpuiah a lo pawmpui niin ka hria a. Chutah chuan heta kan thu hnutchhiah erawh hi chu kan investigation team ten evidence thil a la awm a, chhui ngai anih chuan chhui turin kan inpeih e, tih kha erawh chu Court thuah kan ngai a ni. Hemi chungchangah hian thudik hi tunge duh ber ang ti ila, kan inchuhin ka ring a. Kan feeling chu a awm theuih ang. Mahse, thil hi kan hriat theuh ang hian kha kan chhiar a, Act atangin engkim mai zet awm hauh lovin hmuhchhuah vek tawh a ni a. Vawiinah hian, ka sawi ang khan, kha thu kha Court-ah a awm tawh anih si chuan, helaiah hian keini'n lo chhang ve dawn ila, chulaiah a awm em, awm lo em, tih kha, a dik tak chuan kan hre ve lo a ni. A hre tur ten an hriatah kan inngat tur pawh a ni a. Chuvangin thil reng reng kha kan hre duh emaw hrilhiah kan ngai emaw anih chuan a dikna takah chuan Officially chuan Court-ah kan zawt tur a ni a. Court khan ngaihndan dang a nei emaw, tihtur tul a awm anih chuan direction min la pe tur niawmin a lang a ni.

**PU LAL THANHAWLA** : Pu Speaker, kam hnih khat chiah. Rev. Chanchinmawia rawng taka thah a ni hi a vanduai thlak tawh tehluu nen. Helai House-ah leh pawn lamah pawh sawi a ni reng mai hi Sorkar tan pawh a vanduai thlak a, a tlawmngaih thlak in ka hria a. Kan House a Member tam berin an zawhna, an duh chu - Tunah hian Kohhran mahni inthatah an pawm lo a ni. Mahse, Kohhran tan chuan bawhzui zel dan kha Committee-a han kal chi an ni lova, an tihtur awm chinah chuan mahni inthat a nilo a ni, tih hi an pawmdan anih avangin zah takin an vui a, a thuziah pawh Synod Mizoram Presbyterian Kohhran chuan vawiih hian Sunday School-ah an zir a ni. Hetah hian Synod ngaihdan hi a chiang em em a ni.

Tin mipui leh helai Member sawi tam ber khan leh mipui tam ber te hian kan pawm lo bawh a ni. Chuvangin kan Sorkar hian SIB tlemte a thu hnuai ami leh ADM khami te kha Zoram Kohhran lian ber te leh Kohhran dang dang te leh mipui ngaihdan leh helai Member tam ber ngaihdan hi zahin tlawmah la lovin, engahnge he case hi an re-open mai loh, an duh chuan an re-open thei a ni. Hmanni lawkah FCI Officer Guwahati, Assam-ah an kidnapped a, an rawn chhuah leh a, a thihdan velah Assam Police te investigation-ah khan mipui an lungawi lova, a chhungte an lungawi lova, chuvangin Chief Minister khan CBI a chhawrtir ta a, tichuan mipui an dam ta a ni. Vawiih hian kan Sorkar hian kan Kohhran te leh kan mipuite damna hi a duh ber turah ka ngai a, chuti anih chuan engahnge helaiah an Officer tlemte Magistrate te, tunah hian Magistrate chuan verdict pawh a siam lova, ruling pawh a siam lova, judgement pawh a siam lova, Sorkarin a appoint SIB team, investigation report a kha a pawm mai a ni a. Chuvangin Sorkarin hian Court kha a zuk oversight reng, tunah hian Separation of Judiciary from Executive hi a la awm tak tak lo tih hi a hretute kan ni, keini ho hi. House hi thudiklo hrilh tur pawh a nilo. Chuvangin Mizo mipui leh a bik takin kan Kohhran te damna tur atana he case hi re-open leh a, CBI emaw Outside Agency ziaawm deuh chhuitir hi tlawmah la lovin an tih turah keini hi chuan kan ngai a ni. Chuvangin hei hi an tih leh hi kan phut a, tichuan helaia mi tlemte damna ai chuan Zoram mipui, kan Kohhran te damna hi kan Sorkar hian a ngai pawimawh zawk lo em ni ?

**PU TAWNLUIA MINISTER** : Pu Speaker, Kohhran Member vek kan ni a, kan Puithiam te hetiangah hian an chanchin a lo nihah chuan kan za vaiin thudik ti harchhuah duhin thahnem kan ngai theuh a, kha kha chu kan hretlang theuhin ka hria a. Tin, Kohhran pawhin dik tak chuan thu a tam a, chulai karah chuan finfiah, chhui anih mek lai khan khatiang khan an vui a, an tihtura an ngaih angin an kal a, tuman kan sawisel lova. Tin, Kohhran pawhin Synod Moderator kalchhuak ta

...470/-

pawhin a sawiah kha chuanin Court thuchhuak kan nghak mek e, a tive a. Tin, Pathianin thudik chu a hria an ti a, keini pawhin Sorkarin a chhui a, Court-a an thehluh a khami Court ruling-a kha a nghak Sorkar pawhin a titu hi chu emaw he thudik hi chu Pathianin a hria e, tih hi kan ngaihdan a ni leh mai a. Chuvangin he thu hi Court-ah a awm a, tin, Sorkar pawhin Court-in chhui tul a nih chuan chhui turin kan inpeih reng e, kan la ti tho bawk a. Tin, sawi duh nei emaw, thlen duh nei emaw kan nih chuan Court kha kan thlenna tur a ni tho bawk a. Engkim kha a in hawng a ni e, tih kha ka chhanna a ni.

**SPEAKER** : Starred Question 102 - na zawt turin Member zahawm tak Pu H. Lalsangzuala i lo sawm ang.

**PU H.LALSANGZUALA** : Pu Speaker, ka lawm e. Ka zawhna chu kan Minister zahawm tak Food, Civil Supplies and Consumer Affairs Department, chhan atan -

a) Supply Godown tur sak belh tumna Sorkarin a nei em ? b) Supply Godown sak zawh thar. sak chhiat avanga buhfai dahna tlak loh hi kan Sorkar hian a hria em ? c) Hria nise, eng angin nge hma a lak ? tih ka zawt e.

**SPEAKER** : Chhang turin Food, Civil Supplies and Consumer Affairs Department, changtu Minister zahawm tak Pu K.Sangthuama i lo sawm ang.

**PU K.SANGTHUAMA MINISTER** : Pu Speaker, kan MLA zahawm tak Pu H. Lalsangzuala zawhna a)-na chhanna chu nei e, tih a ni. b) -na chhanna chu Supply Godown sak zawh thar sak chhiat avanga buhfai dahna tlak lo a awm Sorkarin a hre lo. c)-na chhanna chu, hetiang thil hi hriat anih loh avangin hmalak a awm lo.

**PU H.LALSANGZUALA** : Pu Speaker, zawh belhna. Nikum chhung khan Supply Godown, BAFFACOS atangin pawisa sum tam tak kan Sorkarin a seng a, a tha a,

mahse, sak that te pawh awm bawh mahsela, hmun thenkhata a chhe em em a. Chutiang chuan ka bial chung Vanbawng khuaah pawh Supply Godown sak a ni a, dah tlak loh in tunah pawh a awm a ni a, an sak belhna kha engmah awmzia awm lovin tikhian a awm ringawt a ni a. Tah khian repair leh sak that a awm bawh si lova, a contractor te compensation report pe turin completion report pe tur hian Sorkarin tute nge a hman ? Report an pe lo em ni ? Tin, kan zawh belh leh duh chu, an Department-ah te an khawtlang hruaitu NGO te lo kalin a chhiat zia an rawn sawi a. Officer te pawhin an hre tawh a. Amaherawhchu, 'a sakna tur pawisa kan nei tawh lo' an ti mai si a. Kan Sorkarin hetianga an hre lo tlat mai hi mak ka ti a. Tin, zawhbelhna pahnhnaah, Tuivai chhak lampang huam Phuaibuang, Khawlian kan tihah khian kan Department hianin fur chungka kawng a kal thei tlat loh avang khian School te emaw hmun ruak lo dap r'u, an ti a. Tahchuan, khawtlang hruaituten Supply buhfai a Godown Annexe a dahna tur an lo siam a. Amaherawhchu, chuti chung pawh chuan mipui ten buhfai an kham lova. Fur chung thla hnih thla thum chung kawng a block a, tahchuan mangang em emin an awm a, vawi tam Sorkarah ka thlen tawh a. Tam tak tak chuan Air Dropping te hial pawh an ngen a ni a. Chutiang khawp chu anih si karah Sorkarin min hriat sak lohna hi mipui te an mangang em em a. Chulai chu engtingge Sorkar hian a Godown te pawh chu a thara fur chung tla tur Tuivai kualah te leh hmundang dangah fur chungka motor kal theih loh te hmuna Godown sak a tum em tih ka zawt belh e.

**PU LALHMINGTHANGA** : Pu Speaker, a relevant tho turah ka ngai a. Hemi BPL Ration Card -ah hian a inziak a, chiang takin. An quota hi Kg 35 ni tura ziak a ni a. Engtingge Retailer tam tak hian Kg 30 te, a then chuan Kg 27 te an pekchhuah that hi kan Minister hian a hria em ? Kha kha engvangnge ? Hei hi mirethei te rahbehna a ni lawm ni ? Tin, Retailer te khan Kg 35 kan pekchhuah chuan kan hlawk lo tih ringawt chhuanlamin Kg 5 te Kg 7 te an pe kim lo thin a. Hei hi thil pawl tak a ni a. Sorkar hian a siam tha thuai thei ang em ? ti ka'n zawt e.

**PU R. LALZIRLIANA** : Pu Speaker, ka lawm e. Hei hmanna ka sawi, Retailer hnen atanga MNF ten buhfai insem tur tih kha, a chiang zawk chu Food for Work MNF Unit bik khan an thawk a, Food for Work hna kha. Khami an buhfai lak kha MNF bik khan an insem ringawt mai a. Hei hi a zahthlak ka ti tak tak a. Thiang lo hlawn tawp a ni a. Chuvangin, kan Minister hian Food for Work hna hi MNF Unit-ah hian a pe lo thei tawh ang em ? tih hi ka zawt duh a. Chumi

a pekna chhan nia min rawn hrilh dan chuan kan Minister hi khilai bialah khian din a tum ve a. Tiang chuan tan a han la a, an ti a. Rawn ding se ka ti a. Inbei ang, ka ti a ni. Vawiinniah hian, ka cho a ni. Mi hrim hrim hi ka cho lo a, mahse, ani hrim hrim hi chu hetiang ang mai mai a thil titu hi chu ka cho lutuk. MNF hian rawn dah ngei rawhse, ka ti a ni.

**SPEAKER** : Minute hnih a la awm a, zawhna lam kha kan tui zawkin ka hria, chhanna lam ai mah khan chhan nan hun kan hmang zo mai dawn a niang ? Aw Pu Lalchhandama Ralte kan ti ang a, Pu Duhoma kan ti leh ang. Zawh sei loh ni sela.

**PU LALCHHANDAMA RALTE** : Pu Speaker, a relevant thoin ka hria a. Buhfai Supply chungchang te a ni bawk a. Hmar tlangdung Tuirini Lei zawhtute Tuirini Lei piah lampang te khi tunah khian buhfai Trip phur a zawh ngam loh avangin buhfai phur an kal theilo a ni a. Lei thar tur tender chhuah a ni tawh a, siam a la nih hma khian PWD lam nilo mah selangin kan Minister hian khilaja buhfai Supply tha zawka kalna tur hian PWD Department lamte hma a lakpui tawh em ? Engtiangin nge harsatna kan neih thei mai dawn e. A rang lamin hma a la thei dawn em ? tih kan zawt a ni e.

**SPEAKER** : Aw Pu Duhoma a pelh hret pawn a chhangtuin a chhan hunah chhang tlang law law se, a tha ang tir'u.

**PU LALDUHOMA** : Pu Speaker, ka lawm e. Hmanniah khan helajah hian Ratu BPL buhfai atangin Kg-1 zel an cut thu ka sawi a. Kan Minister zahawm tak hian inquiry a tihtir nghal a, ka lawm em em a. Amaherawhchu, an intir chhawng zel a, a tawpa inquiry latu tak chu Grade-IV a lo ni ta a. Ka hlauthawng deuh hlek a, enge result a awm tawn em aw ? ka ti a. Chu chu min lo hriatsak deuh se, ka duh a. Tin, tukin zingah Sunhluchhip ka bial atangin an V/C ni bawk Retailer ni bawkin buhfai 10 Kg pekchhuah tur angah 8 Kgs. zelin min pechhuak a, khawtlang kan mangang lutuk an rawn ti bawk a. chu pawh chu min han enfiah sak thei lawm ni tih kan zawt duh a. Tin, hmanni



Emergency Relief Committee kan neih khan BPL in an quota 35 Kgs. an lak fai hunah hian APL anga an dawn tur balance a la awm anih chuan an dawng thei tur a ni tih kha kan inhrilhfiah a. Nimahsela, BPL Card an pek khan an APL Card kha an hrensak daih tawh bawk si a. Chuvang chuan, engtinng Card neiloin a APL buhfai a kha an lak theih tak ang tih laia kha min han hrilhfiah se, ka duh a. Tin, BPL list hi an ti danglam an ti danglam mai a, an Ration Card an lo laksak tawh bawk si a, a pangngaia kha, khatiang ang kha an buai em em mai thin a ni a. Chungte pawh chu, helai House chhunga kan sawiah hian fel vek thei lo mahsela, a Minister-ah leh Department-ah te MLA ten kan hriat ang ang kan bial chhung kan han thlen a hi top priority pe a, min lo ensak vat vat turin ka nengin an ti thei ang em ? tih ka'n zawt a ni.

**SPEAKER** : Chhang turin Supply Minister i lo sawm ang.

**PU K.SANGTHUAMA MINISTER** : Pu Speaker, alawmawm khawp mai. Kan harsatna te kan MLA ten an sawi zel a. Helaia kan hriat loh ang te thil awmdan kan enfiah zel ang a.

Pu H. Lalsangzuala zawhna Vanbawng-ah Godown buhfai dah thar leh awma sawi kha, kan lo enfiah ang a. Chutiang a awm anih chuan a ranglamin kan lo bawhzui ang.

Tin, completion report kha hei hi a enkawltu Inspector ten enin completion report an rawn pe thin a, hei hi tih tlak a ngaih a ni thin a. Mahse, diklo tana thil tihte a awm thei tho a ni a,

chuvangin khilai Vanbawng bik leh Pu H. Lalsangzuala bial kha a rang thei ang berin kan lo enfiah ang tih kha min lo hriatsak turin ka han ngen nghal bawk a ni.

Tin, Tuivai chhak lam kawng tha lo hi, a tha lo zel dawn tih pawh kan hria a. Tuivai chhak lam mai ni lovin, Saitual - Phullen inkar hi furah chuan a kal dawn lo, a tha thei dawn lo a. Black top te zawh loh a ni a. Kan lai vak a, tunah hian hemi laih a hi a diak thin hle a. engpawh nise, Saitual-ah buhfai kan chhek chho tam a. Khata tang khan fur tla tur dah khawl kan tum hram hram a. Theihtawp kan chhuah ang a. Thla hnih vel zet buhfai furpui hmian thiar a la awm a, theihtawpa mangang lo tura hmalak tum a ni tih kha kan MLA zahawm takin lo hre turin ka ngen a ni.

Tin, Pu Lalhmingthanga zawhna - BPL Kg 35 a ni a, Kg 30 te, 27 tein an pe thin tih kha, Official chuan hriatpuina kan nei lova. Amaherawhchu, kei pawh hi ka en ang a. Harsatna a awm anih chuan thehtawp chhuahin a tihtheih dan kawng lo dap turin hma ka la dawn nia.

Tin, Pu R. Lalzirliana zawhna - Food for Work chungchang kha chu, hei hi kan kutkawih a ni lova, buhfai an lei a, Food for Work RD lam hian an sem a ni a, khalai thila kha chu thui tak sawi theih ka nei lo. Chuvangin Food for Work-ah hian Supply lamin tunhma atangin kan nei lo a ni tih kha min lo hriatsak se.

Saitual District-a din leh din loh chungchang chu kan hotute thu thu a ni a. Ding tura min tih chuan ka ding mai ang. Englai mah hian din hrehna a awm lova, thuneihna erawh ka nei lo. A tul leh kan khua in kan han inkhing mai a ni ang chu, i tlenche bik lo ang chu.

Pu Lalchhandama Ralte rawn sawi helai hmartlangdung chawmna tur khilai Tuinrini Lei khi, PWD leilawn a ni a. Duhthu a sam lo a, 100 quintal phurh theihna chauh a ni a. 200 quintals phur thin an ni si a, chuvangin kan buai khawp a, engtinng e kan ti ang aw, ka ti a. PWD-ah pawh ka report tawh a, an Chief Engineer te ka sawipui tawh a, khilala khi an siam that hma te pawhin an thawk chho mek zel a. Tichuan kan harsatna han tawha chu 100 quintals chiah phurh tlang rih a ni a. Chubak a zo si lo a, a bak kan phurhtir chuan a chhiat vek khan a pawl lehzual dawn zawk a. Tin, leilawn reng reng hi a phurh zawh tawk tur ruahman vek a ni a. A aia tam phurh hi chhe thei anih avangin sawi loh a ni a. Engpawh nisela, khilala a load-na tur, 100 quintals an phurh baka load-na tur pawisa pe mai ila, tichuan khita tang khian quintal engzahng e tawk ang tih kan hisap mek a. Chuvangin helai atanga an phur tam deuh anih pawhin 100 quintals danga chu khilalah unload leh loading mana kha pe ta mai ila, tichuan, kan sawi ang khan kan ti a, ngaihtuahna kan hmang mek a ni tih kha Pu Lalchhandama Ralte khan khawngaiha min lo hriatsak turin ka'n ngen bawk a.

Tin, kan MLA zahawm tak Pu Duha rawn zawh kha kan han zawh chian tir a, an rawn chhanna chu Re. 1/- an la zel tih kha. Hei hi lak a awm kan hre lo a, kan han zawt Chiang a, an ti a. Chuvangin an hmuh dan kha dik turah kan han ngai mai ang a. Engpawh nise, kan lo enzui zel ang, hetiang thil hi thil awm lo turah chuan kan ngai a ni, an rawn report dan atang chuan kan hnathawktute kan tir vat a, an han en a ni.

**PU LALDUHOMA**

: Pu Speaker, a list pawh, mihring list-te pawh an siam diam a, a chhuitu kha IV Grade mai mai anih tak avangin an in pawh ta lova, khawngaih takin min tihrawn sak turin ka han ngen che a ni.

**PU K.SANGTHUAMA  
MINISTER**

: Aw, engpawh nise, kahmi list nen khan min rawn pe la, khawngaihni ka DCSO te pawh kal vang vang sela, a tha ang. Tin, Sunhluchhip 8 Kg an pe tih pawh hi kan lo enchiang vat bawk ang.

Tin, BPL hi 35 Kgs. bak pek tura kan sawi, hei hi chu nikum lam daiha order kan siam tawh kha a ni a, implement ngei ngei tur a ni a. 35 Kgs. BPL-in an laka kha an chhungkua kha 10 laite an lo ni a. 35 Kgs. Kha Central Sorkarin min pek dan hi pakhat pawh nise, 35 Kgs. Pek tho mai tur a ni, kan ti danglam thianga lo a. Mahse, 10 lai BPL an lo awm chuan 35 Kgs. An lak bak khami mi panga te bak kha an la ve thei tur a ni kan ti a. Chumi chu khawimawh laiah an lo la apply lo anih chuan kan han hriat nawntir leh ang a. Tin, Ration Card double neih kha a buaithlak a, a thalo riau a hriatna hi chu kan Department lamah lo tichiang vata harsatna awmlo ltura ruahmanna lo siam turin kan lo bawhzui vat ang e. Kha zawng kha ka chhanna a ni e. Ka lawm e.

**SPEAKER**

: Awle, List of Business-ah kan kal ang a, Laying of Papers Pu. H. Vanlalaiva, Minister zahawm tak "Order of the Governor of Mizoram (Under paragraph 16 of the Sixth Schedule to the Constitution)" copy House dawhkanah lay turin i sawm ang.

**PU H. VANLALAUVA  
MINISTER**

: Pu Speaker, ka lawm e. i phalna leh he House remtihna "Order of the Governor of Mizoram under paragraph 16 of the Sixth Schedule to the Constitution" hi he House zahawm tak table-ah hian ka lay e.

**SPEAKER**

: Awle, a copy kha han sem nise. Tunah chuan Chief Minister zahawm tak Pu Zoramthanga'n "The Mizoram Transparency in Public Procurement Bill 2008" hi he House-ah introduce rawn dil sela.

**PU ZORAMTHANGA  
CHIEF MINISTER**

: Pu Speaker, i remtihna "The Mizoram Transparency in Public Procurement Bill, 2008" hi he House a introduce ka rawn dil e.

**SPEAKER** : Kan remti em ? Kan remtih sak chuan han introduce nghal sela, a a thang ang e.

**PU ZORAMTHANGA CHIEF MINISTER** : Pu Speaker, i remtihna leh House remtihna "The Mizoram Transparency in Public Procurement Bill, 2008" hi he House-ah hian karawn introduce e.

**SPEAKER** : Tikhan, "The Mizoram Transparency in Public Procurement Bill, 2008" chu introduce a ni ta. A copy han sem nisela, a tha ang e. Tichuan Financial Business-ah kan kal ang a. Discussion and Voting on Demand for Grant a ni a. Vawinah hian kan List of Business- a a landan ang khan kan Minister te pahnih Demand kan sawiho ang a, kan vote nghal dawn a ni. Nidanga kan tih ang bawkin a rualin ti leh mai ila, a tha mai em ? Kan remtih chuan tunah Minister zahawm tak Pu Tawnluia a Demand No. 13, 16 leh 25 te House-ah pulut turin i lo sawm ang.

**PU TAWNLUIA MINISTER** : Pu Speaker, on the recommendation of the Governor of Mizoram with your permission Sir, I move the Demand No. 13, 16 & 25 for Rs. 251,07,000/- of meeting expenses during 2008-2009 in respect of the following Department Demand No. 13 Personnel & Administrative Reforms Amount Rs. 1,30,07,000/- Demand No. 16 Home (Excluding Jail) Rs. 1,67,13,05,000/- Demand No. 25 Water Supply and Sanitation Rs. 82,85,95,000/- avaiin Rs. 251,29,07,000/- hi he House-ah ka pharh e.

**SPEAKER** : Ka kawlnen hian a in anglo emaw ni aw. 133 crores i ti maiin ka hria a.

**PU AICHHINGA MINISTER** : Trade and Commerce-ah khan (Speaker : Urban Development) Rs. 135,20,65,000/-.

...477/-

**SPEAKER** : 133 i ti maiin ka hria a, ka hriatsual nge i tisial palh aw. (**Pu Aichhinga Minister** : ka chhiar soal a ni). Tikha chuan a Chiang ta e. Kan sawihonaah hian nidang angin Member te minute 10 inpe leh ila tha kan titlang mai em ? Anih minute 10 theuh inpe ang aw. Pu K.Lalrinliana.

**PU K.LALRINLIANA** : Pu Speaker, ka lawm e. Vawiinniah kan Minister zahawm tak tak te pahnih Demand kan ram tana Department pawimawh tak tak kan han sawi ho dawn a ni a, an Demand te sum kha a tam thamin kan ram pawhin kan chhawr tangkai hlein ka ring a.

Demand No. 33 na Soil and Water Conservation kha kan sawi hmasak ka duh a. Coffee te Rubber te an ching thina a. Hnathawh an nei vak lo thin kha a ni a, tunah hian tan an han la tharin River Valley Project hmalakna kalpui mek a ni a. National Research Management, Ministry of Agriculture Government of India atanga fund lo kal thin a ni a. Hetah hian Cash Crop Plantation te, Nursing Development te leh Engineering work te, Waste Land Development te leh Forest Development te khawi tel theih tur a ngaih a ni a. Tlawngdung kama awm, entirman, Bairabi te pawh khu Tlawng dung tui lianin an kam san leh hian a min nasain, tun furah pawh khan Bairabi khuan inhnih inthum lai kan thiat a, a bik takin khulai khu Engineering works a khawih ngai hi a lian tham deuha kalpui a, hmalak hi a tul mang e aw ka ti deuh a. Tun kum thar chhoah hian hmalak chhoh theih a ni ang em ? tih kha kan Minister ka zawt tel duh a.

Tin, Tlawng dunga awm reng reng te pawh hian hetiang ang zawnng hian hmalakna hi awm tam se tih hi an duh a. A chhan chu mihring chenna hmun Hortoki, Sairang leh khawdang te pawh an ni vek mai a. Kan mamawh a, kan ngai pawimawh bik a ni.

Tin, Pu Speaker, Demand No.,44 na Grade and Commerce hi kan sawi leh duh a. Trade and Commerece hi kan han zawt chiang a Kum 2006 khan Revenue hi nuai 56,85,000 lai mai an lo chhunglut ve a. Tin, 2007-2008 ah khan nuai Rs.56,04,000/- lai mai an lo chhunglut leh bawk a. An hmalakna a lo lang chho ve tan niin ka hria a, a lawmawm hle a ni. An Department erawh hi chu an indaih lo hlein ka hria a, indaih deuh tura kalpui nisela, hei ai pawh hian Sorkarah revenue an chhunglut theiin ka ring.

Tin, Border Tradeah hian Indo-Myanmar leh Indo-Bangladesh Trade hmalakna chungchangah huan tun aia chak zawka kalpui hi a tul tak meuhin ka hria. Thawktu an indaih deuh nan Department thawktute dah belh hi a pawimawh em em a ni.

Tunah hian "The Mizoram State Agricultural Produce Marketing Development and Regulation Bill, 2008 putluh mek a ni hi lawmawm ka ti a, kan la sawi tur mah nise, an hmalaknaah hian an Department hmalakna hi a ropui ka ti a. Chu chu kan sawi tel duh bawk a ni.

Tin, Demand No.46 Urban Development and Poverty Alleviationah hian han sawi duh kan nei leh a. Hei Department tharlam tak an ni a. LADin tunhma khan a hmui thin a, an hmalakna hi a lawmawmin ka hria a, an la naupang tehreng nen hian sawi tur tam t ak a awmin ka hria a. JNNURM hnuaiah hian UIDSSMT te leh IHSDP te hmalakna turin Central nen Memorandum of Agreement Hune, 2007 khan sign a ni a. chuta tang chuan hmalakna hi chak tak maiin an kalpui chho mek a. Aizawl tana City Development Plan Crore 2011 chuang lai mai an siam a ni tih te kan hria a. He thil hi a taka a lo thlen hunah chuan kan Aizawl khawpui pawh hianin hmasawna nasa tak kan neih ka ring a ni.

Tin, District Headquarters tan hian UIDSSMT leh IHSDP Scheme hrang hrang siam a ni a, tah pawh hian detailed projecty report te tun ah hian an buatsaih mek a, District tinah te Committee dinin chutiang chuan hmalak a ni a. Hengah hian hmasawna ropui tak District Headquarters te pawh hian kan neih ka beisei hle a ni.

Tin, 10% lumpsum grant a an hmalakna hi kan han en hian a ropui hle in ka hria a. Aizawlah pawh hian sawi tur tam tak a awm e, hei Khatla Capital Complex hmalakna ropui tak mai bakah hian Slum Improvement and Upgradation an hmalakna pawh a kal chho mekin kan hria a. Chite lui ah te pawh mi harsa in hmunh nei lote tan Aizawl khawpuia Slum Areaa in hmun nei lote tana in chenna tur an buatsaih sak niin kan hria a, a lawmawm takzet a ni.

Tin, District Headquarters atan ruahmanna tunah hian an siam mek a. Hengte hi a ropui kan ti a, a thlamuan thlak kan ti khawp mai. A dik tak chuan District Headquarters ah rural Developemtn sum kan hmang ve thei lova, mi harsa, in sa thei lo, in hmun nei si tam tak kan nei a. Hengte tana hmalakna hi tunah hian enchen nge a kalpui ni tawh tih kha kan Minister zahawm tak kan zawt tel duh a.

Tin, a bik takin Department atang hian strengthening roads within Kolasib Town tihah khan crore 24 lai, nuai 2400 lai mai kan nei a. Tunah Contractor hnenah pek niin thawh/hmalak mek a ni hi kan sorkar chungah hian a bik takin Kolasib khawpui chhunga chengte kan lawm a ni tih kha kan House zahawm tak hi kan hrilh duh a ni.

Tiang chuan Champhai leh Saitual ah te pawh detail project report (DPR) tunah hian an submit tawh a, sanction pawh a awm a ni tih kan hria a, a thlamuan thlak hle a ni. tiang chuan hmalakna hrang hrang kan han thlir hian a ropui a. Tin, Town and Country Planning Wing hranin an awm a. An hmalakna hi sawi tur tam tak a awm a. Khawpui hrang hrang Master Plan an peih fel a. Kolasib ah te pawh peih fel a niin master plan hnuaiah chuan suvey bei lehin Khuangpui lamah te Sector hrang hranga thenin, Sector I leh Sector II (A) te survey zawh tawh a ni a Sector I(A) phei chu Government approved lak tawh niin chumi survey tih puitlinna tur atan chuan nuai 8 lai tun kumah pawh hian kan nei a. Mumal deuh zawka in hmun teh anih theih nan Committee pawh din a ni a. Tiang chuan town plan mumal tak kalpui chhoh tumin Kolasib-ah pawh hma kan la a. Town Planning and Development Committee te nen survey an zawh tawh chin kha Revenue-ah pe lutin mipui chanvo tur te, Sorkar chanvo tur te, kawngpui area zat tur te, PHE pipe kalna tur, Reservoir Tanky, Electric Sub-Station tih ang chi te, engkim peihsain ruahmanna fel tak kalpuiin hma an la chho a ni a. Khawpui hrang hrangah pawh hmalak chhoh an tum niin ka hria a. Hei hi nakin zelah kan tu leh fate thleng pawhin nuam an tihna tur leh zahpuiawm lo tura ruahmanna siam tura an hmalakna hi lawmawm ka ti a ni.

Demand No. 16 - Home hi kan hriat angin puhchhiat tumna a awm fo mai a, investigation chungchangah emaw, Law and Order kenkawhna chungchangah emaw puhchhe thin mahse, dik tak chuan India rama hian State ralmuang ber nihna kan hauh tlat reng hian an puhna hi a thaichhe tlat a ni. Hei hi Pathian venna leh kan hotute thawhrinna leh taimakna leh a hnathawk te taimakna niin ka hria. Tiang chuan kan hnathawktute hian an thawk tha a. International Boundary - Bangladesh leh Burma hrula boundary ngah kan ni chung pawha hetiang dinhmun kan thleng thei hi a ropui a ni, thawktute thawh rah a niin ka hria. Turhma chuan Assam Police Manual kan hmang thin a. 2006-ah Mizoram Police Manual kan nei ta a, anmahni pawh duhsak an ni chho tan tain, LIC ah te an Life Insure sak niin kan Police te'n thahnem an ngaih phahin an phur phahin ka hria.

Tin, kan Police Battalion pakhat I.R. 2<sup>nd</sup> Battalion khat Chhattisgarh a tirh an ni te hi fakawm ka ti a. Nunna chan ta te kan tuarpui rualin State danga kal thei tura an hmalakna hi a fakawmin, mi inpe te kan nei hi a ropui ka ti a ni. Tin, hel pawl tihreh chungchangah remna leh muanna kan neih zel theihna tur atan inremna tluantling neihpuiin hel pawl engemaw zat MAIDA te BNLF te, HRF te, ZFF te leh HPC(D) te atangin mi 1000 chuang zet remna leh muanna kan neih theihna tur atan kan State Sorkar rintlak a ngaiin, an rawn inpe a, henge te hi a ropui hlein ka hria. Chutiang ang chuanin kan Home Department hmalakna hi sawi tur tam tak a awm ang. District tina Police Quarters leh Thana tih changtlunna te, SP Office leh Quarter tih changtlunna te tam tak hmalakna an nei a ni.

Demand No. 25-na kha Pu Speaker, tawite minute khat lek han sawi tel ka duh a, khawngaihin min lo hrethiam la. Water Supply and Sanitation chungchang hi a pawimawh si a, khua zawng zawng tui thianghlim kan neih theihna tur atan an buatsaihna hi a ropui ka ti a. Rural Area mai bakah hian Urban Area-ah pawh an hmalakna hi chhuanawm ka tiin tin, chumiah chuan kan sawi tel duh talha chu School hrang hrangah tui thianghlim in tur pek an ni hi a ropui ka ti a, naupang ten tui hrisel leh thianghlim an lo in theihna tur atan theihtawp an chhuah a ni. Water quality monitoring and surveyance programme chak taka kalpui a ni. Chulaia chu a pawimawh hlein ka hria. Kan tui tlan te a thianghlim leh thianghlim loh enna tur laboratory te din an ni hi mipui tan a thlamuan thlak takzet a ni. Pu Speaker, hun ka neih tawh si lova, sawi tur tam tak a awm a. Vawiinnia Demand hi pawm tlangin pass thei ila tih kha ka ngen duh a ni e. Ka lawm e.



**PU H. LIANSILOVA**

: Pu Speaker, ka lawm e. Demand 25-na kha tawitein lawmthu han sawi zawk a tha awm e. Hei hmanni khanin tui thua kan harsatna thu kan sawi kha Department lam pawhin an

rawn umzui vat a, kan ziaawm zel turah kan ngai a, kan Minister hnenah lawmthu ka sawi a. Tin, chutihruah erawh chuanin Phase-II hawn a nih takah hian tlema ziaawm tura inbeiseina kan nei tlang theuh a, chuvang chuan a sem thua pawh rualkhai deuh leh harsatna awmte en chak deuh zel ni selangin. Hmun tam takah hi chuan a tui pu kutah hian kan awm ni ber pawh hian a hriat theih a, a tui pute hi Master Roll-te an lo ni vel bawh nen, engemaw chenah chuanin khawilaiah emaw a thingpui ilo vela lo divert theite pawh hi kan lo awm a ni mai thei. Chung thleng pawh chuan a tui pute lam hnathawh dan enzui chakte pawh a that ka ring a.

Tin, Pu Aichhinga, kan Minister zahawm tak Demand lamah hian sawi tur ka neih nual avang hian, ka'n lut thla leh lawk rih ang a. Demand 46-na, Urban Development and Poverty Alleviation-ah hianin, hei tuntumah hianin Municipal chungchangah Rules 2 an rawn chhawp chhuak a, a lawmawm hle a. Aizawl tan hi chuan Municipal kan nei thui tawh turah beiseina kan nei a. Tin, a Budget Provision-ah erawh hi chuanin nei thui tura kumin chhunga inruahmanna tur hi a awm lo emaw ni chu aw ka ti a. Pawisa dah hi a tlem tham a. Hei hi kan nghahhlelh tlan niin ka hria a. Chutihruah erawh chuan work kan then dan turah erawh hi chuan fimkhur taka inram zau deuhthe pawh a ngaiin ka ring a. Public ngaihdan deuhthe pawh veng V/C a kan lo inenkawlina, tunhma lam pawh khan kan sawi tawh a. Kan Social Structure kengtu kha kan disturb theihna tur chen a awm a. Thlanmual leh engemaw Hall leh vantlang thil kan intawm thleng hianin, khanga a nghawng theih turte zir chiang deuh a, kan ngaihtuah a tulin ka ring a. Chu chu ka'n sawilang leh kher duh a.

Tin, Aizawl Development Authority hi hei a function ta a. Pawisa han dabsaka kha kan Budget Provision-ah khanin a awm phei chu a awm na a, mahse, hnathawk tur ang tak taka han inruahmanna tura kha a lang rih lova. Kan thutkhawmnaah pawh kan Chief Minister Chairman a ni hlah a, a ni hi Member remchan han in siamsakna tur kawng a la in kerkuak chawp zel a nih avangin Aizawl Development Authority pawh hi hetia kan din rau rau a nih chuan hlawh la ringawt lo deuh a, hnathawk theia kan siam a pawimawh a, Provision lamah hian Tunah hi chuan an hlawh tur leh an Office inenkawlina tur deuh mai a la awm niin ka hria a. Chu chu ka sawilang zauh duh bawh a.

Tin, chulovah chuanin, hei JNNURM-te NERUDP-te Scheme Central atangin puihna kan hmu dawn a. Tunah pawh hian kan hmang tan mek zel niin ka hria a. Hetah hian ka bial pawimawhna kan sawi pahin lawmthu han sawi duh ka nei a. Saw, keini Aizawl Hmar lamah Bawngkawn saw tlaklam zawng zawngah sawnin Motor kawng awm ve lc, kawngpui chia saw a nih avangin, a chhuahlam zawng zawng saw kan mangangin lmasawna pawh a awm tha hleithei lova,

a khawtlang tlawmngai pawl YMA leh Welfare Committee-te insiamin khawtlangin kan thlanmual kawng saw a bei ta a. Metre 400/500 zet tunah hianin an zo tawh a. Chumi chhonzawmna turin kan Minister zahawm tak hian min rawn pui thei dawn niin ka hria a, kan lawm hle a, lawmthu ka sawi a. Tin, kalkawng a kal zelna turah pawh chhungkaw mal leh harsatna awm thei tur pawh an bia a. kumin chhung hian hetiang a min rawn puih zel chuanin kan tlang ngei theih ka ring a, lawmthu ka sawi pahin helai pawimawh laia hi min rawn hriatsak reng se jih ka duh a.

Tunah pawh hian pawisa hmantheih mai min chhawp sak tawh niin ka hria a. Chutiang bawh chuan Bawngkawn Chhim Vengah pawh Ramhlun nena kan inpawhna tur leh Bawngkawn atanga lo chhuak pheih tura kha hnatlang leh V/C te leh Welfare hote, a tang thei apiang tangkhawmin hma kan han la mek a ni a. Chumi chu min chhinchhiah sak turin ka ngen bawh a. Tin, Chanmari atanga Ramhlun South peng chhak lam panna kawng saw Session-ah hian ka sawi deuh ziah a, Pu Auva'n a enkawl lai pawh khan min hriatsak tawh a, hma han lak mai theih turin tunah sawn a awm dawn niin ka hria a. Kan Minister hian charge a han lak veleh saw pawh saw min han ngaihtuah sak a, a veng mite pawh an lawm a. Saw saw a tlang theih chuan hemi a kawngpui lama motor tawt lutuk pawh saw a divert theih dawn a. Chuvang chuanin, kumin ngei hian, thal chhung hian tlang thei se tih kan beisei a, sum awm ang ang pawha Welfare Committee leh YMA te nen tangruala Department nen, hnatlang titih deuha thawh ho an inpeih a, chu chu tukinah pawh min rawn chah nawn leh a, min lo hriatsak turin ka ngen duh a.

Tin, chulo chu, a veng, bik sawlai bik mai tan pawh nilo, Aizawl khawpui tanah pawh pawimawh chu, Greenwood Hospital bula NBCC hmanga town link drain siam saw kawngpuih a inkhawhlut tlat mai a, khawiah mah luan tlangna a nei tawh si lova, ruah a lo sur apiangin tun ang thal ruah surah pawh kawngpui zawng zawng pawh a rawn tibawhlhlawh a, heta Traffic Point thlengin sawlai saw min rawn ngaihpawimawh saka a tihdan kawng min rawn ngaihtuahpui turin ka ngen duh a, chung chu a ni a.

Tin, a pumpui thuah Aizawl North bik hi North-I te pawh a ni tho a. Helam Aizawl South-I-te, tin, West lamte, East lamte nena ngaihtuah chuan JNNURM (khawpui cheina) ah hianin kan la dawng lo lutuk a. Chuvang chuan kan veng chhung kawng kar hrim hrim pawh hi a chhiat chu sawi loh, a step leh a link drain-te motor kal theihna hram hrama han siam turah pawh hmabak thawh tur vek a lo ni a, tlawmngai pawla inngkata thawh vek sen a nih loh avangin kan Minister hianin tuntumah hi chuanin ngaihtuahna thar duhsak bik deuhte pawh min rawn pek kan beisei a, ka ngen nghal bawh a ni.

Tichuan, Trade & Commerce-ah hianin Demand 44-naah hian han lut leh lawk ila. Trade & Commerce-ah hian kan pawisa han neih sak theih a hi a tlem hle mai a, a Department role tur han ngaihtuah hian Agriculture Market hi anmahni hna turah hian kan dah deuh a nihna chin te pawh

awmin ka hria a. Hmanni khan ka sawi zawk tawh a, Agriculture lamin a chi an ngaihtuah a, an chin tir a, a tharchhuah chinah a market a pawimawh chin chiah loneituten an thawh hah man an hmuhna tur chin chiahah Agriculture a ralbang ti mai ila, role play tur a nei ta mang lova, Trade & Commerce-ah a lut a, annin an chin tir si lo, a bulbal an lo hriatpui vak si lo, an buaipui tir tate pawh hi a ang a. Chuvang chuan helaia in ziak dan hi chu thlir that a tha mange aw.

MAMCO kan tihte pawh hi Agriculture lamah a awm law law a nih loh pawhin tuna a awm ang a nih pawhin Agriculture Department leh Horticulture-te nen hianin in tied up tha zawk selangin. Tin, pawisa dah thuah pawh hian support price-te pawh kan sawi fova, kuminah phei hi chuan kan Budget Provision-ah hian a awm lo niin ka hria a. Tin, Support Price hi a pawng a taka dah ngawt theih pawh a ni lova, identified crops kan neih a pawimawh a. Chumi atanah chuan minimum price-a Commission-in emaw a committee-ina a fixed phawt a, loneitute pawh khatah khan, ngaihngama kan siam theih hi a pawimawh a. Chulaiah chuan kan hmalakna hi a la tawh lovin ka hria a. Tin, Agriculture produce market kan han buaipui chinah hian tuna kan buaipui dan hi chu kan loneitute hi kan bawl a ni ber mai a, tawngkam mawilo nilo selangin, a rate a lo that hlek hianin a buaipuitu lam hi kan phur ti mai ilangin, hei a register contractor emaw, a buyer kan tihte emaw, dan anga kan han tihte hi an phur viau a. Mahselangin, a man a lo depressed deuhah hianin an inkiltawih leh deuh a. Tikhanin kan loneitute hi an thawh hah man tel thei lovin kan siam ta zawk mah niin ka hria a. Chuvang chuan heng atanga kan hmalaknaah hian ngun taka kan thlir that leh a, Loneitute hmakhua tak tak leh an tharchhuah hi an thawhhah man tel theia kan siam loh chuan pawisa tam tak tak thapin sawi hmuh mah ila, programme tha pawh duang mah ila, a pawisa kan hman zawh chin chiahah a Sorkar emaw, a Department emaw kan ralbang a, a marketing harsatna chin chiahah a lo hlawk dawn emaw a that dawn deuhah kan zu inrawlh ta angte pawn a lang a, kan ching buai vek niin ka hria a. Chuvang chuanin, Gate kan siam thliah thluahte pawh hi engemaw a tulna le. A loneitute, a Agriculture produce market tak tak tute zu tihbuaina lek leh restrict-na an hlawkna tur kan dan behna maiah tunah hi chuan miin min hmuh sak ta a, anmahni pawhin chu chu min hriat dan niin ka hria a. Khalai kha kan ngaihtuah nawn leh atan thain ka hria a.

A tawpna ber atana ka han sawi duh chu, kha ka hun a tawp titih a ni mai a, sentence hnih khat lekin ka han sawi duh chu, Apex Bank kan tih hi Agricultural marketing kengtu tur ber a ni a. Tin, Sorkarin marketing-ah hian pawisa dah tam lo mah ila, CCA te pawh lian tham deuha dah tirin, market hi a kalpui theih em em a ni. Nikhatah nuai 2-3 bak a hman theih lova, Sawhthing pawh lei sela, thla khatah nuai 40-50 bak an hmang hman chuang lova, tuna an tihdanah hian. Chuvang chuan, Sorkarah kan budget tight laia provision dah teuh ai chuan Apex Bank-te pawh hian an role play tur dik tak Agricultural marketing-ah hian play sela, nuai 200-te a tul chuan, chutiang thleng chuan CCA-in operation ti sela, a titute hian Sorkar lam tibuai miah lovin, lehlamah chuan Bank tan a lo tha dawn si a. Tin, a marketing titute tanah awlsam zawkin a tih theih dawn a,

chuvang chuan helam hawi zawng hian kan ngaihtuahna kan hman a tha tawh hlein ka hria a. MAMCO dinhmun pawh hi thlir chiana Agriculture leh Horticulture lamte nen pawh engtia thawh ho tur nge, tun aia tha zawkin tihte pawh kan ngaihtuah a tul hlein ka hria a. Chu chu ka han sawilanga ni e. Ka lawm e.

**PU SAIKAPTHIANGA**

: Pu Chairman, ka lawm e. Hei vawiinah Department pawimawh tak tak Demand kan sawi dawn a, Demand paruk, hun a tlem si a, tawi te tein han sawi ka tum ang a. Pu

Chairman, a hmasaberin Demand 16-na, Home Department hi tlem han sawi ka duh a. Mizoramah tuna buatsaih mek nen chuan IR leh kan MAP te Battalion 7 nei tur anga kan lo awm chho ve ta hi ropui kati khawp mai a. Tin, tunhma atanga kan duhthusam thin kan Police, a lal ber atanga Mizo tlangval hlir kan han nei thla tate hi State ang leh hnam anga hma kan sawnna ropui tak niin ka hria a. An ni ho enkawl na hnuaiah hian kan State Police hi India ramah tunhma pawhin ka sawi thin a, a tha berte zing ami an ni ka ti thin a. A tha berte zinga mi ni lovin, a tha ber kan nih thuai hi ka beisei a. Mahni ramah ram leh hnam tana theihtawp chhuah thei kan Mizo tlangval heti zat kan nei ta hi a ropui ka ti a. Sorkar hna kan thawh laite, ram la buai lehzual laite khan Home Department-ah khan rei vaklo ka thawk a, clerk in, tunhnua ka'n ngaihtuah let hian rambuai vangte pawh a ni ang a, khang kan Officer-tena min lo kaihhruai dan leh mi an lo enkawl dan kha kan ram leh hnam tan khan a tha ber lo hle mai a, chuvang chuan Police-ah hian hmasawanna tur kan lo ngah mange aw ka ti a. Chumi ka dream chu tunah hian kan thleng ta hi a lawmawm ka ti a. Tin, kan State ngaihtuahin leh a ram zau zawng population-te ngaihtuahin Battalion 7 MAP leh IR kan han nei hi a tawk viau tawhin ka hria a. Hmasawanna nia ka ngaih ve leh kan thalaite tan pawh tha a ka rin dan kawng chu ka hre chiah lo na a, State Rifle, Mizo Rifle emaw, Mizo Regiment emaw nei ve hi a hun hle maiin ka hria. Tripura-ah khuan Tripura Refle(TRS) an nei a, Nagaland-in Naga Rifle an nei a, an State Police ai khu chuan an in dahsangin zu kal nikhua pawh khuan an facilities hi a sang zawk niin ka hmu a. Pu Lal Thanhawla, Chief Minister zahawm tak a nih lai khan Tripura-ah kan zuk kal a, kan Police-te an awt hle a, chumi tum pawh chuan an State Police, kan State Police-te nena an in hmuh turah kha chuan TRS kha an rawn thlang deuh vek a ni. Chuvang chuan, an dahsang zawk niin ka ngai. Chutiang chuan kan ramah hian Mizo Rifle emaw Mizo Regiment emaw neih dan kawng hi zawn a hun ve hle tawhin ka hria. Tin, hei, Police Battalion-ah District kan neih dante kan hria a, Mamit District-ah hian kan Battalion thar hi chu Headquarter neih a hun ve mange aw. Tripura-te, Assam-te, Bangladesh-te ritu kan ni a, hel kan han tihte pawh hi an kalkawng pakhat a nih vena lamah Mamit District hi hei ka hnunga hi Mamit bialtu a awm a, ka bulah Phuldungsei bialtu a awm a, Home Minister, Zawlnuam bialtu a ni bawk si a, a bial lai kha chu sawilo ila. Mamit District-a a awm ve lai chu he House zahawm takah hian pawimawh ka tih thu kan Home Minister hnenah pawh ka sawi tawh na a, ka'n sawilang duh a. Hei hi Police chungchang Demand 16-naa ka sawi duh ni se.

Demand 25-na, Water Supply hi kan sawi nasa hle a, rampum ang chuan kan hre vek lo na a, khawthlang lamah hi chuan Rural Water Supply-ah hi chuan hma kan sawn tha khawpin ka hria. Chuti chung chuan hma han lak zung zungna turte la awmin ka hria. Fur luh hma a khaw engemaw zat tui pek tur buatsaih mekte khu han tihpuitlin nise a lawmawm ngawtin ka ring a. Tin, Sanitation lo lang hi kan bawlhhlawh paih hi ni maw kati deuh mai a. LAD lamahte ka hmu hran lova, kan bawlhhlawh paih hi privatise a hun tawhin ka hria a. Department anga sum tam tak senga kan tih ai hian tender ila, a chhangtute khan Sorkarah chhiah/Fee engemaw zat chawiin, an tihthat loh pawhin Sorkara Public-in complain fo ai chuan a contract-tu kan ti dawn nge ni, kha kha a lo complain khan tun ai hian a that ka ring a ni. Sum lakluhna kawng lo awm phah theih kha ka ring a.

Demand 33-na hi khawthlang lam mi kan ni bawk a, khawthlang lam hi kan hlamchhiah ta deuh em ni ? Soil hi an tawm chho ta deuh vek mai hian a hriat a. Tunhmaa Zawlnuam area-te leh hmun hrang hranga hmun hma an neih angte pawh hi a awm ta mang lova, enfiah a tha menge aw ka ti a. Tripura nen kan insi a, an ni khuan Langkaih tuilianin a khawih chhiat tur khu an veng tha khawp mai a. Tuilian ven hi har pawh a lo ni lo, lehlam an ven chuan kan ram lam kha a hek reng mai a, a bikin Zawlnuam, Kanhmun area-te tunah khuan a hming tharte kan vuah a, Thinghlun kan ti ta nge ni. Khung laiah pheih chuan kan ram hi nasa takin tuilian hian kumtin min tihchhiat sak a, en a tha mange ka ti a. PWD kawngte pawh tuilian kan ven loh avangin diversion-te siam angai ta a ni tihte House-ah ka'n sawilang duh a. Soil & Water Conservation hian khulam khu han hawi ve deuh se, Phairam tuilian tuar fo kan nih avangin a pawimawh a ni.

42-na, Urban Development-ah hian sum engemaw zatin a pun belh a. General Discussion-a ka sawi ang deuh khan, Aizawl hi Urban lian ber angin dah ta ila, sum pawh kumtin kan hman tamna ber a ni. Mahse, develop ngaihna awm tawh loin ka hria. Kan develop nasat poh leh kan tawt telh telh a, tunah hian inchung kan han inlei siak tate hi a la hun lo mange aw, ka ti a. Inchung boruak inlei sak hi Aizawlah engemaw zat a awm tawh a, hei ai hi chuan khawthlang lam bawk han hawi leh ila, Lengpui area-ah khuan aizawl thar kan siam hi a van hun em, nakinah chuan sum tam tak lo chuan a la siam theih lovang a, kan siam dawn tho thova, engtikah emaw chuan, chuvang chuan hmalak hi a tul ka ti.

AR Ground chungchang hmannia ka sawi zawkte pawh kha sawlai chep em em mai, hman atanga kan ngaihtuahna awm tlat mai hi kan sawn hi a hun nasa tawh hian ka hria a. Tuna Lengpui ram neinung zawkte leh Aizawl lam atangtea ram tam tak leia awm mek tawh hnuah khuan Sorkar hian tan la se, expenditure tam tak chu a la safe theihin ka ring a, ram leh hmun a lo hlu zel ang a, mipui kan pung zel ang a, tih ngei ngei hun hi chu a la awm dawnin ka hria. Chuvang chuan, waviin nia kan tu leh fate nun dan, an chhun leh zan hman dante leh a mipui hrim hrim pawhina kan hman dan hi a tawt lutuk

tawh a, chuang chuan, khawvel zau zawk thlira he urban development kan han sawi rual hian Aizawl khawpui chep lutuk, hriselna atan pawh pawh kha, inchung boruakte kan han inleisak a, chhungkaw ngaihdan inang lo, chen ho dan inang lo tak tak mai kha kan han awmkhawm ang a, nakinah phei chuan kan inngeih lohna hi problem la siam tur a nih ka ring a. Chuang chuan, Aizawl khawpui hi a rang thei ang bera expansion scheme kan ti dawn nge, New Aizawl kan ti dawn nge, chutiang chu hma kan lak loh chuan kan thangtharte hian nakinah chuan 'khang ho tak kha aw, an lo ngaihtuah tawi' min la tih ka ring a. Hei, Pu C.Pahlira, kan hotu senior min la dampui chhun hi, Pa Hlir, Aizawl i plan hi a lo te em a nih hi ka'n ti a, ngawi teh, Saia, motor 17 chiah a awm a, chumi ka plan lai chuan C. Pahlira hian a sual vang mai mai a ni, engtikah mah motor a lokal lovang, min ti a min rel huai huai mai a, mahse, tunah chuan ti hi a ni ta a, a tih ang deuh chauh hi keini ho pawh hi kan la ni ang tih ka ring a. A bik takin 'chumi kum chuan chu chu a Chief Minister a chu khalai bialtu a ni a, khang ho khan ngaihtuah hek lo mawle, tun hi chung ho avanga thleng chu kan nia lawm le,' min la tih tur hi kan ni ang tih ka ring a. Chuang chuan Aizawl khawpui hi a rang thei ang bera sawn tura urban development sum tam tak kan neih pawh hi hman tan nise kan ram tan hian a tha ngawt ang tih ka ring a, chu chu ka'n sawi duh a ni.

Trade & Commerce hi chu sawi tur a tam khawp a, kan sumdawn dan system hi a la fuh lo hrim hrim a, Trade & Commerce Minister ni apiang chu mualpho tur tihna a ni mai a, tuna kan awmdanah chuan. Pu Siamliana, kan Minister zahawm tak khan Sawhthing min han hralh pui a, nasa takin a mualpho a, keipawh khan kan khawih ve a, hotute duhsakna azarah sawi tur a tam mai. Hei tunah kan Trade & Commerce Minister pawh sawi a tam a, a system hrim hrim hi Sorkar mai ni lovin mipui nen hian kan harhchhah a ngai a, thlai rate a lo to deuh a, kan thlai quality a chhe ringawt mai a, chutiangte pawh chu mipui lam pawh hi kan ni ve bawk a ni. Chuang chuan, kan thlaithar leh a market hi zirho tak taka awareness chi hrang hrang Aids, Education kan tihte Disaster Management kan tihte anga mipui zingah awareness kan tih tak hi kan zirho a, chuta tanga kan tih loh chuan kan thlaithar chungchanga kan marketing hi a fuh ka ring lova, chu chu uar zawka kalpui ka rawt bawk a ni. Pu Speaker, ka lawm e.

**PU SAILOTHANGA SAILO :** Pu Speaker, ka lawm e. Demand 25-na, Sanitation chungchang hi sawi hmasak ka duh a. Sanitation PHE enkawl tura Gazette-a chhuah tawh kha vawiin thlenga la tihpuitlin a nilo hi ka vei deuh a. Hemi kan drainage system leh kan solid waste drainage management chungchang leh kan sewage chungchang hi a chhe hle a. PHE hi an lo inhmakhawsuih hret hret a, S.E., circle pawh lo siamin chumi hnuaiah chuan Division pahnih pawh an lo siam tawh a. A Division hmingah pawh Water and Sanitation (WATSAN) tih hialin a hming an lo vuah tawh a. Sanitation hi PHE enkawl tura tih ni siin engemaw chen chu LAD kutah dah a ni lawi si a.

Ramkhat khawpu ve lem si, Aizawl khawpui Sanitation hi a mumal lo em em a, mumal ngaihna pawh a awm lo reng a. Ruah han sur hlek sela, khawpui hmun hrang hrangah Culvert bawlhhlawhin a hnawhkhat tlat a, vantlang tana kal harsa khawpin khawpuiah bawlhhlawh chitinreng a inchhekkhawm a, a rimchhe em em a. Kawng laiah tuihawk a luang dur dur bawk a, nunphung a tikhaihlak a, kar awmna hmun apiangah bawlhhlawh an paih khat tlat bawk a. Hetiang tehnuai hi kan khawpui kalphung a ni tlat a. Public Health Engineering Department (PHE) hi Mizo tlangvang Engineer rual awmkhawmna Department kan nei reng a, PHE a nihna ang ngei hian sanitation pawh hi PHE kutah dah ni tawh sela a duhawm hlein ka ring a. PHE kutah dah a nih chuan, hemi sanitation sewage tihte, solid waste management leh drainage system zawng zawng pawh hi Pu Chairman, mumal zawka a kal theih ka beisei a.

Demand 16-na, Home hi ka'n sawi leh lawk ang a. Nikum 2007 December khan Chhattisgarh-a kan Mizo tlangval, Police huaisente ral lakah an thi a, sunna hun Airport-ah kan nei a, ropui takin, keipawhin a hmingin kan party aiawhin thusawinate ka nei ve a. Hemi ka'n sawi duhna chhan chu, Sorkar hian mihuaisente thi ta tena an hmuh tur nia ngaih tam tak hi kan pek loh leh la hmuh loh awm niawm tak a ni a, hei hi kan Minister zahawm tak hian khawngaih takin lo enzui sela tih kha ka ngen duh a.

Tin, Police chungchangah hian tlem ka'n sawi leh duh chu, Police hi kan duat tur a ni a, kan duat leh duat loh lanna ber chu Pu Chairman, hemi fund chungchang hi niin ka hria a. Tunah hian an TA hi Sorkar hian a ba tam em em a, kumkhatah hian a tlangpuiin nuai 250/300 te hi an mamawh a nih lain nuai 90 te, nuai 80 aia tlemte emaw pek hi a ni thin a, a theih hram chuan fund hi Pu Chairman, a tam thei ang pek nise tih kha ka'n ngenpui ni selangin.

P.H.E. hrim hrim hi kan sawi leh duh chu, ka bial chhungah Minister zahawm tak hian hna a thawk tha a, lawmthu sawi hi ka ba ve tlat a. Tui kan harsa a, N. Hlimen, leh Thingthelh tihte an ni nuk a, tin, hetah Kawnpui, Thingdawl leh Bualpui te tan tui min pe tawh a, kan lawm a. Tunah khuan Lungdai tui pump hawng turin kan inbuatsaih mek niin ka hria a. Tin, khaw hrang hrangah tuizem hi siam that tur leh pipe-line pawh siam that tura hmalak mek niin ka lo hria a, lawmthu sawi hi bain ka inhria a, lawmthu ka'n sawi nise langin.

Tin, Demand 13-na, Personnel Administration and Reforms-ah hian tlem ka sawi ve duh chu, Sorkar hian lekhathiam tam tak, kan thalai rual an awm a ni tih hi hre reng selangin, pensioner-te, a theih hram chuan engemaw, Mizo zingah kan la awm hlawl lo emaw a nih a, a bik riaute emaw an awm a nih loh chuan, pension tawhte hi chu a tlem thei ang ber hi rawih ni selangin, kan hnungah kan Mizo nula leh tlangval lekhathiam tam tak hna hmu lo an awm reng a ni tih hi min hriat sak se ka duh a.

Tichuan, Demand 33-na, Soil hi ka'n kal leh duh a. Pu Chairman, Lungdaiah khuan chhungkua 55 Coffee chin khu Sazuin min eichhiat sak a, chu chu kan Soil Minister zahawm tak hi min han hriatsak turin ka duh bawk a. Chhungkaw 55 in Coffee an chin, Sazuin a tihchhiat man zawng zawng hi Rs. 60,154 vel niin kan hria a, hemi report hi 8.1.2008 hian kan rawn thehlt leh tawh a, Minister zahawm takin min rawn hriatsak turin ka ngen nise.

Tin, Urban Development & Poverty Alleviation, Demand 16-na tlem ka sawi duh chu, hei hi Department thar, hman thiam chuan tangkai tak a nih ka ring a. P.W.D. hna hi a zauvin a indaih lo em em a, Department thar lo din ve takah chuan P.W.D. enkawl thin towns, roads leh buildings-te pawh hi huam tir theih dan awm turah ka'n ngai ringawt a. Chuvangin Engineer Cell pawh hi Sorkarah hian chak zawka thuam theih nise tih hi ka'n dilpui leh a.

Tin, Trade & Commerce-ah sawi tur a tam khawp mai a, hemi Look East Policy-te nena kaihkawp zelin sawmi Chhimtuipui Lawng chawlhna Sea Way Akyab, lawng chawlhna thlengin hei hi sermon tling a ni. Chuvangin, Trade & Commerce hi kan ram dinchhuahna tur liau liau a ni a, Sorkar reng reng hi khawvela sumdawng lian ber a ni tihte pawhin kan sawi thei ang. Kan ramin ramdang a lo an ve theih nan he Trade & Commerce hi chak zawka kalpui a pawimawh hlein ka hria a ni tih thu kha ka sawi nise.

Tin, Pu Chairman, Sanitation hi a pawimawh a, a theih hram chuan PHE handover theih ngei nise langin. Nimpiniah lawk pawhin 12<sup>th</sup> Finance Commission atangin crores 20 lai lokal pawh kha PHE kuta pek tur emaw kan lo tih laiin LAD kuta hlan a ni lehin kan lo hria a, kha crores 20 an hmanna kha Aizawl khawpuihan han zawng kual vak pawh ni ila, hmuh tur hi Pu Chairman, a vang riauvin ka hria a. Chuvangin, Sanitation hi a pawimawh em em a, Aizawl khawpui leh District Headquarter-te pawh a ni zel ang a, kan khawpui hmel lanna a nih avangin leh tunhma kum 10 daih tawha PHE-in la tura an lo tih tawh leh Gazette-ah pawh an lo chhuah dim diam tawh, vawinah chuan S.E. Circle-te pawh lo siam tawh niin a hnuaiah Division pahnihte pawh lo inruahman thlip thlep tawh an nihna laiah he Aizawl khawpui Sanitation hi chak zawk leh mawihnai zawka an kalpui theihna turin PHE kutah hian pek ni ngei sela tih kha a takin ka'n rawt a ni. Ka hun a tawp tawh em ni? ka lawm e, Pu Chairman.

**PU LALCHHANDAMA RALTE :**

Pu Chairman, ka lawm e. Demand 6-na ka'n sawi dawn a ni a, a indawtin ka'n sawi thla zung zung mai ang a. Demand 13-na, DP & AR-ah hian a hmasa berin luh ka duh a. Hei, kan Sorkar kan han sawirik dan ber thin hi Central Sorkar nen MOU an sign avangin hna engmah a siam thei lo, a la thei lo, tihte sawirik thin a ni a.



Amaherawhchu, Department lamte ka'n zawt a, tun Sorkar kalchho mek kum 10 dawn hman chhoh hnu hian Sorkar hna tam tak lak a ni a, post 5925 zet mai a tulna angin create a ni a. Chung zingah chuan 4323 fill-up tawh a ni te, a hmalama vacancy awm 1895 zet mai hnawkhah a ni a, Zoram thalai lekhathiamte tan hetiang zat hna kan lo la reng mai hi ropui kati a. Tin, a bik takin helaiah hian lawmthu sawi duh ka neih chu, Group 'A' bik chin ringawt pawh hi 500 chuang zet lak a ni a, MPSC kaltlangin. Heng kan Group 'A' lak MCS te MPS te leh a hrang hrang ami hi fair takin engkim mai, political interference awm hman miah lovin interview ni la la tein result tihchhuah nghal theih a ni te, heng kawngah hian lekhathiamte tan pawh a manhlain ka hria a. Tunhnaia thawnthu awm chhun ber Vety Department-a Doctor lak chungchangah pawh, Minister-in a turn-down a ni awm e, han tihah pawh a chhan niawma lo langah Physically Handicapped-te tan Central-in Reservation a awm tur a ni tih hi an zawm kim lo deuh nia hriat avanga Minister-in hei hi a ennawn leh theih lawm ni a ti nia langte hi a ropui kati a, lawmthu ka sawi duh a.

Chutihruah chuan post heti zet kan create chhungin thahnem ngaih thuah hei kan Minister-in min hriat sak ka duh lai chu, Sports & Youth Services Department leh Labour & Employment-ah nakinah Demand sawi hunah kan sawi tho ag a. Sports & Youth Services Department hi thalaite kan inngahna a ni a, hna thar (Gazette Post) ang chi hi an la hlei thei tlat lo mai a, a kal zel a, promotion system-a kal a nih chuan Department promotion hmute ringawtin an ken hunah chuan kan Coach-te hi kan Director turte an ni dawn a, a that lohna lam chu ka sawi lo na chungin hengah hian tui thar zawk, mithiam zawk an luhna tur chance kan siam thiamte a thain ka hria a.

Tin, Labour & Employment Department, thalaite inngah chhan takah pawh hian Director an nei a, Joint Director an nei lova, Deputy Director awm ringawt lai pawh hi Labour & Employment pawh hi DP & AR lamin min lo hriatpui a thain ka hria a. Tin, Sorkar hnathawkte an personal thil engkim mai khawih an ni a, Sorkar hnathawk nawrh ching leh transfer-a kal tha duh lo hotute zinga zualko thin tam tak awma hi hei aia dan khauh lekkawh hi a tulin ka hria a. Tin, a bik takin kan Officer lian hovah pawh hianin confidential vawn kawngah pawh hian kan fuh chiah lovin hriatna ka nei a. Transfer bupui an kal mek laiin Secretariat bawrah hian kan Minister pawn min lo chhinchhiah sak ka duh a chu, MCS transfer and posting emaw, MPS pawh ni dawn se, khawilaiah nge an awm dawn tih hi Sorkar order kal hmian an hre nghal sup sup mai a, chumiah chuan, politician-te emaw khawilaiah emaw an sawi leh thin hi helaiah hian DP & AR khawih bik hi chu confidential, a aia nasa zawka vawng turin kan infuih a tul a ni tih kha ka sawi duh a ni.

Demand No. 26-na, Home Department-ah hian kan Governor Address-ah pawh khan kan hmu a. Tah khan kan rama crime rate lo tlahniamte, tin, Law & Order situation-ah te, investigation-ah te, internal security-ah kan that thu leh lawmthu kan State Lu berin a sawi tawh a. IPS leh Non-IPS bikah

hian nikum hmasa 2006 aiin nikum 2007-ah khan 6.95% in kan han tlahniam ngawt te hi a ropuiin a chhuanawmin ka hria a. Kan thenawm State-te India ram hmundangah crime rate a san mek laia tlahniam kan awm thei hi Minister leh a thawktute chungah pawh lawmthu kan sawi tulin ka hria a. Tin, nichina ka hma lama an sawi tawh ang khan, thalai lehkhathiamte leh lehkhathiam chiah lote tan pawh Police Battalion pahnih(2) tunhnaiah leh MPRO-ah mi engemaw zat, a sang tel takmeuh meuh recruitment kan han tite a ropui kati tak zet zet a ni.

Hemi huangah hian ka'n sawi belh duh chu Pu Chairman, thahnemngaih thil thu hlaah kan khawpui lo thang leh kal mek zelah hianin Fire and Emergency Service Department lai bika hi tunah tihphuisui hret hret tumna awm chuan a lang a. Hmunkhat ringawt maia inbun hi rikrum thilah harsatna kan neih em avangin kan Minister pawhin min lo chhinchhiah sak zual selangin, Fire and Emergency Service hi kan khawpuiah hian hmun 3 hmun 4 velah tal emaw Station kan siam loh chuan harsatna kan tawk mai ang, kan in sakte a chepin a inhnaivai si a, tih kha ka sawi duh a.

Tin, mahni bial chungchangahte pawh han sawi tel ta ila, khing Seling, Thingsulthliah, Tlungvel tlangdung, Sesawng bawr zawng zawng hi Bawngkawn Police Station hnuaiiah hian awm kan ni a. Engemaw thilah Law & Order-ah te harsatna kan neih nikhuaah Bawngkawn atanga lokal in thil a rei mah mah thin a, khinglaiah khian Outpost talte hi min dah sak theih dan a awm lawm ni ? tiin rawtna ka siam bawka a ni.

Demand No. 25-na, Water Sanitation chungchangah hian PHE kan tih hian hei an Department hmalakna a fakawm a, a lawmawm ka ti a. Kan khawvel ramngaw chereu zel avangin tui hna a kang telh telh a, nikum hmasa lawka tui hnianghnar khua kan tihte pawh kha tunah chuan a hnianghnar leh hlei thei ta lo a. Nikum fur tui thla nasa avangin kan pipe line chhe nasate avangin harsatna pawh kan tawk viauin ka hria a. Chutihruah chuan, Department Chief Engineer pakhat hnuaiia awm thin kha pahnihah insiamin Division tam tak insiam belh chhoh zel hnuah hian helamah hian hma kan lak nasat tulin ka hria a. PHE Department report-a a lan danin khaw 777 kan awm nia langah hian Central Norms-ah 40 litres nikhatah pakhat tan tihah hian chhungkaw 335 vel pek ni tawh angin a lang a, 10 litres - 40 litres hi 295, 10 litres hnuailam 128, khua awm niin a lang a ni.

Helai khaw 173-ah hian tunah on-going works kalpui mek a ni tihte, achievement hrang hrang Department-a ka'n zawh hian a lang a. Heng kawngah hian Central Norms anga Bharat Nirman Programme hnuaiiah hian 40 litres tal chhungkaw pakhatin kan lak theih dan tur hi uar zawka hna an lakna hi an fakawm rualin, an tan leh zual tulin ka hria a.

Ka han sawi duh leh chu, kan bial Chalfilh pangah khian tui lakna hnar tha, khaw tam takin an lakna a ni a. Khilaiiah khian

ramngaw a chereu nasat avangin kan tui hna a hnianghnar lo sawt viau a. Hman deuha 40 litres chhungkaw pakhatin hmu theia kan ngaih, Sorkar record-a awmte kha tunah chuan kan ni tawh mang der lo a ni. Tlungvel Water Supply pawh kum 2/3 kal ta khan kan hawng a, 40 litres dawnga ngaih kha tunah chuan Hotel hmunte a ni a, tuihna lo kam zelah a awm leh tawh lo a ni. Chung kawngah pawh chuan min ennawn sak turin ka ngen a. Tin, Sesawng Water Supply Scheme kalpui mekte khi engtikah nge zawh kan beisei tih kha kan Minister ka zawt duh a.

Tin, Tlungvelah hian kan Minister hian SDO, PHE Office min pe a, chu chu April thla atangin min function tir dawn em? A Office luah turte pawh kan lo zawng ang a, April thlaa function ngei kha kan beisei a ni tih ka han sawi tel duh bawk a ni.

Demand No. 33, Soil and Water Conservation chungchangah. He Department hi department pawimawh ber thin kha tunah chuan a te zawngin an kal niin a hriat a. Sorkar hmun tam tak an neih, thingtlang amite pawh enkawl thaloin an awm tan mek a. He Department awmdan zel tur hi ngun zawka kan ngaihtuah thain ka hria. An hmalakna leh Department thinkhat inang engemaw zat a awm avangin heng huangah hian Sorkar hian Department dangte nen kan club ho dawn nge, hei hi kan tichak zawk dawn tih hi tihchian a tul hle a ni.

Tin, Demand No. 46, Urban Development and Poverty Alleviation chungchangah hian. Ni 24 August, 2006-a Department thar, kum 2 pawh la hmu manglo an ni a, an hnuaiah hian Zoram mipui 60% kan awm a, notified town chin hi 20 zel kan awm avangin. Hemi huangchhunga hmalakna hi a pawimawh em avangin han sawi duh ka neih zingah chuan a hmasa ber-atan, Aizawl Master Plan, Aizawl khawpui bikah duan mek a ni tih hi. Tun ang kan neih bak ang ang hi nge maw Master Plan kan la neih leh zel ang aw kati a. Nichina Kawrthah bialtu sawi ang khan, Delhi a awm a, New Delhi a awm ang khan, New Aizawl awmdan tur ang chite hi tunah hian kan hawi zawng a ni em tih kha ka sawi ve duh a. Khatiang hawi zawng khan kan kalpui loh chuan. Tin, khawpui chhungah hian a tawt tawh sa a, kalna tur siam hram hram ai mah chuan, khawpui thawl zawk lai khawi khawiah emawah hian mihring kan pung zel a, kalkawng reh theihna awm awmah reh a thain ka hria. Hei kan veng Chanmari West-ah pawh sawn vengchhung kawngahte Central road-te kan ti a, vantlangin an ram an pe nghal a, motor kal theih nan an pe mek a, hengte hi chak zawkin min bawhzui sak se tih kha ka sawi duh a.

Tin, kan khawpui chung bik hi a management hi an kut a nih avangin Demand dangah pawh kan sawi tawh ang khan Pu Chairman, khawpui chhunga workshop engemaw zat awm, khawpui titawp tak maia an dawr chhunga motor siam si lova kawngpuia an siam a, Oil tam tak an tibua a, motor leh mihring kal security thalo lutuk hi kan ennawn that leh a thain ka hria. Helai hi uar deuha ka sawi duh chu Pu Chairman, anni hnuaiah hian Aizawl Development Authority an awm a, Department hrang hrangte hi an nei, UD & PA hian

co-ordinate se. Example-ah Chanmari West, Edenthar, hmannah Member pakhatin House-ah a sawi tawh, PWD-in metaling an rawn tizo chauh a, thlakhat pawh a nih hmah PHE in lian takin min laih chhiat sak leh vek mai a, kan kal hlei thei lo a ni tunah hian. Kawr zau tak kân ngaiin kan awm vek mai a ni. Heng ang reng reng hi Aizawl Development Authority emaw hian Department-in development an kalpui dawnin in report selangin, Department dang Development Department kha hmalak ve in tum dawn em tiin in co-ordinate sela. Development an tizo chauhva kan lai chhe leh hi sum a hek bakah helai hi Sorkar khat hnuaiah co-ordination thalo lai hi siamthat nise tih ka sawi duh a.

A tawpna tak tak atan chuan, Urban Poor Housing Scheme khawpui chhunga BPL awmte tana in sak sak turte kha, leh Lawipuih te chenna in sak an tum niin ka hria. Khang kha engnge kan chanchin ni ta tih ka zawt nghal duh bawk a ni. Kan Minister-te pahnih Demand hi pass-pui ngei tlak niin ka hria. Ka lawm e.

**PU ZODINTLUANGA**

: Pu Chairman, ka lawm e. Hei vawiinah kan Minister zahawm tak takte pahnih Demand kan sawi dawn a ni a, a tam si a, ka ngaihpawimawh zawng tlem tlem ka'n rawn

thur chhuak ve dawn a ni a. A hmasa ber atan Demand No. 13-na, DP & AR ah hian kan Minister zahawm takin a wind-up huna min hrilhfiyah atan heng point hnih lek hi ka zawt duh a. Cabinet Meeting 22 & 23 January-a Chief Minister Bungalow-a neih tuma Sorkar hnathawk chi hrang hrang 707 zet dt. 1.7.2007 atanga hman tura an hlawh siam that a nih tum khan post engemaw zat hmah palh awmin a hriat a. Heng post hmah palhte hi kan Sorkar hian hre reng chunga engatinge a hmah palh liau liau tih kha min hrilhfiyah sak sela. Tin, heng an tihhmah palhte hi 6<sup>th</sup> Pay Commission Report leh mimal khawih thil a nih tawh avang hianin kan Sorkar hian siamtha leh turin hma a la dawn nge, engtikah nge an post hmah palhte kha tihthat an tum ? An tum em ? tih kha wind-up-naah min hrilhfiyah sak thei sela a lawmawmin ka ring a.

Demand 25-na, PHE Department chungchangah hianin point tlemte sawi leh ka duh chu, Mizoram hmun hrang hrangah hma an la a, a lawmawm a. Chutihruah chuan an hmalakna chu member-ten nasa takin an sawi tawh a, an biala mite, kei chuan Aizawl khawpui leh khawpui chhunga mi pangngai deuha water connection an lakna to lutuk hi Pu Chairman, kan Minister zahawm tak hian min enthat sak thei angem aw tih hi ka ngen duh a. A pipe zawng zawngte, a fitting zawng zawngte mimalin kan chawi a ngai a, kan chawi a. A fitting charge-te khatiang zawng zawng bakah khan a form Rs. 500/-a lei a ngai bawk a. Tin, Treasury Challan kan ti a, kha pawh kha a Treasury Challan pawh Rs. 50/- mipuiin kan chawi a ngai a. Nikum hmasa lamahte kan sawi a, he House zahawm takah Pu Chairman, Water metre, tui metre an lei kha henglaiyah pawh sum siamna a ni kan hmang lo a ni tiin kan inbei nasa a, a man pawh Rs. 1000/- tling lo niin kan

hria a. tunhnu hian an lei belhna hi a to ta zel nge ni, vawiina tui connection thar diltute chuanin water metre, a fitting leh fixing zawng zawng atan khan Rs. 2221/- kan chawi a ngai ta hi min ennawn sak sela, khangte kha chu Pu Chairman, a hma chuan water metre-te chu kan fit ang a, mipuiin an chawi a ngai lovang, mipui tan harsatna a awm lovang tih kha kan Minister zahawm takin he House pawh a hrih a ni a. Mahse, vawiinah chuan providing metre including fitting and fixing etc. complete-ah hian Rs. 2221/- kan pek a ngai a ni. Chumi piahlahmah thlatin bill a lokal a, chutah chuan metre man Rs. 10/- kan pe leh bawk si a. Heng hi mipuite tan metre min lei tir a, a metre hman man kan bill leh hi Pu Chairman, kan Minister zahawm tak khan min enfiah sak thei sela, mipuiten a chuanga sum kan pek hi a nih loh nan, mipuite tana hlawk zawk a nih theih nan min lo en sak turin ka ngen che a.

Tin, Demand 16-na Home hi sawi a hlawh ber a. Tukinah te pawh kan sawi a, Pu Chairman, kan member zahawm tak tak ten he kan Session neih chung pawn kan ram State ralmuang ber a nih ziate Governor Speech-a a rawn sawite kan sawinaah khan vawiinah hian sawitel ngei ngei ka duh chu, vawiinah hian engvanga hetiang a sawi thei nge kan nih tih hi sawinawn leh tukin ka hria. Henglaiahte pawh inbeih nan kan hmang a, vawiinni ngeiah pawh engvangin nge MNF Sorkar hian Contractor-te hnen atangin 3% te a lak? Vawiinah Constituency Fund 12% lak tur tihte a awm a, vawiinah a lokal lova, Aizawl South-II bialtu zahawm takina Contractor-te hnena 3% an khawn bakah 12% Constituency Fund an khawn a, Contractor tam takin khatiang an pek theih loh avanga an hna decline-te kha engvangnge? He ramah Sorkarna neih leh kan tum vang a ni. Sorkarna neih leh kan tumna avangin sum kan tuak a, mimal hnen atangin sum an khawn a, chumi piahlahmah helte kan ruai a, Silai nen in kidnap lem awmte nen khan Sorkarna chan kan tum a ni. Chung ang kan tum lai chuan engvangin nge helaiah remna leh muanna kan neih tih hi Pu Chairman, sawi leh a tul tlatin ka hria. Remna leh Muanna kan neih chhante hi kan Member-ten kan theihngihl leh tawhin ka hre tlat. Kan ramah kum sawmhnih chung rambuayah kan awm a, chutih chhung chuan ram buaia awmte khan engvangin nge vawiinah an lo chhuah kha, lo chhuak duh mai selang chuan rambuai miah lo tur kan ni tlat. Amaherawhchu, remna leh Muanna kan neih theihna atan chuan Congress Party, Pu Lal Thanhawla kaihhruaina hnuaiah ama hovin remna kan neih theihna tur atan Lalthuthleng an kian a ni. Vawiinah chuan Lalthuthleng neihna tur atan Silai kan hmang a, pawisa ka khawn a, Contractor hnen atangin donation 3% te kan la a ni. Khatiang ang hun kha vawiinah hian a pawimawh sawi nawn leh tulin ka hria a. Remna leh muanna tha kan neih a, kan ramah remna leh muanna mipuite thinthia kan mut theihna tur atan kan hotu kal hmasatena an lo in sacrifice tawhna Lalthuthleng, miin nasa taka an beihnate lal an tumna hmanraw chitinreng an hmannaate pawh kalsan a, kan ram mipui tena thinthia kan mut theihna tura an inpeknate vawiinah hian sawi nawn leh tulin ka hria a.

Hei kum 10 dawn lai mai MNF chuan Sorkarna an han chang a, hemi chhung hian kan ram chhungah buaina chitinreng kan tawk a, kan ram mipute kan him lo kan ti thin. Kidnap-te kan tawk a, sumdawn nan min hmang kan ti, hel leh hel kan khawchhungah an inbei te kan ti. Heng angte hi kan rama thil thleng a ni a. Ni 28.6.2007-a kan Chief Minister zahawm takin Hnam

Runa a thusawite kha kan Home Minister hian min rawn clarify sak sela a tha ngawtin ka hria. Sorkar laipui ngenna angin hel hote nen kan inzawm ngei a ni, UPA Sorkarin a ngenna avang a ni, a ti a. Tin, 'Mizoram chu India ram State zinga fel leh ngelnghet ber, State ralmuang leh sum hmang dik bera puan a ni' a ti bawka ni.

Heng a sawi atangte hian Pu Chairman, he MNF Sorkar hian helte nena an inzawm zia a tichiang em em mai a ni. An insamphiar, an inmawngzawm zia leh an thiltih hi a rawn sawi chiang a. Chuvangin kan Home Minister-ina Pu Chairman, vawiina min clarify atana ka duh chu Sorkar laipui UPA Sorkar hian helte nena hma la tura an rawn tihna a order copy-a ziak hi an nei tih hi vawiinah hian min rawn clarify turin ka ngen duh a ni. Chutiang a ni lova, Central Sorkarin helte lo be r'u, min ti tia henga hel an khawite avang a ni lawm ni, hmanni lawkah pawh anmahni Office pawh Hnam Run kawtah hel leh hel an inkah a, kan ram chhungah tualthahna a thlen leh tak ni. Hengte hi khawi lo sela helte hi kan ram chhungah zalen takin kan awm theihna tur atana an in sacrifice-nate hi vawiinah hian an tireh mek a ni kan Sorkar hian. Chungte avang chuan vawiinah hian sawi tur a tam. Hmanni lawkah pawh ni 18<sup>th</sup> February, 2008 maiah kan Police-te inhmuikhawmnaah kan Home Minister chuan vawiinnia kan Mizoram Police-te hi India rama Police tha bera kan neih a ni, a ti a ni. A sawi kha a lawmawm khawp mai. Mahse, vawiinah hian khang kha Public-a a sawi a ni a, Sorkar Press Release-a rawn chhuak a ni tlat. Pu Chairman, hei pawh hi kan Home Minister-ina a wind-up-naah min rawn clarify-na atan ka duh chu, Mizoram hi India rama State tha bera kan nei a nih chuan a pahnihna hi tunge le, engang tehna nge an hman, a tawp bertu State Police-te hi nge chhe ber tihte min hrilh thei sela ka duh a. Chutiang a nih loha heng laia kan Police a tha ber kan ti a, kan han sawite hi a chhan leh a vang leh a point-te min hrilh tel turin ka rawn ngen duh bawka ni.

Pu Chairman, sawi tur tam tak a awm a, bell i hmet tawh si a, keimahni lam i ni si a, ka zah che a, ka sawi tawp tawh mai ang e. Ka lawm e.

**PU H. ROHLUNA  
CHAIRMAN**

: Minute 5 tling lo deuh a la awm a, kan chhun chawh hun hi dar 1:00PM a ni thin a, tunge han sawi duh, hun hi kan induhthawh hlei maithei a. a nih sawi duh han ding mai kan awm bawka si lova, kan chawl rih phawt ang a, chawhnu dar 2:00 PM ah kan lut leh dawn nia.

Sitting adjourned 1:00 P.M.

2:00 PM

**PU C. LALRINSANGA** : Kan Business kan chhunzawm leh ang a,  
**DEPUTY SPEAKER** tunge bul han tan leh ang le. Pu D.  
Thangliana i lo sawm ang.

**PU D. THANGLIANA** : Pu Deputy Speaker, hei vawiina kan  
Minister zahawm tak takte pahnih Demand  
kan han sawiho thei tur hi a lawmawm  
hlein ka hria a. Amaherawhchu, hmasawna  
a tam a, Pu Deputy Speaker, i veilama mite  
hian sawi an phur vak lo a nih ka ring a, churang chuan, vawiin chawhnuah pawh  
hian ka'n ding hmasa ber ang a.

Vawiina kan khel tura ka'n sawi hmasak ber  
duh chu Demand No. 16-na, Home tih kha a ni a. Hei Law & Order chungchangah  
harsatna lian tham awm lova vawiinni thlenga Mizoram kan han kal thei hi a  
lawmawm hlein ka hria a. Mizoram vanneihna tak pawh niin ka hria a. Heng zawng  
zawng hi kan Police-te inpekna leh hnathawh thatna avanga kan neih a ni tih hi  
tumahin kan phat theih a ni lo. Kan Police-te hi an chhuanawm hle a, India ram  
State-ah pawh Mizo tlangval kan Police-te hi Police chhuanawm pawl tak an han ni  
chho zel a. Mizote hi kan duai lo hle a ni tih kha hei hian a tichiingin ka hria a.  
India ram State zawng zawng zinga a ralmuang ber pawl vawiinni thlenga kan han ni  
thei te, North East-ah pheih chuan a ralmuang ber tih ngam State, vawiinni thlenga  
kan han awm chho thei hi a lawmawm hlein ka hria. Heng zawng zawng hi kan  
Police-te hmalakna a ni tih kha kan hriat thain ka hria a, an chhuanawm hlein ka  
hria. Tin, chung lovah chuan, khang crime lo tlahniam ta chungchangah pawh hian a  
lawmawm hlein ka hria a. A sang zawnga kal lova, a hniam zawnga kalah chuan a  
lawmawm pawl tak niah ka han ngai a. Hniam ta hrim hrim pawh hi kan thenawm  
State danghte a pung zawnga a kal mek laia, a tlahniam zawnga kal thei State kan  
han ni pawh hi a lawmawm ve hrim hrimin ka hria a.

Tin, kan sawi fo thin a, Kristian State tih  
theih hial khawp kan ni a, Kristian ram Kristian State terna kan nih tur awm tak kan  
duhthusam nilo mahse, hetiang crime rate-te pawh a tlahniam zawnga kan han kal  
thei hi a lawmawm hlein ka hria a. Heng hi kan Police ho inpekna leh thawnna a ni  
tih kha kan hriat tlan a pawimawhin ka hria a. Tin, chulova ka han sawi leh duh  
chu, Mizoram hi a population pawh kan tam lova, amaherawhchu, chuti chung chuanin  
duhsakna kan dawng tha khawpin ka hria a.

Armed Battalion chungchangah pawh hian  
tunhmain MAP-ah Battalion thum vel kan nei a, tunah hian IR Battalion-te din chhoh

zel a ni a, tuna 4<sup>th</sup> IR Battalion din leh tur nen hian Battalion 7 Mizoram hian kan nei ve thei dawn ta a. Hengte pawh hi thil lawmawm tak a ni a. Home-a kan hmasawna hrang hrang kan Police personal hrang hrangte life insure a ni hi thil tha tak, vanneihthlak tak a ni. Hetiang ti thei tura hma kan han la chho pawh hi an fakawm hle a ni.

Heng baka Home Department-a pawimawh leh chu, tunhma zawng khan Police hi Assam manual angin kan kal thin a, kan Home Minister hmalaknain tunah chuan Mizoram Police Manual nei thei tura hmalak a nite pawh hi thil chhinchhiah tlak tak a ni. Keimahni State ngeiin kan Police-te enkawlina dan tur ruahmanna nei theia hman chhoh theih tura ruahman a ni hi thil lawmawm tak a ni bawk a.

Demand No. 46, Urban Development & Poverty Alleviation Department chungchang hi sawi tur tam tak a awm a. Hei hi Department naupangte a ni a, 2006 bawr vela Department anga kal chho, kum 2 pawh la tling thathum lo, Directorate a han ni chho a, Department naupang tak ni mahsela, khawpui chhung leh thingtlang khua, census town an tih ang chi zawng zawnga hmalakna tur tunhma a Rural Development atanga hmalak tih hleihtheih mang silohnaah khan hmasawna tur kawng rahbi thar lo inhawna tangkai tak Department kan han nei chho ta hi a lawmawm hlein ka hria a. Tin, hemi Department hi Department naupangte mah nise, tun dinhmun maia Mizoram, Aizawl khawpuiah te leh District capital hrang hrangahte hmasawna atana an hnathawhte pawh hi a fakawm hlein ka hria a, chipchiarin kan sawi hman lovang a. Chungah chuan hei hmalakna, nature hrang hrang, hemi Urban Development & Poverty Alleviation hnuaiah hian peng hrang hrang an awm a, Sanitation chungchangte, tin, ADA tihte, Clean Mizoram tihte, Municipalities tihte, heng ho hi Mizoram tana hmasawn zelna tur atana pawimawh tak mai a ni a. Clean Mizoram an han tih atanga a khaw bik te te pawh a khaw fai lawmman siam a ni chho a, hmasawna chi hrang hrang tin, a veng veng village nise nilo pawh a Department ang pawha ruahmanna an kal chhova, inelna thianghlim tak maia kan ram hriselna atana tangkai tak tur Clean Mizoramina hma an han la chho te hi Urban Development hnuaiah hian a tha hlein ka hria a, tun aia nasa zawka tan lak hi a pawimawh hlein ka hria a. Tin, hengah hian development, census, town-ah hian hmalakna tur kha ruahman mek a ni a.

Tuna Urban Development atanga pawimawh tak mai chu, khawpui chhunga miretheite in sakna tur, housing development chungchang ruahmanna an kalpui mekte hi a vanneih thlak hlein ka hria a. He Department hmalakna hi khawpui chhung lam mi harsa zawkte tan pawha chhenfakawm tur a nih avang hian thil pawimawh tak niin ka hria a, kha kha ka'n sawi duh a.

Tin, chulovah chuan Water Supply & Sanitation, Demand No. 25-naah khan, hei tui mamawh lo hi kan awm lova, tui hi mihring kan nih chung chuanin kan mamawh berte zinga mi, a pakhatna tih em chu a nih loh pawhin a pakhatna aia hniam lo a ni a. Kan Member zahawm tak takte



pawhin kan sawi vek a, tui kan neih that loh avanga harsatna kan neihte tam tak kan sawi a, hengah hian PHE-in Mizoram tana an hmalakna, thingtlang khaw hrang hranga tui in tur min pekrate, khawpui chung pawhin mumal zawka kan neih theihna tur atana ruahmanna siama Phase-II hawn a lo ni chho Tate, chumi tihhlawhtlin zelna tur atana an hmalaknate hi chhuanawm hlein ka hria a. Tin, kart mamawh berte zing ami min petu department an nih avang hian duhsak pawh hi an phu hlein ka hria a. Pawisa chungchangah PHE ten chuti khati kan han ti a, amaherawhchu, Mizoram mipuiten kan mamawh ber tui thianghlim hrisel, in tur a nih avang khan sum chungchang pawh kan Sorkar pawh hian ren lo deuh hlekin mi zawng zawng opposition party leh party lo kha thliar chuang lova, kan mamawh dan inang ve, inrualkhai taka sem tlan thin a nih avang hian tui chungchanga kan hmalaknaah pawh hian sum chungchangah pawh hian harsatna an nei deuh a nih pawhin pawkhawm leh mai thin a, tam zawk hi Budget-ah pawh hian, tunah pawh hei inrawn dah thahnem viau a. Amaherawhchu, duhthu a sam lo mai thei a. Aizawl khawpui mai bakah thingtlang khua hrang hrang atanga tui in tur atana sum hi pek belh a tul a nih pawhin, kan zavaia kan inlungual tlanna tur niin ka hria a. Chuvang chuan, Pu Deputy Speaker, R.E. lamahte pawh tam zawka sum hi ruahman sak theih dan an la awm lawm ni ? kan bial lamahte pawh hei kan mamawh dawn a nia.

Khimi Tuipui pump chhuah chungchangahte pawh khan Biate a pump chhuah tura ruahmanna kal mekte pawh hi a tihhlawhtlin theihna tur atana sum lampangah harsatna awmlo turin kan Sorkar pawhin hma min lo lakpui thei sela tih kha vawiin niah hian ka sawilang duh a. He kan Demand pawimawh tak takte hi lungual taka House Member zawng zawngten pass turin Pu Deputy Speaker, ka'n sawi a ni e. Ka lawm e.

**DEPUTY SPEAKER** : Pu H. Rohluna kha a phar sang deuh tlat mai a, sawm phawt mai ang aw.

**PU H. ROHLUNA** : Pu Deputy Speaker, ka lawm e. Demand No. 46-naah ka'n lut hmasa ang a. Hei khawpui chungh enkawlina tur UD & PA Department-te an lo ding chho ta a, JNNURM atangin pawisa Central-in tam tak anrawn pe a. Heng hmanna tur kawngah hian mipui pawhin kan awlsam phah ngei chu kan han ring lo thei lovang a. Pawisa tam hi a nihna takah chuan a hman dik loh hi chuan mipui tan hian a tangkai vak lo thin a, a thlenna tur hi tha takin thleng se tih a duhawm khawpin ka hria a. Tichuan, Sectoral allocation-ah khan nuai singkhat sangkhat leh sawmpahnih externally aided project for Aizawl Water Supply Scheme Phase-I tih hi a awm a, Urban Development & Alleviation tihah hian. Hei hi Aizawl Water Supply Scheme Phase-I-ah hian nuai heti zat zat hi hmanna tur hi a awm em aw tih hi ka hriatthiam loh vang nge ni ? Kan Minister zahawm tak hian

nakinah a wind-up-naah hian han sawifiah se ka duh a. A chhan chu pawisa a tam viau a, Phase-I hi hma kan la vak tawh lo niin ka hria a. Mahse, nuai heti zat chuang lai mai awm hi, hei hi a nihphung min han hrilhfhiah se ka duh a.

Tichuan, tunah hian NREGS-te Aizawl khawpui chhungah hian hman turin kan Sorkarin hma a la chho a ni a. Helaiiah hian Urban leh Rural Area-te hi a nihna takah chuan kan thliar fello deuh nge ni tihna lai ka nei deuh a. Helaiiah hian khawpui chhunga mirethei chhawmdawlina turin Poverty Alleviation, UD & PA-a Department-ah hianin a awm tho sa a. Amaherawhchu, hei hi kan dukhawp hauh lo tih chu kan chiang a. Chutihrualin Rural Employment Guaranteed Scheme hnuai atanga khawpui chhung, hetiang a hma kan lak leh si chuan Municipality Act kan pass-te hi a takin hman kan tum ta lo em ni ? Rural area-ah hian Aizawl khawpuite hi kan kalpui leh ta mai a. Heit zawng hian chhuanlam tha tak siam hi kan Sorkarin Municipality pawh hi a nihna takah hian kalpui tum lo hian min tei kualpui vel mai mai dawn em ni ? tih hi ka ngaihtuahnaah doubt a awm ve deuh a. Chu chu ka'n sawilang duh a, a chipchiar chuan ka sawilang hman lovang a.

Tin, UD & PA Department a lo piang a, pawisate a tam a, pawisa tam vang nge ni hnate pawh hi kan fimkhur tawh lo deuh a. Bawngkawn lamahte, kha lungrem chim te, kea kalna chim ta te, mihringin kan thihphahte a awm a. Chutihrualin Capital Complex panna tur kawng peng lungrem chimte a awm a. Hengahte hian fimkhur taka hna kan thawh a, kan kalpui loh chuan tunah chuan hei Mobile Phone SMS-ah te MNF lungrem bulah chuan ding suh, a hlauhawm tih mai maite hi SMS ah hian an inthawn kual mai mai a ni. Chungte chu a nih avang chuan kan Sorkar tan pawh hian a mualpho thlak deuhin ka hria a, fiamthu thawh nan tak an hmang ta a ni. Chuvangin, kan Sorkar hi fimkhur lehzuala a kal a, tin, a tidiklotu leh hna tha taka thawklotu na na na hi chu an hrem ngam a ngai a. Tichuan, a vil pawh kan invil tha turah ka ngai a ni.

Tichuan, Trade & Commerce-ah hian hei, Sawhthing hralhna chungchang hi kan sawi fo tawh thin a. A chhan chu kan kuthnathawktuten an thawh rah an seng tur lai a nih pawhin kan kuthnathawktute inngahfakna tur atana thar rang an tih ve theih chhun a nih avangin tun ang Mautamah hian kan Sorkarin uluk lehzuala he thil pawh hi a enpui thain ka ring a. Tunah erawh chuan, EIRI lam pawh an chawl rih a, amaherawhchu, chitihrualin rual chuan Session chhung hi chu an chawl ang a, Session zawhah hian an tihtir leh dawn Sorkarin a ti tih angte hi thil ri a tam leh tawh a. Chungte a nih chuan, Department lamte, MAMCO lamte pawhin uluk zawka an kalpuia, mipui tana tha ber tur anga an kal loh chuan hei hian mipui tan harsatna nasa takin a thlen a ni tih hi kan hria a. Zoram hmun kilkhawr tak takahte miin rate thain an hralh thei a, commission-te an han ti a, Vairengte Gate kan han siam tlat mai te hi a rate competition-te pawh hi awm tha zawk sela tun ai hian, pakhat chauh ti lovin, tuna EIRI lamte pawh hi thenkhatten an sawi dan pheih chuan midang han lei ve duhte pawhin kan lut ve thei ngang lo a ni. Trade & Commerce Minister lam atangte pawhin tunhama atangin EIRI hotupate hi chhungkhat, khatianga lo inchwawmdawl tawn an nih avangin an ngam ngang lo a ni tilte pawh hi a awm thin a.

Hengte pawh hi thudik a ni em? Chutiang thleng chuan ngaihtuahna thui tak kuthnathawktute hian an nei a ni tih hi ka'n sawilang zawk duh bawka a ni.

Tichuan, DP & AR-ah hianin Demand No. 13-naah hianin tuntuma ka zawhnaah Sorkar hnuaruk sanction tawh Mizoram Sorkar hnuaiiah leh CSS hnuaiiah hian engzatnge awm tihah khan 3000 chuang a chhanna a ni a. MoU te kan sawi thin a, tunhma chuan. Amaherawhchu, kan Chief Minister zahawm takin a sawi tawh angkhan, 'kan ramah hian sum leh paite kan lo ziaawm chhoh deuh avang hian hei chu Central atanga sut pawh a ngai kher love, kan duh dan leh mamawh angin kan la thei tawh e' tih kha nikum lam Session-ah khan chhanna a ni a. Chutiang a nih chuan hetiang zat zat hi vawiinah unemployment problem heti zat kan neih laia hnawhkhah lova a awm hi rang taka hma kan lak a thain ka hria a. Employment-a hna mamawh in register, a sing tel an awm a ni a, hengte pawh hi kan Sorkarin hma chak zawka a lak ka duh a, ka'n sawilang duh a.

Tichuan, Water Supply and Sanitation-ah hian House-ah pawh ka sawi thin a. Kan Sorkar, tuna Central atanga sum leh paite a lokal that avang hian hna pawh kan thawk chak lo thei lo a, chutihruah chuan Water Supply Scheme thingtlang hmun kilkhawr ber berahte pawh hian tui haw thalo hi a tam em em a ni. A chhan engnge kan tih chuan, thildang zawng ai pawh hian a intake lai hi, ramhnuai a hna siamna laiah hian kan uluk tawk lova, ramhnuai a nih avang hianin mipui hmuhphak loha contract hna kan inpek thinte hian kan vil tha tawk lo niin ka hria a. Hei hi Water Supply Scheme tam tak a hlawhchhamna nia ka hriat avang hianin hmanah pawh ka sawi a, ka sawi nawn leh duh a ni, thildang tam tak karah.

Tin, Demand 16-na, Home-ah hian, Fire Service hi Member zahawm takten an sawi tawhin ka hria a. Hei hi Aizawl khawpui leh hmun danghte pawh hian tun aia kan tihchak zawk tulin ka hria a. Tunah phei chuan a Department an san deuh dawn niin ka hria a, hetihruah hian hmanruate pawh tun aia kan thuam that a, Aizawl khawpui chhungah pawh hmarlam leh chhimlamahte hian a Station dah belh tul khawpin ka hria a, hei hi ka sawi duh bawka a.

Tichuan, hei Dan leh Thupek kenkawh kawngah pawh hian kan Sorkarah pawh kan sawi tam tawh a. Hetah pawh crime rate-te a tlahniamte kan han ti tak naa, amaherawhchu, tun hun reilote chhunga kan Sorkar hnuaiia thil thleng tam tak tualthihnte, rukruk engemaw crime tam tak chhuichhuah loh ang chite hi chu vawiin hian tun ai hian tan la se ka duh a. Tukina Question Hour-a kan sawi tawh angkhan, heng Rev. Chanchinmawia thih chungchang kan sawi ang chiah te, mipui ngaih hi chu a tha thlawt lo a ni tih hi ka sawi duh a. Chuvang chuanin, kan Sorkar hianin hengte pawh hi Independent Investigating Agency-te pawh hi tun ai hian, tuna hetia chawlhpuoi mai lo hian ruai sela, CBI a ni emaw, pawl dang tha zawk a ni emaw, chutiangte chu chhui nawn tir leh a, helaiiah hian thudik hi kan hmuhchhuah a pawimawhin ka hria a. Tin, incident hrang hrang leh SIT report han en hian doubt a tam a ni. Chuvang chuan, ngaih titha lo eng eng emaw a tam avang hian hei hi tun aia uluk leh tha zawka kan Sorkar hian hma a

lak hi ka duh a. Sorkarin mipui ngaihthatna tura hmalak hi ka phut bawk a ni. Chuti a nih loh chuan vawiinah kan ram dinhmun han en hian mipui ngaih a tha lova, mipui nun pawh a him lo a, mipui ti deka kan han awm ta maite hi Sorkar tan tak pawh hian a tha lova, tin, mipui tan pawh a tha bawk lova. Chuvangin, kan Sorkar hi Law & Order kenkawhna chungchangah hian tun aia chak lehzuai hian kal se, hma la se, tih hi ka han sawi duh a ni. Ka lawm e.

**PU ANDREW LALHERLIANA :**

Pu Speaker, ka lawm e. Vawiin hian sawi tur a tam hle a, Demand ropui tak takte sawi tur a tam laiin ka sawi dan tur chu a lei hrut zawngin, a hniam lampang ka sawi dawn a ni. Mizoram hi milian leh mite inthlauhna a ni tawlh tawlh mai a, hei hi Sorkar hmalak danah pawh hian a lang a. Sorkar Officer, Department lianah reng reng hian a chanvo tha lampangte ina demand an siamte hi kan ngaihsak bik em em a, a hniam lampang hi kan ngaihsak lo a ni. Doctor ten phut nei se, Engineer-ten nei se, Group 'A' ten nei se, Sorkar pumpui mai hi kan phe lui lui mai a, kan ngaihsak a, anmahni lawm dan tur ang hian thil a kal hma a ni. Chutihrualin mite, a hniam lampang hi vawiinah hian vui tak tak leh an chanvo tura an duh an chan theih loh mahse, anmahniina an complain theih lohte a awm a, chumite represent tur ang deuh chuan vawiinah hian thu ka sawi duh a.

Demand No. 16-na, Home Department-ah hian sawi ta ila. Kan Police Department hnuai 4<sup>th</sup> Grade ho hi vawiin hian strike chu sawi loh an demand pawh hi an sawi ngam tawh lo a ni. Tichuan, 4<sup>th</sup> Grade an ni a, an awmdanah sipai hote nen an awmkhawm a, cook, cobbler, hazam, water carrier, dhobi tih angte an lakkhawm pawh kal sela an kal ve zel a. tin, zanlaihate duty ngai se an ni ve vek tho. Chutiangin hmun hrehawmah pawh awm se khang sipai kalnaah khan an kal ve vek tho a ni. Chuti a nih rualin an chanvo tur ang an duh ve, a dangin an chan ang chite hi an chang ve lova, ration-te an dawng ve lova, tin, holiday an neih loh avanga police-ten kumkhata thla 13 hlawh an lakte pawh hi an la ve lo a ni. Amaherawhchu, hmun harsa zawng zawng kal ve tho si khan thosilente an dawng lova, Ration Compensatory Allowance an dawng a, puanthuah an dawng lova, a rethei ber an nih rualin ngaihsak loh ber an ni. Demand pawh an sawi ngam tawh lova, ka lo hriat ve dek dek avangin he House-ah hian kan Police Department 4<sup>th</sup> Grade-te dinhmunte, demand an lo neih vete, hlawh tam zawk leh chanvo tha zawkin an chan ang holiday awmlo khawpa hna an thawhnaah hian ngaihtuah ve se a tha. Tin, IR Battalion Chhatisgarh-a thite, kan pasalthate chhungten an dawn tur kha an la dawng loin kan hria a, rang takin pek nise.

Water Supply PHE-ah hian. Buarpui bialtu khan a bul tan nan a sawi tawh a, tui metre kan han vuah ngawt kha cheng nuai 350 chuvingin kan vuah a, hmang miah lovin sum leh pai siam nan kha contract kha an hmang emaw ni chu aw tih tur a ni. An hmang leh si loa, mahse, tui bill-ah thlatin Aizawl khawpuia bill pe zawng zawngin sing chuang hian thlatin Rs. 10/- kan

pe ringawt mai a ni. Chutiang chuan kan chawi a, hei engtikahnge a tawp dawn tih rawn zawt teh min ti a, vawiinah hei hi ka zawt a ni, a tawp ni tur awm teh se, an ti a ni, thlatin water metre vuah man rulhna tura pek a ni reng mai hi a thalo ni.

Aizawl Water Supply Scheme Phase-II hi a nihna takah chuan tui nitin litre maktaduai 36 chuang pe thei tura kha sum leh pai tihchingpen avangin kan siam zo thei lova, tui litre maktaduai 12 lek nitina pechhuak thei turin a chhuak ta a, a piangsual hle mai a. Mipui rilru a na a ni tih hi House hi ka hrih duh a ni. Vawiinah hian kan hotute hi bukin in awm mek a ni tih ka sawi duh. Kan hriat angin Water Supply Phase-I & II maintain nan nuai 1362 kan hmang a, income kan hmuh erawh chu alternative mamawh a ni tih hmanna ka sawi tawh kha vawiinni hian ka report leh duh a. Rain Water Harvesting System-te ngei pawh hi Aizawl-ah hian kan tih vat loh chuan Sorkar hi a nuai sangkhat minus-in a maintain-naah hian tui supply min pe thei reng lovang, nakin lawkah kan tlin dawn loh avangin hei hi khawngaih takin alternative scheme kha siam thuai turin ka'n ngen leh duh a.

Tin, Trade & Commerce chungchang thu hi ka'n sawi leh duh a. Sawhthing hralhna chungchang thu hi ka sawi duh a ni. Vawiinniah hian EIRI in a tie-up a, tichuan, tunah a kalsan tih kan hria a. Engvangin nge mipui chhut danah chuan, 'rate that dawn veleh Sorkar hi a lo inrawlh buai emaw tih tur khawpin a lang a ni,' an ti a. Thlai thar neitute chungchang thuah hian policy mumal takin thil normalize takin kan kalpui loh vang a ni. Trade & Commerce hnuaiah nilo hian Agriculture hnuaiah Agriculture Marketing Corporation-te lian takin siam se, chu chuan thlai thar hralhna hi Sorkarin policy lian zawkin keng se chuan a fuh mai tur. Comprehensive scheme nena he thlai thar hralh chungchang thu hi policy kan kalpui loh chuan mipui 70% eizawna hi puitling takin kan chhuah ngai dawn lo reng rengin a lang a ni. Kuthnathawktu 70% chuang Mizoram mite harsatna chingfel tur chuan thlai thar leina tur policy kan neih tak tak turah hian policy neia, a leina tur ngei mai Sorkarin fund a nei a, a buatsaih a. Tin, hetianga thlaithar neitute ngei pawh hian an duh ang tawk rate-a an hralh loh pawha a lo tanpuina tur ang chi price support-te pawh hi budget-ah dah a tul a ni. Minute 2 ka la neiin ka hria, chu chu ka'n sawi chho ang a.

Vawiinni hian problem an rawn sawi chhoh chu, kuthnathawktu pawl hovin an lo enpui a, khulai hmu-nah EIRI-in a tihdanah hian a mangang thlak em em chu, Vairengteah khuan a hmunin a dawl lova, tin, mihring hnathawk, lo buaipuitu an tam tawk lo a ni. Nikhatah trip 50 thleng thinah khan trip 10 bak an lo dekral theih loh avangin harsatna an tawk a, thlaithar, rei tak tak pho a nih avangin a lo zang a, an hralh to theilo a, tam takin pawisa an loss a ni. Tin, chu mai a nilo, helaia motor khu an hralh lawk theih loh avangin motor hire thlain kan thlai thar neitute hian nikhatah an hralh zawh mai theih loh avang khuan nitin motor man khu a sangtel an chawi a, khungte pawh khu engtinngte thingtlang loneitute tan harsatna tho a ni. Chuvangin, Sawhthing hralhna hi Sorkar hian a buaipui tak tak dawn a nih chuan Sorkar hian Budget-ah a leina dah se, Silchar vai syndicate-tea innghat mai lo ang chi hian Sorkar hian hmang selangin theih tawpin

thlai thar leina tur Budget-ah dah a, Sorkar hian hnathawktu tam tawk nen lo buaipuia, rang taka hralh zung zung theih tur ang chia a buaipui loh chuan kuthnathawktute hi harsa rengin kan siam dawn niin a lang a, an problem hi kan solve tak tak lovang. Chuvang chuan, thlai thar chungchang thua Sorkar hian comprehensive policy neiin revolving fund neiin, chumai bakah price support-te nen, an thar dawn lai vela an harsatna lo chhawmdawl tur ang chi Crops Insurance Scheme-te nen hian comprehensive scheme-a a tih loh chuan Sorkar hian kuthnathawktute tana hma a lakna hi a puitling thei tak tak dawn lo a ni tih hi a Chiang a ni. Chuvangin Sorkar hi kuthnathawktute enkawl chungchangah hian serious rawh se, comprehensive policy-te nen hian ti selangin kuthnathawktu, Mizoram mipuite 70% te eizawna hi ngelnggheta siam tur hian EIRI kutahte mai mai hian dah lovin, Sorkar hian tihtakzetin policy lian nen hian ti tawh rawh se, tih kha ka'n sawi duh a ni e. Ka lawm e.

**PU K. VANLALAUVA**

: Pu Deputy Speaker, ka lawm e. DP & AR leh ATI hi sawi kawp ta ilangin, kan sawi chiam avanga Budget belh tur lah a ni lova, kan tihsual viau avanga tihtlem sak tur lah a

ni bawk lova. Ka'n sawi duh zawk chu, an direction lai hi a ni a. DP & AR hi Department lian lo tak nimahselangin pawimawh tak an ni a, ka sawi duh chu, Sorkar mite promotion pek chungchang thuahte uluk taka thil an ngaihtuah thin angin ngaihtuah Chiang leh zual ta sela, Aizawla hotute dawr taima apiang kaisang lova an siam thin ang hian ti zel sela, Zokhaw lam ami hotute dawr ve hman lo a, field-a thahnemngai taka thawk thinte pawh en hmaih lo se, khang zawng zawng cover-a hna an thawk ang khanin thawk chhonzawm zel sela, ka duh a. Chuti a nih lova khawpuia hotute thlafima vak peih, file pawm peih peih kaisang, transfer pawh transfer loh mai, khang zawng zawngte kha an tih loh thin angin tilo ngam sela, a thain ka ring a, kha kha ka sawi duh zing ami a ni a.

Tin, ATI-ah hian Officer erawh tunhma khan an training tir thin a, nikum atang khan Officer mai pawh nilo, IV-Grade thleng an training tir a. Hei hi an tangkaipui zia leh an hlawkziate an sawi thin hian keini he House-a member-te pawh hi training min pe ve selangin, RTI Act-te emaw, Administration hrim hrim leh file movement thleng pawhin min zirtir ve ta selang tih hi ka duhin ka chak khawp mai a. Session zawhah hian House lamin an remtih chuan min ko ve selang kan fing sawtin ka ring a, ka tarlang duh a ni.

A dawtah chuan, Water Supply and Sanitation. Hei hi PHE-ah ngai ta ila. PHE Department hian sawi a hlawh hle mai a, a bik takin Phase-II hawn taka connection pung ta hi kan hre seng mang si lova, kan tui dawn a pangngaiin a tlem si a, tih a ri tam a. Helaiyah hian nikumah Revise Estimate-ah pekbelh chiam kan nih vang kha nge, kumin Budget Estimate-ah a punna a tam vak lova. A punna ringawt hi Plan Budget Estimate-ah hian Plan-ah Rs. 9,301 lakhs-in a pung a, tin, Non-Plan-ah hian Rs. 2036 in a pung a, hei hi a chhan leh

vang House-in kan hriat a thain ka ring a. Sorkar hna thar tam tak an lak vang niin ka ring a. Khangte kha House-in kan hriatfiah a thain ka ring a. Thil tha lamah ka ngai a, thil reng reng a pun dawn chuan a chhan pawimawh tak a awm zel avangin a punna chhan a pawimawhin ka ring a.

Tin, Aizawl thlang lampang, a hnufual lam hret ten tui an hmuh that loh thu an sawi thin hi a pawmawmin ka hria a, an indaih ngang lo a ni tih hian a huam zo lovin ka hria. Enngunpui an ngai viauin ka hria.

Tin, Rural Water Supply Programme tih Rs. 1000 lakhs awm hi token ang velah ngai ta ila. A chhan chu, rural hi kan tam a, kan lian a, tui kan mamawh em em a ni tih kan hre theuh a. A bik takir keini bial angah pheii chuan sawi pawh a ngaiin ka hre lova, lawmthu mai lo chu, a tha em em a, keini bialah a off-na pawh kan nei ve lova, zankhuain a khawh mai a, kan kham em em mai a ni. Hei hi Department-in thahnem ngai tak leh tihtak taka ramhnuai riah pawh hreh lova min buaipui vang a ni tih hrechiantu ka ni a, lawmawm kati em em a. PHE Department-te hianin an hna an thawk tha khawpin ka hriat thu ka'n tarlang duh a.

Tin, Demand 44-na, Trade & Commerce-ah hian han luh lehngal ka duh a. Nikum aiin kan pawisa hi nuai 54.49-in tihtlem sak an nih hian chhan a neih ka ring a, hei hi a chhan hriat ka duh a, a tlemna hi a tlem hle naa, awmzia a neih takin. Tin, Sawhthing hi engchen nge a thunawna kan hman dawn tih hi ngaihtuah tham niin ka hria. Vairengte khawtlang hruaitute nen tukinah kan inhmu a, 'harsatna a tam khawp mai, ka pu, pakhat mai nilo pahnih mai nilo, keini Vairengte khawtlang leh tlawngai pawl tena harsa kan tih ber zingah chuanin keimahni Mizote zingah hianin vai pawisa hmanga sumdawng hi kan tam tulh tulh a, tin, keimahni Vairengte thlang lamah Bagha lamah anmahni hnena riak duh khawp hi kan awm thluah mai a, hei hianin rate chu a tichhe lo thei lo. EIRI hian lei duh zel pawh nise, a thiartu tur Truck Owner-te an inthural tlat zel a, chu chuanin harsatna min siam sak a ni' an ti a. Kan Sorkar pawhin dik tak chuanin thiam lohna chin a nei ve a ni lo maw? ka ti a. 'A kan hriat chinah chuan Sorkar chuan a tih tur chu tiin kan hria, tihngaihna dang vak a awm lo, a mipui hrim hrim hi kan pawisa duh intlansiak hianin vai kan cho phawk a ni hrimin ka hria'. Chuvangin, tam tak lei mahselangin, EIRI a ni emaw nilo emaw, lei mahselangin a thiar chhuaktu tur Motor Owner Association kha an inthural tlat chuanin tunge lei reng duh ang. Chuvangin, a bulpui ber hi pakhatin sawifiah theih a ni lo, pahnih pawhin sawifiah theih a nilo. Heng zawng zawng hi ngaihtuahnaah neih a ngai a ni tiin a sawi a, a dik ka ring a, hrechiang lem lova Sorkar han mawhpah ngawtna laite pawh kha a sawi chu a nuam khawp mai. Tin, a leitute pawh mawhpah chu a nuam khawp mai. amaherawhchu, a chhan chi hrang hrang 4/5 awmte kha zuk ngaihtuah chuanin a titu tan pawh, Trade & Commerce Department tan pawh hianin hetiang tak hian ti ang aw, tih kha a har ang tih ka ring sa.

Chuvangin, ka sawi duh chu, Village Council Association-te pawh hianin keimahni Village Council theuhah a hralh turte pawh hianin fai deuhin tih ni rawh se, a hlui a nih pawhin hlui chiang rawh se, a thar a nih pawhin thar chiang rawh se, chutilo chuan a hmunah an tihthat tir tho tho si tih kha inzirtir ta ila, Kristian ram zinga a ruka tih tum niawm tak awm hian harsatna tam tak min thlen niin a lang ve thei. Harsatna hi tute emaw mawhpuh ngawt tum lovin, a chhan hrang hrang dap tlan a pawimawh a ni. Tute emaw chantir tum ringawt aia ke kan pen chak chuan a fuh ang tih ka ring. Sorkar chuan uluk takin a thlir a ni tih hi kei ka hmuh dan a ni a, Mizoram Sorkar hian Sawhthing man hi hniam hrim hrim se a duh ang tih hi tumahin an rin ka ring lo. Kei pawh ka bialah a tam em em a, quintal engemaw zat a kal tawh a, motor pawh pali, pangain kan lei tawh, mahse, engemaw zat a la awm tih ka hria, a hralh tam nih chu ka duh, mahse, a hralh duh ang taka a kal chak theih lohna chhan kha tute emaw mawhpuh tum ngawt ni lovin, a chhan hrang hrang dap kual tlan a pawimawh. Hei hi House-a Member zawng zawng tena kan mawhphurhnaah kan ngaih thiam tlan chuan a that ka ring.

Pu Deputy Speaker, a tawpna atan chuan Demand 46-naah, Chite Mini Sport Complex kha Budget-a pawisa sen zat kha nuai 1005 tih a ni a, tah chuan 50% zawh tawh a ni tih a ni a, hei hi tih zel tumna a awm em ? Engtika thawh chhuah beisei nge ? tih lai hi he House hian kan hriat a thain ka ring. Ka lawm e.

**PU R. LALZIRLIANA** : Pu Speaker, tuna an sawi mek Demand No. 44-na, Trade & Commerce, Sawhthing lei chungchang kha company pakhat monopolise theih loh tur hian Sorkar hian company pali/panga hi leitir sela, chu chu a solve-na a ni mai. Miretheite thawhchhuah sa lo ei ve tum hian miretheite a tibuangbar a, a rate tha pawhin a hralh theih loh a ni zawk a ni tih kha ka'n sawi duh a.

Tin, Demand No. 46-na, Urban Development-ah hian Aizawl khawpui chhungah hian Septic Tank kan nei vek a, chhungtin ek kha paih a ngai a ni. An Septic Tank-te a lo upa tan tawh a, zantin khur tam tak paih a ngai a, helaiah hian khawilaiah mah paihna a la awm si lova, mahse, paih a ngai baw si a, khalai kha dan bawhchhiaa thil tih a ngai vek a ni. hei hi a rang lama ngaihtuah a ngai a, keini Opposition-te phei chu ek paih motor-te kan nei a, kan motor an man reng mai a, a changin a hnathawkte kut an lo thlak a, a hahthlak em em a ni tih hi Sorkar hian min hriatsak sela ka duh a ni.

Chulo lelah chuan, Home Department, Demand No. 16-ah hian kal ka duh a. Helaiah hian 2<sup>nd</sup> IR din leh tuna an recruit mekte hi keimahni minrawn duhsak hrim hrim vang ni lovin, Central Sorkar hian a zawrha minrawn zawrh zawk a niin a lang a. State dang chuan an ti duh manglo a



ni. A chhan chu State danga ral beihnaa an duh duha an pawh theih avangin hetiang tih hi niin State danga thiante chuan minrawn hrilh a ni. Chutiang chu a ni ve awm mange aw kati a. Chutiang a nih lai chuan Chhatisgarh-a IR hmanni lawka 10 lai zu thite kha Gratuity emaw engemaw an dawn tur ang chi reng reng kha la dawng lovin harsa takin an awm niin a lang a, heng hi an lu mante kha a rang lama tihfel sak theih a ni lawm ni? Pension tlema la hnukhawi deuh pawh ni sela tiin ka han sawichhuak duh a.

Tin, he Session-ah ngei pawh ka sawi tawh thin a, ka bialah khian milian eng ang pawh awm sela, DGP pawh hian nilo takin an thuneihna hi hmang sual ta se, ka sawi tur a ni a. Chutiang chuan Tawi Tlangah khian 3<sup>rd</sup> Battalion Commandant hian huan zau tak a nei a, chutah chuan nikum chhung zawng leh kuminah pawh hmanni lawkah ka han kal a, mi 6 IR Battalion-a Police ho hi a la dah a, chungah chuan Hav. Thanzauva, Constable N.K. Roliana, N.K. Ramchuana, Constable Ramthianghlina, Constable Rindika, Constable Vanbiakthanga, hengte hi a la dah reng mai a ni. Khawvel eng zah reng reng lova hetiang anga tihna chhan hi amah ka huat vang a nilo reng reng, amaherawhchu, Police Officer fel tak takte hian an fel man chu retheih chiah an tel a ang. Chuvangin, hetiang thil diklo tih hi an chak ve dawn a ni. Chuvangin Home Minister hi a bang ngam tur a ni, hetiang ang control theilo hi kati a ni. A zahthlak kati, Secretariat atang pawhin enquiry la an kal a, a dik a ni, ka thusawi hi tih an proof a ni. Amaherawhchu, vawiinah hian hetiang ngar ngar hian khawvel eng leh a thiante pawh zah miah lovin hetia a la ti thei hi a mak kati a, tichuan, thlakhat chhung hian heng ho hlawh hi Rs. 63,222/- a ni a, tunkumah ringawt pawh hian ti ta ila. khilaia a huan ringawt, a huan dang chu ka bial a ni lova, ka sawi lovang. Kumin thlathum chhung ringawt pawh hian Rs. 18,96,66/- Sorkar hnathawk turte amahin a lo eiru a ni tih hi a chiang a ni. Chuvangin action lak ka phut a ni, hei hi.

Chulo lelah chuan, Rev. Chanchinmawia chungchang hi, public interest a ni a, sawi loh theih a ni lova. Keini pawh tuna kan Minister ngeite pawh an him leh him loh hi hei hian a keng tel tlat a ni. Chuvangin Rev. Chanchinmawia hetiang taka hliam rapthlak leh na a tawrhna, thihna hial a tawhnaah hian mipuite thlamuana lungmuang taka an awr theih thuai beiseiin Sorkar lam chuan mahni inthatin a rawn puang ta ringawt mai a. Mahni inthat ni lovin, mi thah a nih theihna lam reng reng hi uar taka chhuina a awmlo a ni. Chuvang chuanin, heng hi khalampang ngaihtuah a, a thattute vawiinah hian zalenna pek ringawt mai hi thil fello tak niin ka hria a. Chutiang chuanin, he thu hi chhuichhuah hian Sorkar tan a mualpho thlak dawn a, chuvangin, misualte zalenna Jubilee dar hi vuak thuai mai hi he Sorkar hian a duh em ni? tih hi ka zawt a ni. Mahni inthat thei a ni a, a han sawi meuh chuan nichina kan sawi tak ang khan Sorkarin misualte an chungah an phu tawka hremna tur kawng zawngtu zawk tur Public Prosecutor-te lah khan phur em emin thahnemngai takin Rev. Chanchinmawia kha a inthat a ni tiin an puang ta nghalte kha a vanduaithlak hlein ka hria a ni. Rev. Chanchinmawia hi MPF President a ni a, Zoram Politic siamthat, dawt leh lemchanna hi a hua a, inthlana hel hmante, pawisa hmante a that lohna hi nasa takin a sawi thin a ni. Tiang chuanin, sum leh hel hmachhuana kum 2008 MLA General Election lo awm tura tiin tumte tan chuan

Rev. Chanchinmawia dahthat a ngai a, Buhbana kal tir a ngai ta a ni, tih hi mipui ngaihndan a ni, kei pawh ka ngaihndan a ni.

Rev. Chanchinmawia thihna chungchangah hian he Sorkar hian a thihna chhan dik tak hi chhuichhuak ngam selangin, tupawh nise, milian thupek a ni emaw, laina hnai an ni emaw, mipui lungdamna khawp hian he thu hi chhui a la awm lo reng reng a ni. Rev. Chanchinmawia hmu hmasa bertu Lalhriatpuii statement helaiah hian Pu Deputy Speaker, ka'n sawi lawk teh ang. "Zing dar 7 velah ka tho a. bathroom lam ka pan chuan choka chhuata mipakhat bawkkhupa thi, thisen nena lo mu ka hmu a", a ti a. Midangin a zangthalin an hmu vek si, Drug Addict-tu emaw lo lutin a invit hlum ta emaw kati a. kawngka kan en a, a inkalh thap si a, a ropui, he hmeichhia hi ropui tak a ni. Kawngkate kan en a, a inkalh thap si tihte kha, ka pi leh pute hrilh tuma an room ka va en chuan ka pu a lo awm si lova, va en tha lehin choka chhuata bawkkhupa mu chu ka pu a ni tih ka hre ta a, "ka pi, lo tho teh, sawi ka pu a invithlum", kati a. "ka pi chu rizai chhung atangin a lo tho nghal a," a ti a. Hei hi Police-in a statement an ziah thlap a ni. Police sawidan ve thung chuan, "hei hi an awmpui nu Lalhriatpuii, mi ang zan lo, thu zawhfiah pawh dawl vak lo," niin an sawi a. A pu hliam hnuhma pawh a hmuh miah hma a, a invithlum a ni tih sawi thei maite hi thil mak tawpkhawk chu a nilo maw le ? a mak ti rawh u, prepond a awm niin a lang a ni, hei hi chu, chhuichhuah leh a ngai reng reng. Chokaa thisen baw nuai, mitthi ruang lo let reng baw si, chia i hauh lova hmeichhia lehngal a awm hi a va'n mak em ! Han dawp ve ilang chuan kei chuan a thu, a thihna chhan tak, Rev. Chanchinmawia fanu Rinmuani'n Gas Stove-ah te, thuk tlang velah te, tui dahnaah te..... a sawi Chiang bang a, Police investigation report-ah chuan hetiang ni a awm lova, a pangngaiin engkim a awm vek a, 'thisen han per vel pawh a awmlo a ni' an ti leh ta nghal a. Chuvang chuan, he chhuichhuahna final report an rawn pek hi a rinawm chia h lovin ka hria a.

Fanu berin thisen hmundanga kai a hmuhte chuan ngaihsak a hlawhzui lo reng reng, a mak kati a ni. Rev. Chanchinmawia hi a thih hlimchhawn deuhva Synod Office-a ka lenin thu an sawite kha, helaia ka la sawi loh chu, a invihna kha a awm a nih kha, hmunphiah thliaka vit tlumtu ngei Pu Thanhira hian 5 inches vela thuk a ni tiin a sawi a ni. Chumai bakah PMI report-ah khatiang kha a lang tawh lo reng reng, a thuk lam a lang tawh si lova, chutiang chuan Pu Speaker, sawi tur a tam a, he Pu Thanhira ngei hian a sawi a, kaihza veilama vunpui chat khawpa thaina, a kaihza tha chhahnate kha a lang ta lo reng reng maite hi a buaithlak kati a.

Pu Speaker, hetiang tehnuai thil awm hi a nih avangin Sorkar hian CBI chhuitir turin ka ngen a, kan Home Minister pawh hian CBI kan chhuitir ang tih assurance min pe sela, tha kati. Chutilo chuan a Demand hi pass-pui chi a ni reng reng lo tih ka sawi duh a ni.

**PU C. LALRINSANGA**  
**DEPUTY SPEAKER**

: Khaile, Microphone kha off nghal zel theih ni sela, Pu H. Vanlalthaliana i lo sawm ang.

**PU H. VANLALTHALIANA** :

Pu Deputy Speaker, ka lawm e. Hun a chep si a, ka'n sawi hmasak ber duh chu, Demand No. 13-na, DP & AR hi a ni a. Hei 2004 hnuah khan Mizoram Sorkar hian Officer fel tak tak, MCS-te, MPS-te a la ta nual mai hi a lawmawm kati a. Sorkar hna la thei lo turin MoU kan signed hnuah kan State Sorkarin hetiang zat zat Officer a la theite hi lawmawm kati a.

Zing lamah khan a figure engemaw zat kan thian ten an rawn sawi a, ka sawi tawh lo mai ang a. Hetianga lak an nih hi lawmawm kati a, Mizoram Sorkarin thalai hna neilote leh Sorkar tana mitangkai turte mi hrang hrang a la thin a, chutianga titu Mizoram Sorkar hnuai DP & AR an fakawmin ka hria a, MPSC kaltlangin hna tha tak tak an la thin a, lawmawm kati a, ka'n tarlang duh a.

DP & AR hnuai ATI ten Sorkar hnathawk laite tana an service atana tangkai training chi hrang hrang a buatsaih thinte hi lawmawm kati a, hmasawn nan leh kan kal zelna tur atan hmasawna tangkaiin ka hria a, ka tarlang tel duh a. Chutihrualin kan mamawh ngawih ngawih Office building tha tak, New Capital Complex-ah sak a nite hi lawmawm kati a, ka han tarlang tel duh a ni. Hei hian Sorkar hnathawkte an hnaah tangkaina thui tak a pek theih ka ring a, a lawmawm kati hle a ni.

Tin, Demand No. 16-na, Home, Police a ni a. hei kan term chung hian IR Battalion thar pahnih lakluh a ni hi security atan mai piahlahmah sawi angin employment opportunity atan tha hlein ka hria a. Thalai sang chuang hemi atana lak a nite leh lehkhathiam manglo tan pawh eizawna mumal a siamsak theite hi a lawmawm a. A Headquarter atan Sorkarin ruahmanna thui tak a ni nachungin tihfel chiah a ni lovin ka hria a. Mizoramah District 4 velin Police Battalion Headquarters hi kan la nei lova, Mamit, Serchhip. Lawngtlai leh Saihate a ni a. Tunah Battalion 2 kan nei a, kan inchuh nak nak hlawm a. Lehlamah chuan security thlir a, kan ram dinhmunte thlira Battalion hmun hi ngun taka ngaihtuaha Sorkarin a dah thain ka hria a. Ka hriatsual loh chuan Assam khuan IR Battalion hi 24 an neiin ka hria a, an State-te a lian a, keini pawh kan ram dinhmun enin chhak lamah Burma, thlang lamah Bangladesh te a awm a. henge thlir hian Battalion dang pawh Sorkarin hun lokal turah tan lak a tul ka ring a. Chungte thlira Battalion hmun tur hi uluk taka Sorkarin a ngaihtuah a, a dah thain ka hria a. Mamit District pawh awm ka ti a, Serchhip hi ram lai deuh a ni a, lehlamah chuan, Mizoram thlang lam leh chhak lam atanga harsatna kan neih miah lohna bial/District a ni a. Lawngtlai te, Saiha te chu buai angreng tak kan ni. Keimahni ram chungah ralmuang viau mah ila, Burma, khawvela Sorkar mumal lo ber ti ila a sual ka ring lova, administration-ah

leh kawng engkimah harsatna chi hrang hrang an tawk a. Chuvang chuan, a thenawm ram Mizoram chuan nasa takin ramri depah harsatna kan tawk thin a. Bangladesh pawh kan hria a, an mumal lutuk lo, tunah pawh Sorkar mumal an neilo a ni. Chuvang chuan, hetiang zawnga thlir a, Police Battalion kan neih tur hi Headquarters hmun Sorkarin uluk taka a thlir thain ka hria a. Kan ram a ralmuang tha a, a lawmawm a, khawi hmunah pawh kal dawn ila, hlauh tur awmlo khawpa kan ram a ralmuang hi kan Police-te hnathawh that vang a ni. Khawi emaw lai case engemawah fel tawk lo, mipui duhthusam lohna awm thin mahse, kan Police-te an fel hle a ni tih hi mipui vantlangin kan pawmin ka hria a. Hetah hian a enkawltu kan Minister zahawm tak leh Police Department-te an fel em em a.

MLA zingah hian Thana tlawh tam ber ka nih ka ring a. Nimpiniah maiah pawh Thana ka tlawh a, kan Police-te an fel em em a, an tih tur an ti tha thawkhatin ka hria a. hei aia tha lehzuala an awm kan beisei a, an ni pawh an tan chhoh ka duh a, Sorkar pawhin an mamawh angt e thiam taka a enkawl chhoh tha kati a, ka tarlang tel duh a ni.

Hemi ruala ka sawi duh chu, Home Guard ho chungchang hi a ni a. An hlauh tihpun sak an ni a, chutihruah chuan, ralthuam nen meuha duty ve si an vanduai palha an tawp tawp lai hi Sorkar hian ngaihtuahna thar a seng thei lawm ni tih ka ngaihtuah a. Ngaihtuahna thar a seng thei lawm ni tih ka rilruah a awm a, ka ngaipawimawh hle mai a. Nikum nitain ka hria a, kan awmna Legislators' Home-ah mipakhatin kan Speaker hmasa Pistol a ru a, a rawn tlan ta a, Home Guard hovin an um a, Silai nen khan a lo tang ti tih ngam tlat mai a ni. Amaherawhchu, kan duty a lawm tiin an va chhuh thei a. Chutiang dinhmun ka ngaihtuah chuan, Home Guard ho dinhmun hi uluk deuha ngaihtuah that tulin ka hria a ni. Ralthuam nen meuha an duty a, vanduai palh sela, tawp ringawt lai ka ngaihtuah hian eng security emaw hi chu an service tan emaw Sorkar hian ngaihtuah sak thei se thain ka hria a, ka'n tarlang tel duh a ni.

A dawt leha ka'n sawi leh duh chu Demand No. 25-na hi a ni a, Water Supply and Sanitation. Hmanni khan kan Minister zahawm tak zuiin Ngopa tlangdungah, hetah North Vanlaiphai kan thleng a. Thingtlang khua tui lak miah lohna khua hi a lo awm miah lo niin ka hria a, a lawmawm kati takzet a ni. Amaherawhchu, kan hriat angin Mizoram hi ram a buai telh telh a, tui hnar te a lo kang ta thin a, chutah chuan tui laksak thenkhat tunhma kumli ngaa tha tak mai kha wawiinah chuan tui hnarte a lo awm tha ta lova, tui harsatna thui tak thingtlangahte kan nei a. Chutiang ka ngaihtuah chuan heta Demand No. 25-na, Soil and Water Conservation nena sawi zawm deuh hi thain ka hria a, Demand No. 33-na zawk a ni, Soil & Water Conservation zawk hi. Tunhma khan leilung humhalhna Sorkarin nasa takin a ngaipawimawh a, tan a la a, wawiina Soil Department hriat mang loh khawpa a awm ta mai hi kan ram leilung hi humhalh a ngai ta lo deuh em ni tih ka rilruah a awm a. Tlangram kan ram lei tha kal ral chak tak a nih lai a, Soil Department kan ngaihsak ta lo deuh anga a lang leh kan tui hnarte lo kiam zel chhut hian hemi Department pahnih hi engemaw tia tangkawp theih dan a awm lawm ni ? Agriculture-te nen pawh a inzawm tir dan a awm thei lawm ni tih ka rilruah a

awm a ni. A khaikhawm dan leh a zawmkhawm dan chu ka thiam chiah lova, amaherawhchu, kan ram mamawh leh kan ram kalchho zel tur en hian kan ramngaw a chhe telh telh a, a buai telh telh a, chutiang ka ngaihtuah chuan helai hi tihzawm dan awm sela, kan tuihnarte a lo chhe telh telh ka hmuh hian chulai chu ka rilruah a awm a ni.

Mizorama thil lawmawm tak mai kan crime rate lo tlahniamte hi lawmawm kati a, kan tarlan tel duh pakhat chu, India ram Police Officer training-na sang ber National Police Academy, Hyderabad-a kan DGP Board of Director-a an han dah hi lawmawm ka ti, kan tarlang hram duh a. Hei hian ka rilruah chuan Mizoram Police-te an that zia India Sorkar pawhin min hriatpui a ni ang tih ngaihtuahna ka nei a, lawmawm kati takzet a, ka'n tarlang tel duh a.

Tui chungchangah khan Lawngtlai Greater Water Supply Scheme chungchangah khan JNNURM atang khan hma min laksak a, Lawngtlai hi District Headquarter, Greater Water Supply Scheme nei miah lo awmchhun kan ni a, hmannia zawhna kan ngaihtlak tak angkhan, town-a puan kan li law law si lo, khalai velah khanin pawisa min petute atangin harsatna kan nei a, heti zawnga Sorkarin hma min laksak hi lawmawm kati a. Tun kumthar Financial Year-a bul tan a nih theih hramna tura kan Minister zahawm takina tan min laksak ka duh a, ka'n ngen hram duh a ni.

A dawt leha ka sawi leh duh chu, Demand No. 44-na, Trade & Commerce hi a ni. Hei hi Department pawimawh chho hle turah ka ngai a, a chhan chu, Border Trade-te kan neih chho tan ta a, Zokhawtharah te, Tlabung lamate tuna India Sorkar nena hmalak tum Look East Policy-te nen pawha kalkawp Kolodyne Multi Model Transport hmalak a lo ni chho a nih chuan Foreign thil zawng zawng kalkawng tur hi India hmarchhakah chuan kan nih chhoh ka ring a. Chumi atan chuan he Department hi thuamthat thain ka hria, an Recruitment Rules-te pawh thui tak Sorkarin ruahmanna a nei niin ka hria a, a lawmawm kati a.

Tuna Zokhawthar building, BRTF-in an sak hi Department-in an la tawh a, saw saw mumal taka a function thuai theihna tura Minister pawhin a enpui thain ka hria a. Chutihruah chuan Tlabung lam pawh khu, tunhma British hunlaia sumdawna hmun tangkai leh pawimawhna hmun a ni a, hei pawh hi mumal taka a function theihna tura Sorkarin tan a lak thain ka hria a, kan Minister-in lo enzui se tha hlein ka hria a ni. A hmunte pawh a rem a, kan Sawhthingte leh kan thlai thar hralh nan pawh a thain ka hria a, phaiyah thlai hote, samtawh hi a awm thei miah lova, chungte ka ngaihtuah chuan khulampanga kan thil hralh, kan thlai hralh theihna hmun tur niin ka hria a. Chutianga hma la theitu Department chu a nih avangin Sorkarin chak taka hma a lak thain ka hria a, hengte avang hian heng kan Demand-te hi lungruah taka pass tlang turin ka rawn support a ni. Ka lawm e.

**PU C. LALRINSANGA  
DEPUTY SPEAKER**

: Tunge chhonzawm ve leh ang ? Aw, Pu Lalduhoma sawm ve leh ang. A ni hi Group Leader a nihna angin hun pawh kan pe hlek turah ngai ila.

**PU LALDUHOMA**

: Pu Deputy Speaker, Home Department-ah hian ka'n tan ang a. IR Battalion chungchangah hian sawi dan chi hnih a awm a, keini ang chuan a dik zawk pawh kan hre thei lova, nakinah kan Home Minister zahawm takin min hrilhfiah se ka duh a. Pakhatah chuan, kan Sorkar hian thil a ti thei a, Central-ah an tlatlum a, hna lak tur a van em em lai pawn heng Battalion-te hi an zuk sawichhuak a ni tih a ni a. Chuti a nih chuan, kan Sorkarin IR Battalion a zuk dil thinna lehkhah leh an rawn chhanna copy min pe ve thei se ka duh a. Sawidan dang lehah chuan, IR Battalion hi a din tirha a senso chauh hi Central-in an rawn tum tur a ni a, a hnu zelah State Sorkarin a maintain chhoh tur a ni a. Deployment chungchangah hmun hrang hrangah deploy theih an ni bawk si a, State dang hi chuan an duh ve lo khawp mai a, a hnar theih chuan an hnar a, a tlin chuan anmahni Police an recruit mai a ni, IR ni lovin. Kan Sorkar pawh hi hman kum deuh atang khan an rawn zawrh tawh a, in din loh chuan Law & Order-ah man power pawh lo mamawh belh ta ula harsatna in nei ang, kan tanpui thei lo ang che u, ti ang deuhthawin vau ti tihin kan Sorkar hi an rawn vau a. Chuvang chuan, an tang ngam lova, an la ta mai a ni tih a awm bawk a. Chungte pawh chu a document kha nakinah MLA zawng zawngte hi min pe se ka duh a, thudik hriat ka duh a ni. Nakin hnu lawka keimahni sensoa enkawl tur a ni dawn tih hre reng leh kan phurrit min siam saktu tur a ni tih hre reng chung tuna politic-a insawhngheh an duh avanga vawiina anmahni hmakhua chauh ngaia hun lokal zel tur atana phurrit tur an ti duh a nih ngat phei chuan thil paw tak a nih ka ring a. Chutiang chu a dik a nih chuan IR ni lovin Zoram Police pangngai hi kan tihpun mai a tha kati zawk hle dawn a ni.

Tin, IR lak hmasak khan convict tawh hnu pakua lak an ni a, medically unfit 11 lak an ni a, 66 an bang tawh bawk a, heti khawpa kan fimkhur lo hi a paw kati a. Diktak chuanin eng Run emaw list-a an tel avang leh tute emaw fa an nih avang ringawt maia han en reng reng pawha addict an ni tih hriat ngawih ngawih, kut leh ke vung ber bur chung a kal an awmte hi a paw takzet zet a ni. Force pawimawh kan hnam tan ro kan siam dawn a ni. Training an han lut a, an tlin leh si lova, an tlanbo zel zul a, an aiawh hnawhkhah leh a ngai si a, chuvangin tuna kan lak leh turah pawh hian kan Sorkar hi fimkhur hle turin ka'n chah ve duh a.

Tin, Pu Deputy Speaker, kan DGP-te leh a chhang dawltute, Mizo tlangval kan nei chho ve ta zel hi lawmawm kati a, tuna kan DGP phei hi chu ka batch pui, ka lo training pui a nih avangin mimal tak pawhin lawmawm ka ti zual a. Chutihlai chuan, helai hmuna kan zawhna chhang ngam lo

leh chhang thei lo, House Leader kan nei thinte, chutiang Home Minister kan nei thinte erawh hi chu a mualpho thlak a, Police Department hi a tizahawm lo zo vek a ni. Session hmasaa No-Confidence kan move tum pawh khan a ding ngam awmchhun leh ding lo thei lo, House Leader khan a buk thelh pawh ni lovin a mual thelhin a thelh a nih kha. Tukin zingah pawh Rev. Chanchinmawia chungchang kan sawi khan kan zawhna chanve chanve pawh chhanin kan awm lo, he case hi a hawng thar leh duh an awm a nih chuan court-ah kal mai rawh se, tih kha kan inkawhmuh a, thudik chanvein Zoram mipui hi hruai an tum niin a lang a ni. Police case reng reng, FIR reng reng hi 10-in an investigate a, case siamna tlak a nih loh chuan an final report thin a ni. Case a tlin chuan an charge sheet thin a ni. Hemi chungchangah hian case a tling lo tiin a final report a, charge sheet emaw final report emaw hi Superior Officer-te remtihna lo chuan I.O. in a thehlut ngai lo, final report a nih chuan a tawp a ni, chhuizui tur a awm tawh lo, court chuan a dawng ve mai mai a ni, court chuan tih tur a nei tawh lo. "A duh chu court-ah kal mai rawh se," tih tur a ni lo. Final report-te hi S.P. level-ah pawh a duh chuan a pelet leh thei a, ka pawm lo a ti thei a, I.O. a thlak thei a, a investigate nawn tir thei bawk.

Vawiinah hian kan Sorkar hian he case hi a duh takzet a nih chuan a re-open thei a, CBI kutah pawh a hlan thei chiang bal a, an kuta thuneihna awm lai neilo niawm fahrana, "in duh chuan court-ah kal mai rawh u, kan dal lo che u," in tih hi, thudik chanvea Zoram mipui hruai tumna a ni. He House atang hian kan hruaituten hetiang hi ching suh se, a mawi pawh a mawi lo a ni.

Dik tak chuanin House chhungah inchhang ngam si lo hian eng Run atangin emaw anih loh leh Police Officer te emaw an hreh chung chung he House chhunga kan thil chaite thla 2/3 hnuah an chhan tir leh fo mai. Hengte hi he House tih zahawm lohna a ni a. Tin, sawitur an nei a, an chungchangah te hian evidence thar kan sawi dawn tak tak anih chuan keipawhin sawitur ka nei. Investigation latute ngei hian a thianpa a thih hma zana a kawm, 'Naktukah nilengin kan inkawm dawn nia' a tih ngei hnenah khan kalin nu pakhat statement an lo record tawhsa chu chhiar phawt la, he nu ang hian sawi ve ta che, tiin engatinge I.O te hian an thlem? 'A kaihsa-ah te hian hliam a awm lo' ti ve mai rawh, engatinge an tih? Engatinge chupa statement chu a lan ve tak miah loh. Chutiang chi reng reng chu? Heng atangte hianin kan ngaih hi a tha thei lo reng reng a, re-open leh tlak a ni tih hi a chiang ngawih ngawih a. Chuvang chuan kha kha ka'n demand nawn leh a.

Hman kumah, kum 2000-ah, November ni 10 ah W. Phailengah nuthlawi pakhat Sangkhumi 9mm Pistol-a kahlum a ni a, tukinah ka zawt a, min chhang ngam lo. Hman deuhah kan Leader pakhat Pu S. Lianzuala chu arte thihin a thi a, engtingge a kal zel kan hre lo. Chutiang mai mai chuanin Suangpuilawn chungchang pawh kha helaiyah vawitam kan sawi a. Min chhang thei miah lo leh min chhang tha duh lo Minister kan nei a, a tawpah RTI hmangin a lo chhuah meuh chuan Lemchan a ni tih khawvel hian a hria a, action lak a awm chuang lo. Khatiing miten Police hi an enkawl chhung chuan Police tha hi kan nei ngai lovang. An moral hi a chhe vek d awn, kan Police te hi an chhia ani hleinem, a hranpa in. Tunhnaiah tukina ka sawi bawk kha ka sawi nawn leh duh, he order thar lo chhuak hi Police Department atanga miten information an dila pek thiango list paruk a lo chhuak ta a. Hetah hian pahnihna chiah hi chu awm ka tihpui, a dang zawng zawng hi chu awm ka ti thei lo. He Sorkar hnuaiyah hian kan Police te thiltih pakhatmah public ina an hriat ve a thiang dawn tawh lo anih si chuan chutiang Department hman tur Demand pass hi ka chak lo a ni. Ka thiltih hreh zawng tak a ni. Chuvangin, thil awmdan hi thalo ka ti a. Nausen an him lova, pitar an him lova, Pastor a quarter ngeiah a him lo a, Biak-inah a him tawh bawk lova. Inthlan hunah chuan zalen takin in campaign thei lovang tih a va hlauhawm ve tih hi a ri sup sup a, chuti chungah State ralmuang ber tih fo hi inhmuhsitna a ni. Kan ralmuang lo chiang khawp mai. Chuvangin, helai chungchangah hian ngun lehzuala kan zavaia kan ngaihtuahna kan hman a tha a ni.

Tin, Governor Speech-ah khan Police Departmenta motor leina tur nuai 479 a awm thu min hrilh a, engatinge tunah hian kan Police ten thingtlangah misual an han man a, Sumo-ah te, Bus-ah te chuanpui a la ngaih cheu? Passenger dangte tan pawh a hrehawm a ni. Security atan pawh a thalo a ni. Ti zat zat pawisa te hi kan lo nei a, kan lo hmang tawh anih si chuan kan Police te i thuam tha deuh teh ang u, kawngkam ami phar ding chawp a, an mi mante an rawn hruai mai mai hi zawng, a tlawm thlak lutukin a standard tawh lo lutuk a ni.



Tin, Life Insurance hi kan sawi fo mai. A duh chuan an nunna chu insure rawh se, an thu a ni. Tihluhna-a kan Police zawng zawngte kan insure tir hi thil dik niin ka hre thei lo, diktak chuan Insurance Company chu an lawm ngawt ang. Khawvelah hian Insurance Company chu an hlawk vek. Hlauhthawn angin accident-in emaw mihring kan thi kher lo. Natural Death-a thi kan tam ber zel. Khangho sum zawng zawng kha sumdawn nan an hmang thei thin. Chuvangin, kha Insurance Company duhdan khan kan sorkar hian tihluhna in Police zawng zawng an insure tir ta a, Company tan sum an siamsak teuh niin ka hria a. A duh chuan insure rawh se, tihluhna hi engahnge an hman kher tih hi ka zawt duh bawka.

Tin, Trade and Commerce nena inhnambhawih-ah engatinge tuna thlai thar hralh chhuah khapna-ah hian Police te hi an phut ve sek? Tunge thu pe? A order copy ka duh. Hei ni 23 February-ah khan Vairengte-a EIRI hnena loh theihloha tlawmte-a sawththing pek ai chuan direct-a pehhela Rs. 11/- a hralh an duh avangin Bairabi lamah hel an tum a. Chu chu kan sorkar hian a dang ping tlat si a. Chumi avang chuan Bairabi lamah an hel a, Police ten an um a, an um nu hi Lalhlupuii a ni. An unload tir vek a, min man anih chuan lehkha min pe rawh u a ti a, an pe ngam lova. Vairengte lamah an phurh let tir leh a, an thawn haw leh a. Serkhan lam atanga hawin Vairengte helin an tlan chur chur a, a hlawk zawk. Trade and Commerce Minister hian a aia sang lei duh ngeiin an dil pawhin a phal lova, tun amite rate ang hian lei ve rawh tiin an lo negotiate zel a, keini party pawhin kan dil a, min pe phal chuang lova. Serkhan atangin an pehhel a, chumi dang tur chuan check gate an siam a, Serkhan VC ten duh lovin an thiat sak a, kan Minister zahawmtak Pu Lalzama ngei hi a zuk kal niin 'A man sang zawka hralh theih na na na chu chhuah rawh u' a ti a. Trip 13 a chhuah sak a, ka fak khawp mai. March ni 7 ni khan Pu C. Rokhuma, hmarcha zuar, Vairengte Police in an lo man leh bawka. O.C ka zuk phone in ka ngen a, an chhuah kha. Tiang hrim hrim maia kan inenkawl chuan hetiang hnuaiah chuan Japan ho pawh, German ho pawh enkawl ila an thlai thar hetiang kan sawisak chuan an BPL ve thovang. Chulo chu hmabak an neilo reng reng tih hi ka chiang em em a, sawitur a tam a, kan sawi thui hman si lova. Hengte hi, ni e, Pu Deputy Speaker, ka lawm e.

**DEPUTY SPEAKER**

: Awle, alawmawm e. Le, tunge han chhonzawm ve leh ang? Aw, kan phar tha duh dawn lo emaw kan ti mai dawn a sin. Pu R. Khawpuithanga.

**PU R. KHAWPUITHANGA**

: Pu Deputy Speaker, ka lawm e. Ka han sawi hmasak ber duh chu Demand No. 16-na Home chungchang thu hi a ni a. Hei, kan ram hi kan hria a, kan awmna kan hria a.

International Border khawthlang lamah te kan nei a, khawchhak lamah kan nei baw k a. Tin, kan ram chhungah ngei pawh hian State dang hel khawi teuh te nen India ram chhungah hian kan awm ho a ni a. Chuvangin, Internal Security, ram chhung himna mai bakah pawh hian, pawnlam atanga min beitunge laka kan himna tur atan hian kan sorkar hi kan inbuatsaih a ngai a. India ram pumpui tan pawh a ni a. Kan awmna lai hi strategic point tak a ni a. Chuvangin, indopui nikhua atan pawh hian keimahni ramchhung invenhimna atan hian himna tha tawk hi kan neih a ngai ve hrim hrim a. Christianna lamah Pathian khawngaihna azarah Kohhran tha tak kan nei a, chung chuan kan inihlamuan a, amaherawhchu keimahnina kan tih ve theih tawk, kan invenhimna lam atan erawh hi chuan uluk taka kan kal hi a ngai reng a, chuvangin, chung chu hria-a kan sorkarina Battalion thar, Arms Battalion pahnih tunhnai maiah a han siam leh ta te hi a ropui ka ti a, thiltih namen lo a ni, hengte hi.

Tin, chubakah chuan a thuanma lamah pawh hian Police Battalion awmsa tepawh hi thuan tha tak takin tunlai sophisticated weapon deuh vekin an thuan tawh a ni a. Tin, inbiakhlana leh thildang dangah tepawh hian hmanrua kan nei tha ve em em tawh niin a hriat a. Heng zawng zawngah hian a enkawltu sorkar leh a Minister ten hetiang pawimawhna hi hre pha in, Mizoram dinhmun hria in, hengte hi kan ram chhungah an rawn siam ta a ni a, a lawmawm ka ti a, ropui ka ti a ni.

Tin, Governor Speech-ah tepawh kan hria a, thildangah tepawh report dang atangte pawhin Dan leh thupek kenkawhna chungchang thuah pawh harsatna lutuk awm lovin kan kal zel thei a ni tih te hi report kan han hriat a ni a. Tin, keimahni chang nilovin, Dan leh thupek chungchang thuah hei India ram State hrang hrang India Today ina a rawn en thinna-ah pawh hian Mizoram hi a sang ber pawlah kan awm kumtin a ni. Chuvangin, a pakhatna kan nih loh pawhin, pathum, palina ai hian kan hniam ngailo a ni. Chu chu anih avangin Dan leh thupek kenkawhna hi a bawrhbang zawngin sawi tum thin mah ila, hei hi pawnlam atanga mitena min rawn hmuh dan a ni a. Heng hi engvangnge kan tih chuan, sorkar ina sorkarna a enkawlna hi a that vang tepawh kan ti thei ang a.

Tin, chubakah chuan ramchhung mitena kan zir ve vang tepawh a ni thei baw k ang a. Tin, kan sorkar emaw, kan hruaitu tepawh in NGO te an thawhpui thiam vang, kan Police Department hemi kengkawhtu ngei tepawhin an thiam vang tepawh hi a ni thei ang a. Chutiang lo karah chuan hetiang hi awm har tak tur a ni. Chuvangin, Law and Order chungchang thuah Internal Security te pawnlam atangin min beihna lakah kan him theihna tur te hi a pawimawh em em a ni. Chuvangin, kan hria a, chumai ni lovin, Home lamah a ni a, Politics tepawh a kai tel ang a. Kan House Leader min hruaina avang tepawh, kan Chief Minister zahawmtak min hruaina avang tepawh a ni thei ang a. Tin, kan Minister ina a kaihruai thiam vang pawh a ni thei ang a. Heng thilte hi thil hrang hrang inbelkhawm atanga ramchhung himna hi lo awm thin a ni a. Chutiang ang karah kan awm avangin Mizoram chhungah hian Hel pawl chi hrang hrang pawh hi tihreh a lo ni tawh a.

Hein, MAIDA tih tepawh hi kan hre ngai tawh lo a ni a, thiante hovin min lo ngaithiam ula. Hei, MAIDA tih te, HRA tih te, BNLD tih te, BLFM tih te, ZFF tih te, HPCD tih te, henge hi tunhma chuan an lar em em a ni. Tunah chuan Chanchinbu-ah pawh kan chhiar ngai tawh hleinem. Kan hre theuh a lawm. Chu chu anih avangin Hel pawl te hi engatinge an lo reh tak mai, a chhan chu Development a kai rual a, rorelna a tha a. Chuvangin, sawi hnawn tum thin teh mah ila, Good Governance a awm tihna a ni mai a ni. Rorelna a that loh chuan heng hi a awm thei lo reng reng a ni. Chuvangin, kei pawh hei BNLF an lo kir tum khan kan Home Minister zuiin khawthlangah anmahni lo lawmna-ah te, receive na-ah te kan zuk tel ve a, Tin HRF tepawh hi an lo haw tum, kum 2000 tum tepawh khan keipawh ka tel ve a, an Arms te nen an rawn dah rap rap a. Chungah tepawh chuan an tawngkam tak ka'n sawi ve ang e 'Pu Zoramthanga te, Pu Tawnluia te min hruaina hi kan ring tawk a. Chuvangin, ramhnuaia awm reng hi tul kan ti lova, kan lo chhuak a ni' an ti ngat a ni. An AK rifle te nen an lo chhuak a ni a, chu chu ani a, a piahlam chu ka la hre lova.

Engpawhnise, heng pawl chi hrang hrang, hel pawl chi hrang hrang..... Hel pawl engemaw zat lo awm tepawh hi waviinah hian an hming a lo dai ta te leh an lo in surrender te hi a ropui em em a ni. Hei, Tuikuk hel kan tih ang tepawh hi harsatna an siam thin a, mahse tunah chuan khawngge an awm ang? Khawi District-ah nge? Chhak lamah nge thlang lamah nge kan semdarh ang? tih anih tawh daih hi. Sawi dan hi a indang tawh lo leh mai a nia, tunhma nen chuan. Chuvang chuan, engvangnge kan tih chuan hengte hi kan Police te thawhrah, kan Home Department tena hengte hi a thawhrah a ni tih hi tunge hnial thei? chu chu anih avangin sawi thin mah ila, heng hi chu a chiang em em mai ani. Kan ram chungah hian. Chutiang min venghimtu kan nei te, Minister hruaitu kan han nei te hi ropui ka ti em em a.

Tin, chubakah chuan investigation chungchang thua tepawh hian engemaw laiahte chuan duhthawhna lai chu a awm ang. Kimlo lai deuh tepawh nia kan han hriat kan han sawi tepawh kha a awm ve ngei ang. Crime a lo tlakhniam thua te, mahse investigation chungchangh tepawh hian India ram State dangte nena khaikhin chuan Mizoram chu khitah kan awm tho tho a.

Chuvangin, investigation-ah hian kan sang em em a ni. Arms seizure chungchang thua, ralthuam hman thua tepawh, mahse khalam kan sawi zel dawn chuan a dang kan kal hman dawn silova. Amaherawhchu, sawi duh ka han neih ve chu Fire Station hi hmar lamah leh chhim lamah te hian awm sela tih a ni a. Chuvangin Pu Speaker, hemi Fire Sub-Station hi Kulikawn-ah a awmna tur remchang deuh mai a awm a. Chuvangin, hei hi chu puitlin ngei ni thei sela, kan hotuten an remtih chuan an dah thei ngei ngei ang tih ka ring tlat a ni.

Tin, Police Sub-Station Kulikawn ami pawh hi kan thuan tha tawk lo emaw ni aw, ka ti a. Chuvangin, an bialte hi a zausi a, an han hle mai a, an thawk tha bawk a. Chuvangin, lirthei lamah te leh thildangah tepawh hianin tha zawkin rawn thuan thei sela kan duh em em a. Chu chu ka sawilang duh a ni.

Tin, Demand No. 25 -na Public Health Engineering Department hi han sawi ka duh bawk a. Hetah hian ka hma-a mite khan an sawi tawh a, sorkar hmasa tepawhin an thawk tha tho alawm, hengah hi chuan, tunhma te pawhin. Tui lakna tha tawk tak te kan hmu thin a ni. Amaherawhchu, kum 10 hmalam erawh kha chuan an la thawk zim a ni. Mahse, kum 10 a lo kal ta a, tunah erawh chuan thingtlang khua zawng zawng deuhthaw-ah hianin khawtin mai hian tui an hmu tha deuh vek tawh a. Nichina Khawbung bialtu zahawmtak sawi ang khan zankhua khua maia tuikhawhna hmun te a awm a, a khawh to to mai a ni a. Tin, khilai Tlungvel-ah mai pawh khian khatiang kha a ni a, hmuntin maiah hian. Tin, chubakah chuan tui lak hawn mai tur kan PHE Minister zahawmtak khan hemi Session zawh maiah pawh hmun 2/3 te kha a sawi bawk a. Chuvang chuan, an hmalakna hi a tha hle a ni. Amaherawhchu, a tawi zawnga sawi a ngai tlat mai a, a pawh hle a.

Tichuan, ka sawi duh chu Mission vengah hian tui hmu tha lo deuh an awm a niang, chungte chu an hming tepawh han tihrik ve ka duh deuh a. Pu Lalfakzuala (L) te, Pu B. T. Sanga (L) te in bawr vel, Pu Thangkhuma te bawr vel saw tihrik sak an tul ve tlat a ni. Hei, lehkha te kan hmu ve a ni. Tin, chubakah chuan Kulikawn Dam Veng City road-ah khuan an pipe sem chhuahna kha a te lutuk a, hmanna khilala Tlangnuam veng sawlai Block Veng bul ka sawi ang deuh hlek khan a distribution -ah hian a pipe kha engemaw tia tlema thlak anih kha chuan Phase-II hi an tawm ve dawn a ni tih te kan hria a ni. Chuvang chuan tui chungchang thuah pawh hian kan hmalakna hi a ropui em em a ni.

Tin, Urban lamah pawh hian (**SPEAKER** : A thui lutuk dawn e, tawk mai se, i duhtawk mai ang) Urban hi a ropui hle a, chuvangin Pu Speaker, sawi leh a chakawm hle a, mahse hunin a daih tawh lova, reilote chhunga an thawh nasat zia hi sawi ka duh a, ka sawi lo mai ang. Hei hi kan zavaia lungual taka kan pass ka duh a, ka han insawm a ni e, ka lawm e.

**PU LALHMINGTHANGA**

:

Pu Speaker, Demand No 46-na atang hian ka'n sawi ang a, a let zawng hian ka tan ang a, Urban Development & Poverty Alleviation ah hian hei sum pawh a thahnem hle a. Ka'n sawi duh chu kan

Minister i/c khanin Municipality Sanitation chungchang thute leh Procedure leh Election thute a rawn pulut a, a rawn laid a, hetah hian Lunglei leh Aizawl in kan nghahhlelh ber mai hi chu Municipal Corporation leh Municipal Board, a tul dan anga helai khawpui pahniha dah thuai a ni a. Hei a dan kan han pass hnuah khan beisei takin mipui leh body hrang hrang ti mai ila, hian an thlir a, mahse, rin ai hian kan Sorkar hi a kal muang tlat mai hi a pawl em em a. Lunglei khawpuiah pheisaw chuan "Chhimbial Chhantu" Pawl te an in sam a, tunah pawh khan kan Chief Minister zahawm tak mai ina Address hmangin ngenna an siam a, MLA zawng zawng leh Minister zawng zawng pawh hemi implement thuai thuai tur khan an rawn thehluat a. Tuna kan Budget Provision kan han en hian hemi implement thuaina tur kawng hi a inhawng zim hle hian a hriat a. Chuvang chuan tah hian ngenna ka han siam duh chu Aizawl khawpui leh Lunglei khawpui hi thliar hrang chuang lovin, hei District 8 kan nei a, nakinah chuan la neih vek tur pawh a ni ang a, Municipality kha chu. Amaherawhchu, thawk leh khatah a tih phut theih lova, kha kha chu kan hre tlang vek a. Mahse, a historical background hrim hrimah pawh Aizawl leh Lunglei hi kum upat dan inang renga khawpui lo ni kumkhua kha an ni a. Aizawl chu State Capital a ran a ni a, amaherawhchu, hetirual hian Lunglei mipui feeling hrim hrimah chuan Sorkarin a hriat ve reng a, a ngaih pawimawh tlat hi phutna a awm ve a. Tichuan kan Sorkar hian a ruala hei hi Aizawl leh Lunglei a ti thei tur a hma an lak hi a tulin ka hria a, kha kha ka han sawi duh a ni.

Tin, a dang lehah chuan Demand No.46 na atang vek hian Aizawl khawpui chungah chuan tuihawk luankawrte hi tha tak takin PHE leh Sanitation lam atangte leh a theihna lam apiang atangin mumal taka buatsaih a ni tan tawh a. Lungleiah sawn heti kawng zawnga hmalakna hi a la awm lo em em mai a, tunah mipui an pung ve tawlh tawlh a, nakinah chuan tuihawk luankawr han siam te pawh saw thil harsa a la ni mai dawn a, ram neitute nena innegotiate te a la ngai ang a, tuna mi an la thawl lai deuh sawn hei hi a bul tan chhoh theih nisela a tha em emin a rinawm a. Tih tur pawh Aizawl nena han khaikhin chuan a la tam lova, Lunglei khawpui kalhmang pheisaw chu siam a rem em em a, tlang dungah a in zam a, chhuahlam leh tlak lamah sawn khuavang ri kham sa tha tak tak a awm a, sawnggho saw Sanitation lam atang te, tin, Urban Development and Sanitation lam atang te hian mumal taka plan siama tih thuai thuai nisela tichuan Lunglei khawpui sawn khawpui vawnfai kawngah te tin, hriselna lamahte nasa takin hma a sawn dawn a, furah tui a lo lenin kawr kama chenna in neite tan him lo tam tak a awm tawh a, hei hi rawn hma tel chho sela tih kha kan sawi duh a ni.

Tin, a dawt lehah chuan Demand No.44 na Trade and Commerece ah hian luh leh ka duh a. Helaiyah hian ka sawi zing viau tawh a, mahse, kan sorkar hian theihtawp a chhuah lo deuh a hriatna lai kan nei a. Kan Chief Minister hian atir lamah khan Term hmasaah te pawh phur takin hma an

la a. Bangladeshah te pawh zinin an Prime Minister hote pawh biain Tlabung kal tlanga Border Trade a awm theihna tur kha hma a la deuh viau a. Sorkarah pawh mipui an phur viau a ni. Mizoramin sumdawna a neih hmasak ber a chu Tlabung-Luipui Karnaphuli dungah sawn hmanlai Vailen hma atang tawha indawr pawhna tuikawng tha tak a awm a. Sawlai saw kawng engkima Zoram lo khalhchhuak thin tu leh insumdawn tawna kawng tha ber a ni thin a. Mahse. India Independence hnuah Pakistan a lo piang ta a. Sawlai kawng saw a lo ping chho ta a. Mahse, tunah hian Pakistan thina kha Bangladesh a lo ni a. Bengal lama an in sumdawn tawnnate, Meghalaya lamte, Tripura lama an insumdawn tawnnate heng State kaltlanga tih hi chu a kal tha em em reng a ni. An sawidan phei chuan Bengal ah chuan an Trading Point SPI awm khu thla 6 bak an awmtir phallo an ti thin a. A chhan chu insumdawna a hlawk a, Bengal Sorkar pawhin an enkawl uluk a ni an ti a. Keini kan nih avangin Bangladesh leh India relationship a tha lova. Chuvang chuan, Tlabung Border Trade leh Foreign Trade kalhmang hi a kaltha thei lo tih eng maia hi chu kan pawm lo a ni. A tul angin state hian initiative lase, Central tih tur ngawt anga dah lovin. Tunah infrastructure han siam te pawh a muang lutuk a, hei hi vavikhat kan hawn tlang theih chuan Zoram pumin a chhawr dawn a. Kan thing leh mau leh thildangte hi tlawm takin lui dungah kan kaltir thei ang a. Sawhthing te leh mau leh hmarcha te, aieng te hengho reng reng te pawh hi man man takin a kaltlang ang a. Lunglei district chauh nilo Zoram pumin hlawkna kan lo hmuin, kuthnathawktute tan pawh hlawhtlinna a rawn inhawng dawn a ni. Helai hi kan ngai pawimawh em em a, theihtawp chhuah turin Sorkar kan ngen duh a.

Demand 16 na Home ah hian pakhatnaah chuan ka han sawi duh chu nichin maiah khan Ratu bialtu zahawm tak MLA khan a rawn sawi tawh a. IR Battalion hi tuna kan Ministry te rorelna hnuaiiah hianin a pung chho sawt em em a. Amaherawhchu, tunah hian thil hlauhawm deuh pakhat awm chho chu initial expenditure, a infrastructure hote hi chu Cental hian a rawn tum mai a, amaerawhchu, a piah lamah hi chuan hun a lo kal ang a, maintenance leh enkawl zui zelna hi State ina kan mawhphurhna a ni dawn a, employment kan neih theihna a ni a, alawmawm anga a lan rual hian nakinah chuanin State tan hian sum leh pai leh thildangah pawh phurrit tak a tling chho mai dawn a ni. Chuvang chuan keini kan Legislature Party leh kan Party lam atanga kan lo thlir danah chuan IR lama kan kal hi chu tihtawp tawh nise, tuna kan neih chin a hi tawh thawkhat a. Amaerawhchu, State dang tena an tih ang hian expenditure leh maintenance kal chho zelah Home Ministry in emaw, Defence Ministryin emaw an mawh ni kumkhua tur Mizo regiment emaw tin, Mizo Regiment mai piah lamah Mizo Rifles emaw hi tlangval ten khatah khan employment hna an hmu tho ang a. Amaerawhchu, Defence Ministry hnuaiiah a ni dawn ta a, kha kha chu a sum leh paiah leh tunhnu zelah kalkawngah Central Sorkar Defence Ministry mawhphurh vek a ni ang a. Chu chu kan tan chuan a tha leh zual dawn ani.

Tin, a Rifles zawngah kan kal chuan Home Ministry mawhphurhna a ni ang a. Tahchuan pension fund leh thildang zawng zawng thleng pawhin khalaiah khan kan Revenue tlem tham tak mai leh rethei tak

rawn sawk heklo hian kan nula tlangval te tana Employment siam tho si hian a kal theihin kan hria a. Hetizawng hian kan Sorkar hian hma a la la lovin, a kawnga hi a la zawng lo hrim hrim niten kan hria. Chuvang chuan kan han ngen duhna leh tul kan tih a chu kan Sorkar hian tizawng hian kawng zawng tan tawh sela tichuan, Mizo Regiment leh kan Mizo Rifel te hi a Battaliona dan chhoin IR lamah hi chuan kal tawk lovin thiltih nise, tih kan duh a, kan han sawilang duh a ni.

Tin, a tawp bera kan sawi duh chu, Khawzawl bialtu zahawm takin kan Pastor duhawm tak Rev., Chanchinmawia boral chungchang thua a zawhna kha kan hriat ang khan kan Home Minister ina min chhandan kha a direct lo e, em mai a. Thil awm tawh sa Information Act hmanga lak chhuah tawh te leh mipui beng a ri tawh hriat bel tawh khan min chhang a ni mai a. He kan rama thil lo thleng, a hnam pumpui tan pawha zahthlak tak Christian ramah lehngal, hmingchhiat thlak tak ni tel bawh hi a nihna zawn chhuah ngeia thil awmdan hi chiang zawka bih hi Zoram mipuite duhdan leh keini heti lam atanga tukin zingah pawh Supplementary Question siam tute zawng zawng pawhin kan sawi a ni. Tichuan, sorkar chuan a duh chuan case re-open lehin independent body, investigation thar ti leh tur pawhin a ti thei a ni tih kha kan hria. Tin, a ngen pawh kan ngen a, mahse positive answer, khati zawng khan kan Minister zahawm tak khan min pe lo tlat mai kha pawh kan ti a. Hei hi min chhang theilo hlen zel anih chuan a Demand tepawh hi kan pass thei dawn em ni le tiin thinlung a kal a, a rawn wind up chhohna-ah te hian khanglai kha min rawn chhang tel se tih kan duh takzet a. Chu chu Pu Speaker, ngenna angin ka'n sawi leh a ni. Hei hi a ruling tana thil zahthlak pawh a ni hauh lova, hetiang kan Spiritual Minister te meuh thih dan pangngai lova an lo boral tak si-ah kha chuan a sorkar tan pawh independent body, investigate tir leh result han hriat kha chu thil tha tak, Zoram pumpui tan pawh thil thatak a ni dawn a, mipui thinlung pawh tikhan a ralmuang dawn a ni. Chuvangin, a case re-open leh a, independent body, CBI investigation tih tir tura hma la turin ka han ngen nawn leh duh a ni e, ka lawm e.

**PU LALTHLEGLIANA**

: Pu Speaker, ka lawm e. Demand No. 25-na Water Supply Sanitation Department PHE-ah hian han lut ila. Hei, PHE in hma a lakna hi a ropui hle in ka hria a. Thingtlang khaw

kil berah pawh tui in tur hnianghnar kan nei tan ta a. Khawpui lian deuhah phei chuan a pump chhuak a ni. Hei, ka bial Mamit te tui harsatna em em kha tunah chuan hnianghnar takin tui pump chhuah a ni ta a ni. Hetihlai hian ka'n sawi duh lawk chu helam khawthlang Kanghmun, Reiek tlangdung zawng zawngina an chhawr theih tur tui hi Reiek -ah min pump chhoh sak sela, Reiek tlangdung atang chuan Darlung tlangdung atangin Hmunpui tlang thlengin khaw 15 hi hneh takin chhuk zawngin

pump ngai tawh lovin Reiek atangin a pe thei a ni. Lungte pakhata sava 15/16 vawm ang a ni. Hei hi Session hmasa khan kan PHE Minister zahawmtakin min tiam tawh a Tunah hian engtianga hmalak tum nge anih tih min rawn chhang thei se ka duh hle a. Tin, hemi pump chhoh hi a harsa miah lova, Phase-II khawlin a tih thianghlim tawh khu chhuk zawngin luan thlak tirin, Tlawng luikam hmun hla deuh tak atang khuan Tuizem lian-ah dah a, pump chhoh mai tur a ni. Thil harsa lo, khami zozai khua kha a mihring chhut chuan Phase-I West - I population zahve vel lek hi an ni a.

Demand No. 16-na Home Department-ah hian lut leh ila. Kan Police te hi an rim em em a, khawsikpui vei ang an ni a. indona hmunah te kal reng thei an ni a. Chuti chung chuan hah em em in kan ram leh hnam tan hna an thawk a. Tunah hian an Rifle Allowance te hi British hunlai ami Rs. 4/- chauh kha a la ni a. Hengte hi a tihsan theih em? Ration Money, Ration allowances hi Rs. 350/- chauh a la ni a, heng tepawh hi tihpun sak ila, engkimah kan Police te hi kan sawi ber, an thawh that loh leh kan dem a, an thawh that leh kan lawm bawk a. Chutianga kan hmanraw pawimawh ber te hi kan duat a tha in ka ring a. Hei, crime detection chungchangah te eng engemaw kan sawi a, nasa takin engemaw hlek thleng sela, sorkar kan em thin a. Bible in khawvelah سوالنا a pung zel dawn ani tih a sawite hi a dik chho em em in ka hria a. Pu Speaker, i veilama thute an sorkar lai pawh khan hetiang thil thleng hi a tam hle a. Evan. Lalthlamuana, kan thu hriltu duhawm tak boral dan te, Missionary ropui tak Nula Rohmingliani pawngsuala rawngtaka khawih a ni te, thah anih tak te, khang angte kha engtinngge khatihlai khan chhui anih? Pu S. Lianzuala, khatianga anga phurh thlen tawp mai, a chanchin hriatzui tak loh tepawh kha a mak angreng hle a. Chutiang chuan thil a awm zeuh zeuh a. Tunah pawh hei, Zoram mipui ngaihdan te kan ti a, lehlamah chuan Rev. Chanchinmawia chungchang tepawh Synod in vui dan pangngaia a han vui takah leh khatianga kalpui anih takah chuan a chhuitu tan pawh khati lo zawnga chhuichhuah kha chu a chakawm loh khawp ang a. Mahse, an finding chu khatiang kha a lo ni miao si a, engpawhnise, zoram mipui ngaihdan tia kan sawi rual hian Synod khawmpui Venglai-a kawng zawh anih lai te khan mi 300 pawh tling mang lovin kawng an han zawhte kha mizo mipui rilru hi chu a ni vek lovang tih a hriat theih a ni. Engpawhnise, khang ang te a va che turin mi hmanrua va zawng chawp a, mi tuboh leh chemte nena tualthah va tum tlat mai tepawh kha thil mak tak chu anih hmel. Pawn lampang atanga lokal ni ta sela, engpawhnise, lehkhabu hrang hrangte chhiarin, uluk takin kan mithiamten an chhui a, an bei a. Chutah Court-ah an pe lut a, Pi Rohmingthangi te, Missionary ropui tak Pu S. Lianzuala, Pu Lalthlamuana te an chanchin hriat reng reng nilo, engtianga chhui nge tih pawh hriat awm lo te, thil tamtak a awm a ni, vawinah hian kan sawiseng lovang.

Chuvangin, heng ang thil te, tun inthlan dawn hnaia mi rilrua engemaw tuh tumna nasa taka kan han inbei thin te, a dik takin engemaw zawng taka Kohhran Upa te kan han dingchhuak a, kawng chhak hal tum ang maiin, kan dap mai dawn e, ti niawm takin kan mel sa urh mai a. House-ah kan



han sawi vak vak mai tepawh hi zoram mipui ngaihdan a ni ang em tihte pawh hi ngaihtuah tham a awm ve tho a ni. Engpawhnise, zoram mipui ten he House-a kan khawsak dan te, ram rorel zel tlak kan nih leh nih loh te zoram mipuiin an thlir a, zoram mipuiin an hmu vek a ni. Englai pawha pawnglut reng mai te chu ram roreltuh ah min an it vak pawh hi ka ring lem lo.

Hei, Trade and Commerce Demand No. 44-na ah han lut leh lawk ila. Thlathar hralh chungchangah tepawh hian tun hun hi a ni lawm ni Lalnu Estheri dinhmuna i din tih ang deuhin Cargo-a hralh zung zung theih, Australia-a a to ber chia hralh thei tepawh kan awm kha mawle. Hetiang hian kan han ti a, Mizoram leilung awm tirh ata hi a la awm ngai lo reng reng a. Sorkarin an control a, control lo ngat phei chu nisela Bagha motor 60 vel a dintlar hnuah hetiang rate chuan kan lei thei lo an ti leh a, kumtir atanga phurh haw an hreh a, tunhma sorkarah pawh kan hmuh tawh kha a tawihral mai mai te a tam em em anih kha. Control loh anih avangin, intlansiakna avangin a man to zawk tepawh lo awm a ni a, tunah phei chuan chhuah zalen vek a ni tawh a, a lei to tur tak tak kan hriatte hnenah khan kan hralh thei tawhah kan han ngaihte hnenah khan a hralh zung zung theih tawh turah kan ngai deuh va. Engpawhnise, lo chhinchhiah ula, nakinah hun alo kal zel ang a, Bagha kan han tlan lut tak tak ang a, chumi hnuah chuan khulai vai zia chu kan hria. A sawthing rate a tlahniam thut Rs. 5/6 lo chuan kan lei duhlo ti ta sela, Bagha atangin kan phur hawng leh dawn nge? Engtinng e kan tih dawn tih kha ngaihtuah tham tak a ni.

Tin, Demand No. 46-na Urban Development and Poverty Alleviation-ah hian ka sawifo angin tuna Aizawl khawpui hi tuna a changtu Minister zahawmtak hian uluk takin han thlir sela. Aizawl by-pass te kan ti, hmun hrang hrangah, Lawipu leh Tanhril inkar kawngte kan ti, khatiang khan ti mah ila a buaithlak lai tur chu Aizawl khawpui lai tak hi a ni. MLA pariat awm pawh hi Aizawl khawpuiah hian MLA pali dah awm tak a ni a, a chhan chu Minister te an ni hlauh zawk a, MLA fang tan chuan tihur hi a awm reng reng lo a ni. MLA dang a pian belh teuh dawn lehngal. A diktak chuan kawngpuia kalna turah chuan a kal vek tawh, step-a kalna turah a kal vek tawh a ni, tunah hian. Chu chu siambelh tur chuan tih ngaihna a awm tawh lo. Compensation a ngai sang lutuk. Chuvangin, kan Aizawl khawpui hi a chei tak tak theih dawn tawh lova, Commercial Centre-ah dah ve mai ang kan ti anih chuan a tha e, chumi anih loh chuan chei ngaihna a awm lo. Urban Development double pawh hi dah mah ila, Aizawl khawpui hi ropui tak hian kan rem tawh dawn lo, a bilh-ah a tho tawh lo a ni. Tunah hian kan sorkar pawh Pu Speake, I dinglam leh veilam ami pawh hian ngaihtuahna thar kan neih hi a ngai tak takin ka hria a, Pu Saprawnga kha ka zawt thin a, Town Plan hi in lo siam lo deuh hlek a ni, kalkawngte in ngaihtuah lova, tia ka zawh khan 'Khatihlai khan motor kha a la tlem em em a, 17 pawh ala awm lo ani a, heti zah zah Aizawl-ah motor alo luh kan ring lo a lawm' a ti a, a dik ve viau mai thei. Mahse, lehlamah chuan ngaihtuahna a thui vaklo tihna a ni.

Chutiang chuan thangthar ten khawpui ropui leh nuam zawkte an thlir tawh a, kan thangtharte an rual awt tawh a ni. Chuvangin, khawpui mawi leh khawpui tha kan neih ve theihna turin Israel rama MLA te zin kan in chuh sek ang te awm tawh lovin, mi MLA te, mi ramte kan ramah an lo zin ve theihna tur chuan khawpui thar leh mawi hi kan din a va tul tawh em. Hei hi kan ngaihtuahna-ah hian awm sela, kan sawifo tawh angin Lengpuih khawpui thar din turin Sihhmui phei atangin Buichali kam, lei rem atangin Hmunpui tlang Serzawl thlengin, Dialdawk lehlam thleng leh Lengte leh Nghalchawmah te ka la pel ve ngai lo a ni a, i sawi kha ka awih khawp a, Pu Speaker, chuvangin helai hmun hi kan ngaihtuahna-ah thleng sela, Sport Complex tepawh hi engahnge Assam Rifle chuti khati kan tih? Engahnge Lengpuih kan dah mai loh? A pan chhung a rei loh tehlul nen, tihte kha ka'n sawi duh a ni, Pu Speaker, ka lawm e.

**PU LALRINLIANA SAILO** : Pu Speaker, ka lawm e. Demand No. 16-naah ka'n kal ang a. Hei, tunlai khawvel inher danglam chhovah thihna rapthlak tak tak te, boruak danglam tak tak te a awm a. Hei hian kan thawktu te, Home lampang amite thumthar a ngai hle in ka hria a. Forensic Department hi tihlen a tha in ka ring a. Kan mamawh hle in ka hria a. Tin, expert te an lo tam chho a, an lo pung chho bawka a, a zirchhuak te. Chuvangin, hei hi a tul hle in ka hria a. Chutihrualin kan han sawi thin crime rate tlahniam tih hi hei, 'I thu in thiamin i awm a, i thu vekin thiamloh changin i awm ang' tih ang deuh hlek khan zawhna kan han en let hian, nikum lamah khan Two Wheeler ringawt pawh hi engzatnge bo? An han tih khan 23 a ni a, a hmasa lamah. Tunah 43 a ni leh a, 20 ngawtin a tam chho a. Mahse, crime rate chu a lo hniam daih bawka si tih lai te ka'n ngaihtuah chuan a mak ka ti a.

Tin, tunlala kan Police te hi an tha lo a ni lova, hmanlai pawhin an tha em em. Rohmingthangi, Missionary zahawmtak mai, a thih chungchangah pawh Police in rang mangkhengin, Chakma. Sehaohir an lo zu man nghal vat kha a ni a. Midang tepawh kha. Chutiang chuan tha takin an trace nghal zung zung a, tih te ka'n sawi duh a. Tin, Evangelist zahawmtak mai, Pu Lalthlamuana thih chungchangah te khan Vaitaikhaw an ti a, sawmi Tlabung-ah sawnin hlimtak maiin rawngbawlin an chhuk thla a, tahchuan Paheh Li an tihah khan vanduaithlak tak maiin a boral ta a ni a. Mahse, Pu Khumtira kha PWD ah EE anih laiin chu Paheh Li a suar chhia bawm lianpui mai lung li lianpui mai chu an chhu darh vek nghe nghe a. Tiang chuan khang thihna tepawh kha ka'n ngaihtuahin a Department ang te pawh hian an thawktu tha hle in ka hria tih ka sawi duh a.

Tin, Pu Speaker, ram hruaitu anga kan awmkhawm hian kan tih ngei ngei tura ka duh chu Police lakin Party hi ngaihsak lo ila ka duh tlat. Police leh zirtirtu lakin a thiam thiam lak nise a tha. An daih a ni. Tunah hian Police 400/500 lek la tur hian mahni Party theuh ami pawh hi a tha thlanin an daih tlat. Vawinah hei zawhna ka'n en hian engatinge Police zawm lo

engzatnge awm? Kan han tih hian nichinah kan ngaithla tawh a, 66 chuang an ni. Medically unfit, a dik lo reng reng, engatinge? Interview an neih lai khan Physical test an neih lai khan an ti lo em ni? Police Officer thatak mai pakhat chuan 'hetiang Police lak tura duty pawh hi hrehawm ka ti, thatak tak, zuang thui tak tak leh tlanchak tak tak, body tha taktak pawh lehkhathiam si lak an ni leh ngailo' a tih thawm ka hria a ni. A pawl khawp mai, hei hi chu helaiah kan vai hian tu sorkar pawh lo piang ta se, a chak tha, a fit tha hi kan lak ngam a ngaiin ka hria a, tun Ministry hian hei hi a uar zual lutuk a, Hnam Run zuankan ho tan chuan tihngaihna a awm lo reng reng a ni tih ka'n sawi duh a ni. Thil tam tak chu ka sawi lovang.

Tin, Trade & Commerce -ah ka'n lut leh ang a, tawite in, khumi Vairengte vela Silchar lama Gate siam fo mai hi awmze neia kan kalpui a ngaiin ka hria. Sawhthing rate that kumah kan chuh leh thauh bawk si a. A awmzia chu - Support Price pekna tura khulai Gate-a lo ei ve tumna a ni ringawt mai a ni. Kuthnathawktute hmangaihna thilnung a nilo reng reng. Hmanah sawi a awm thin a, Congress hunlaiiin Gate in siam an ti a, an siam chiah mai. Hemi kuthnathawktute an thlai tharchhuah, khulam ina an rawn vur thuah lutuk lohna tura venna zawk a ni a, kha thil kha. Mahse tunah hianin a nilo zawngin a kal ta a. Hei, nikum lamah kan han zawt a, support price-ah cheng vaibelchhe 203 leh sing 5 leh 424 ngawt mai kuthna thawktute hnena thleng tur kha lak sak niin alang a ni. Tahkhan, eng chin hi nge a sawhthing neitute hnen thleng hi chhut a ngai khawp mai. A thlenglo reng reng, a chanve pawh a thleng lo reng reng. Pu Speaker, chuang chuan, eng sorkar pawhin khulai gate khu kan rilru kan pek a ngai. Kuthnathawktute hian free takin anmahni duhthalin ti rawh se. Tin, tih tak takah chuan anmahni an inhai veng ve thei khawp mai, ka Chiang a ni. Chuvangin, tu Party President mah hian cheng 10/- in inkawtkai-ah kan lo la ang an tilo reng reng. Sialhawk-ah Pu Chalhranga inah kan Chief Minister zahawmtak hian 'Inkawt kaiah sawhthing Rs. 10/- in kan rawn la ang a, Bangladesh-in an lo lei chak bawk, nangnin hralh chak bawk, lawngin phurh chak bawk, chak leh chak chi 3 an intawk khawm dawn chu' a ti a ni. Chuvang chuan, engpawhnise, tah hian kan rilru hi thianghlim taka kan pek a ngai tih hi ka sawi duh mawlh mawlh a ni.

Tin, pakhat leha chuan Soil Department hi a hming nen pawhin a inmil tawh lo hrim hrim. Hei, an rep te tawlh tawlh niin ka hria a. Delhi, Central lamah chuan heng Rubber ang chi tepawh hi Trade & Commerce kuta awm a ni a. Mahse, tunah hian Soil Department in a la chhova, a potential a tha em em a, National Rubber Board pawhin an enna-ah khan Western Belt-ah khuan hectare 50,000 lai hi potential tha em emin an hmu a. Tin, a market a tha bawk a, economic sustainable kan ti a, kan intlansiak hlawm a ni a. Chuvang chuan, tun Budget -ah hian Soil Department hi a pung nep hle mai a, hei ai hian tha chho se, R.E-ah hian tichho ta se, hemi-a tha thar han thawh a, hetia anmahniin an tih ve mai nilo hian puih ngaiin ka hria a. Field tha an neih a, potential an tih dawn tak tak chuan suma puih a ngai a. Tunah chuan kan rep te tak meuhin ka hria a. Rubber hi Mizoram tan, Kuthna thawktute tan a tangkai em em si a, a pawimawhin a market a tha

a. Tin, inter cropping pawh a tih theih vek a, heng sawhthing, aieng, lakhuihthei leh balhla te nen pawh hian a tih theih vek a ni. Tin, Forest Development atan a tha em em bawk si a. Hei hi kan sorkar hian hemi-ah hian rilru han pe thui deuh hlek selang chuan kuthna thawktute leh harsate a chawikang ngeiin ka ring.

Tin, Urban Development-ah hian ka sawi thin a, 12<sup>th</sup> Finance Commission khan crore 10 hi a rawn dah a ni a, Panchayati atan crore 20, Municipalities atan crore 10 dah a ni a. Hei, kum 2008-2009 kan hmang a ni a, khawiah nge khangte kha an tih tak? Anih tur ang hian a ni em? a lapse thei em? tih nilo ta se a uihawm hle in ka hria a, crore 10 chu tlem lo deuh a nia, khang khan a nih tur ang ni ta se a tha in ka ring a.

Hei, 12<sup>th</sup> Finance Commission chungchang hi i tui min tih ang khan ka tui a ni lova, pawisa lokalna tur leh hmanna tur ruahman sa pawh hmang lova hetiang kan tih thuanawp tur hi a paw ka ti a. A nihna tur ang hian tih ni se chuan Aizawl khawpui hi hetiang mai hi a ni tawh lovang a, anih tur ang a lo ni chho ang a. Tin, Aizawl mai nilovin, Lunglei tepawh a kangkai vek dawn a ni. Chuvangin, sorkarin Central in pawisa hman dan tur Commission in ruahman fel tak an siam hi kan bawhzui lo deuh niin a lang a, a buk thelhin kan thelh deuh hlek ni tepawhin ka hria a. Hengte pawh hi Urban Development Department hian wind up na-ah min rawn chhang tel thei se ka duh ngawt mai. Cheng vaibelchhe 10 kha engtinngge kan hman? A nihna tur angin kan ti em? tih kha ka sawi tel duh bawk a ni.

**S P E A K E R** : Khawngaihin kan tibuai lawk ang che. Kan hun pangngai hi a tawp a ni mai a, minute khat tling tawh mang lo kha i nei a, engtinngge kan tih ang? Kan kal mawp mawp ang a, Dar 5:00 velah hian break kan nei ang nge? Pu Rina'n a sawi zawh hian kan han break leh rih ang? Engnge tha zawk ang? Minute khat i la nei a, sawi zawm leh rawh le.

**PU LALRINLIANA SAILO** : Minute 3 vel Pu Speaker min pe la ka duh a, Hemi Demand No. 13-na ah hian ATI hi ka duh aiin kan rilru-ah a lian lovin ka hria a. Hei, efficient Good Governance tur chuan training neih a ngai tam em em mai a ni. I zarah te, India ram hmun hrang hrangah vawi 10 dawn lai chu ka zin chhuak tawhin ka hria, kan MLA hnu hian hma pawh keimah rau rauah ka sawnin ka hria

a. Training kan neih tam hian sorkar nihphung emaw, sorkar dangte nena Co-ordination dang pawh hi a tha thei dawn a ni. Chubakah Urban Development nen khan sawi kawp ta ila, heng ang pipe te a hmun lovah a inphum a, Department dangin an rawn tichhe leh a, khatiang te te kha a awm a, chuvang chuan ATI atang hian engemaw chen chu a khaikhawm theihin ka ring a, chu chu a duan dan piei chu ka thiam a ni lova. Training hi Officer leh Officer lo tan tepawh hian a tam thei ang ber kan neih hian ram tan leh sorkar tan a tha in ka ring a ni, ka lawm e.

**S P E A K E R** : Awle, dar 4:00 a ni a, kan chawl rih ang a, chuan dar 4:30 PM ah kan thukhawm leh dawn nia.

**4:00 PM**

**S P E A K E R** : Aw, Pu Lal Thanhawla

**P U L A L T H A N H A W L A** : Pu Speaker, a hmasa berin nichina Mamit bialtu zahawmtakin a rawn sawi kha Pi Rohmingthangi kha a thattute kha a tuk nihnih khat velah khan man nghal an ni a, Chakma unaute an ni. Tin, Pu S. Lianzuala kha Vairengte-ah campaign laia khatianga vanduinaw tawka ta kha a ni a. Keini kha kan tla zui ta a, keini tan chuan tihngaihna a awm ta lova. Tin, Evangelist Pu Lalthlamuana kha an vanduinaw tawh dan kha tuitla an ni a, a ni kha an sawidan chuan a tirah khan tui a thiam ve vak loh avangin a in saseng ve thei talo niawma sawi a ni a. Kha kha mipuiin an hriat, thudik an hriat nan ka sawi hmasa duh a.

Hei, Soil & Water Conservation Department hi Pu Speaker, a te lam zawngin a kal a, vawiina khawvel dinhmun leh kan ram dinhmunah chuan Department pawimawh tak an ni a. Tihlen chhoh zel atan a tha a. Kha, Kawrthah bialtu zahawmtakin Tripura nena kan inramrina tuiina kan ram a ei nasatzia te, khatiang chiah khan Soil & Water Conservation-ah hian hma kan lak a, chak zawka kan kal hi a pawimawh takzet a ni tih kha ka sawi duh a. Tin, Water Conservation pawh hi kan lui te, kan tuikhur te a kam tial tial a, a chhan leh vang kan hre vek a, chuvangin Water Conservation chungchangah pawh hian tan kan lak deuh loh chuan tun atanga reilote-ah harsatna kan tawka ang tih a hlauhawm a ni. Chuvangin, Soil & Water Conservation hi, a Department hi vulh deuh zawka a, a tha zawka leh awmze nei deuh zawka kalpui ka rawn rawt duh a. Tin, khimi nena an in

kalpawhna chhakah khian Mat Valley Project kha khulaiah khuan ruahman a ni a, vaibelchhe 40 chuang man a ni a. A puitling hman ta lova. Tunah hian enge a dinhmun aw tih te ka hre duh a. Kha kha khuah anih chuan Irrigation atan chauh nilo, Power pawh kha one and half mega watt lai pechhuak thei turin kan mithiamte sawi kha a ni a. Chuvang chuan, chaktakin kan kalpui a, Project Report tepawh siam peih niin Central-ah kan nawrchhuak hman ta lova. Hei hi bawhzui tiak tak niin ka hria a, khutah Hnahthial zawn thlengin thui tak hman tlak tura siam theih a ni, chuvangin, hei hi enge a dinhmun ta tih te ka hre chak a.

Tin, Urban Development & Poverty Alleviation chungchangah hian tunah hian Urban Development Mission hnuaiiah hian sum a tam hle a ni. Heng hi khawpuia mi harsate in leh ram neilote ang te tan hian ruahmanna, anmahni pawhin Slum Area Development atan te leh khatiang hrang hrang tan khan an rawn siam sa a. Heng hi chakzawka kan kalpui theih nan leh a fund te hi kan lo neih theihna turin Pu Speaker, Municipality hi kan mamawh a, a dawn thleng tur a ni a. A dawnthleng pangngai lovah chuan an chhunglut tha duh lo ang tih a hlauhawm a, hemi chungchangah hian a Bill te engkim kan han pulut na in a taka kalpui hi a fan leh ta raih a, kan Budget bu kan en chuan kumin chhung hian tumna a awmlo a ni tih a lang theiin ka hria a. Heng hi nawr hmanhmawh a, mipui vantiang tana tha tur, kan ram tana tha tur a ni tih ka'n tuihnih leh duh a.

Tin, Trade & Commerce an sawi tawh a, kan thlai thar, kuthna thawktute kan nghaisak dan hi chu he sorkarah hian an khawngaihthlak a ni. Chuvangin, tun ang lo deuh a thazawka kaldan hi an ruahman thiam a tul hle a, a price han control sak ringawtte hi competitive market-ah a kalphung tur a nilo hrim hrim a. Tin, kuthna thawktute tih hrehawmna tur atana check gate siam teuh mai te leh Police um um tir an ni hi a pawh khawp mai. Tun Inrinni khan kan zuk paltlang ve a, kan han bengvar deuh a, an dinhmun khu kan hotuten an sawi tawh avangin ka sawi nawn dawn lova, thatak leh rang taka thiahsak a, tanpui an ngai a ni tih chu a chiang khawp mai. Kan ngaihthlak tawh atang tepawh khan. Chuvangin, hei hi tichak turin ka'n sawi duh a. Tin, Trade & Commerce Department function dan hrim hrim hi siamthat, siam dik, her dik a ngai tih kan ngaihthla tawh a, ka sawi nawn lo ang a.

Tin, Water Supply and Sanitation-ah hian Pu Speaker, tuna Greater Aizawl Water Supply Phase-II hi an han hawng hram a kum 10 hnuah a lawmawm hle a. Kan hunlai khan tender kan chhuah hman a, kan thlan lohna chhan kha an rawn recommend dan a dikloh avangin ka thawn kir a, kan thlang ta lo a ni a. Hei, kum 10 chhungin engemaw zat an rawn pek belh chung pawhin peihlo chungin an hawng tih hmanni khan Minister zahawmtak khan a rawn admit a. Engatinge peihlo chung a nih tur ang nilova hetiang inauguration te hi kan uar viau na chhan hi le, tih te hi ngaihthuah tham a niin ka hria a. Kan hawng anih chuan anih tur ang anih zawh hnuah a function theih hnuah kan hawng tur a ni tih hi khawvel kalphung a ni a, chuvangin tunhnu zelah pawh function tha hleitheilo tur,

a nih tur ang ni theilo tur ang chi hi chu a inauguration emaw, hawn emaw hi hmanhmawh lovin, anih tur tak anih theih hnuah chauh kan hawn hian mipuitlingte tihdan tur a ni tih kha ka'n sawi duh a ni.

Tin, Sanitation-ah hian hei Aizawl khawlaia kan kal chuan trailer ke nei, bawlhhlawh pahna kan hmu teuh mai a ni. Hei hi tu ngaihtuah chhuah nge ni ang aw? tih ka ngaihtuah a. A ngaihtuahtu hi a mawl hle anih loh chuan tawng mawilo ni suh selangin pawisa a duh hle a ni mai awm mang e tih te ka ngaihtuah a ni. TMB-ah a bang sang taka kan zawm belh chung pawhin bawlhhlawh an phurh hian a baw hnawk niai nuai thin a, ven angai a. Heng tiang trailer, a bang pawh tawng emaw chen vel lek, bawlhhlawh tamtak phur tura ngaihtuah chhuah hi ngaihtuah chhuah awmlo tak niin ka hria a, aman to dan tur te ka ngaihtuah hian public money waste na mai mai aniin ka hria a, chu chu a tha lo a ni tih ka sawi duh a. Tunah phei chuan ke neiloa ding pawh a tam leh tawh a, a boral nge ni a, Department dangte leh a tul tulin sorkarin an hmang ta tih pawh keini ang tan chuan a hriattheih loh a ni.

Tin, Greater Aizawl Water Supply Phase - II hi Integrated Scheme-a a component pakhat a ni a. Khami Integrated Scheme kha 176 crores vel kha Central in kan hunlai velah khan min approved hman tawh a, a component dang kha solid waste disposal te, storm.. te ani a. He House-ah pawh hian ka sawi tawh a, khangho kha tunah hian kan sorkar hian a drop ta a, bawhzui a ni ta lo tihna em ni, a thawm riva kan hre ta lo em a, vawiinah hian solid waste disposal te, storm... te kan neih loh chuan Aizawl khawpui hi save a har ang tih a hlauhawm hle a ni. Chuvangin, hemi chungchang hi enge nita tih te ka hre duh a.

Tin, Urban Development chungchangah khan kan hotuten an sawi tawh a, Aizawl khaw tawt zia te, New Aizawl a tul tih te, hei hi kan sorkarin a tha zawnga ngaihtuah a, New Aizawl te siam a, tuna helai Aizawl, present Aizawl hi Commercial Centre-ah te kan hmang dawn anih chuan chu idea chu mimal takin ka support a, mahse vawiina heti taka kan tawtna hi hotu hmasate ang ten engemaw vision an lo neihloh avanga thil harsa a lo ni anih pawhin a tlangpuiin a mipuite hi kan duham vangin kan chep zo ta tih kan pawm ngam a tha in ka hria a. In sa reng rengin vantlang nek pangin, kawngpui sirah kan sa a. Tichuan, inleng te leh keimahni motor ngei pawh garrage pawh kan siam phal tawh lova, kan sum duh lutukin. Chuvangin, zankhuain vantlang kawngpui motor za tel, sang tel kan dah te hi min nekchep tu a ni. Kan duham vang a ni a, a lehlamah chuan sorkar pawhin a tih tur a ti ngamlo a ni. Kan hunlaih khan mimal, milian leh hausa luhlul ngamloh nihloh kan tum ang kan ti khanglang a, mahse a har khawp mai. A milian leh hausa apiang kha an luhlul a, vantlang an nekchep a, khatiang khawih tur kha chuan kan Officer tepawhin an lo ngam bik lova, sorkar tan pawh a har khawp mai. Amaherawhchu, dan lekkawh-a han tih chuan entirman, miin motor a lei chuan garrage a nei tur a ni tih a ni tia order han siam chuan, garrage neih tum an awm sup sup mai a ni. Chuvangin, Pu Speaker, heng chungchangah pawh hian sorkar hi a

khauh ngam phawt chuan tunah hian kawng a la awm a, mahse khawpui nuam tak, thawl tak chu kan siam thei tawh lo mai thei. Amaherawhchu chutiang chuan kan hlauhloh phawt chuan kawng ala awm a ni tih ka sawi duh a.

Tin, Member zahawmtak ten an sawi tawh angin a zauh lampang hi chu a harsa tawh mai thei a, kawng te hi. Amaherawhchu, hmanah helaiah hian thil ka zawt tawh a. Vaivakawn atanga Bethlehem leihnuai verh kha tumna a awm tih kha khami tumna kha chu an drop tawh a, mahse Bawngkawn atangin hetah Kulikawn thlengin kawngpui chhawng siam tum a ni tih kha a ni a. Khangte kha kan tisang thei anih loh chuan hemi traffic tam lutuk te, kan kawng essay na tur ang hi chu kawng dang a vang tawh khawp a. Amaherawhchu, dan kengkawh ngama, khauh taka kan kal erawh chuan ziaawm takin a la siam theih ang tih ka ring.

Hei, Hill Station zawng zawng hi a congest deuh vek a ni, traffic zawng pawhin. Amaherawhchu, hmun tam takah chuan motor luh khapna, ke chauha kal tur VVIP, Governor leh Chief Minister te chauh lo chu tih te an nei nual a, chutiang zawngte chuan ngaihtuahna hmang ila chuan Aizawl pawh hi engemaw chenah chuan tun aia thain a la siam theih ang tih ka ring a ni.

Tin, Pu Speaker, Home chungchangah hian 'kan State hi State ralmuang ber a ni' tih hi kan sawi zing hle a, a lawmawm a, State ralmuang ber nih pawh a lawmawm a ni. Amaherawhchu, kan hotu thenkhatte hi chuan a ralmuang an ti lo a ni ang tih hi a hmuh theih sa mai a. Tin, hmannah pawh helaiah ka sawi tawh a, keini pawhin ralmuang kan ti chiam lo a ni. Tin, Underground unaute an duh duh a an khawsak theihna hmun West Phaileng bulah an duh hun hunah HNA te an inthat theihna hmunte, Aizawl khawpui lailiah Ruling Party Office kawt ngeiah te kan thisen zawmpui niawm takin an han that mai thei te, hetiang zawng zawng zuk ngaihtuah hi chuan a ralmuang ber tih chi chu anilo anih hi tih chu a hriat theih a. Tin, kang ho khawitu nih ve loh phei a ralmuang vak lo a ni, Pu Speaker.

Tin, kan ngaithla tawh a, tualthahna rapthlak tak tak West Phaileng ami te, sawtah Beraw tlangah nula ruak ngalngata chhar te, Pu Isak Hmar an tih te, tunhnaiah Rev. Chanchinmawia, ama in lum ngeiah rawng taka thah anih kan han hmuh te hian a ralmuang hle lo ani tih chu a hriat theih a ni. Pu Speaker, hengte chhuichhuak tur hian kan sorkar hian tlawmah la lose ka duh a, a chhan chu anmahni tan pawh hmingthatna tur a ni a. Kan ram, kan hnam tan hmingthatna tur a ni a. Heng ang zawng zawng chhuichhuah hi kan Police te hian chhuichhuak thei turin free hand pe ila chuan an chhuichhuak theiin ka ring a. Mahse, chumi free hand chu an nei silo a ni, Pu Speaker. Tunah hian an consent ang lovin an kal ang tih te ka ring a, an khawngaihthlak ka ti a. Chuvangin, kan sorkar pawh a hmingthat theihna turin, kan ram kan hnam pawh a hmingthat theihna turin leh State ralmuang ber a ni tih tepawh chu kan zuk proof theihna turin heng



perpetrate tute hi a titute hi chhuichhuah hi an tha tak tak a ni. Hmanah 'Greater Lunglei Water Supply Scheme Chief Minister Pu Lal Thanhawla'n a eiru teuh a ni' an ti a, kei chuan 'anah tak chu, chuti anah chuan chhui ila' ka ti a. Helaiiah MLA rualte kan sorkarin, kan Speaker in a chhui tir a, a tawpah chuan ka eiru lo a ni tih kha an va finfiah a, a lawmawm viau a ni ka tan khan. Chuvangin, hengah pawh hian mipui rinhlelh angte hi an nilo ani tih finfiah nan hian Pu Speaker, keimahni State Police hi kan ring lo ni lovin, vawiinah hian an duh ang thalin an chhia leh tha hriatna in a detail in an ti ngam silo anah chuan, pawnlam mi kan State sorkarina a thunun loh CBI an ti emaw, engemaw investigating agency rinawm deuhthe hi chhuitir selangin, an chhuichhuah ngei theihna turin kan sorkarin tanpui bawk sela. Chuti anah chuan an chhuichhuah phawt chuan kan sorkar chu khitah an awm ang a, kohhran pawh an thlamuang ang a, mipui an ralmuang ang a, kan lawm dawn a. Kan ram, kan hnam, kan sorkar hming a tha dawn a ni.

Chuvangin, heng hi tlawma neih chi a niin ka hre lova, Pu Speaker, chuvangin tunah pawh hian ka phut nawn leh a. Heti taka crime a tam laia crime rate a deep a ni ti duh anga an rawn sawitir te hi mi tamtakin an awih hranpa lo. Crime rate a deep ang chu, a chhan chu chhuichhuah theih ni mang chuang silo, chu chu mipui hian Police Station te hi an thleng zen zen duh hauh lo ani.

Hei, Gun running Arms Smuggling tepawh a tam a, hmanni-ah ka sawi tawh a. Khilam atanga lokal tepawh Zokhawthar-ah an han nangching a, an han man tawh a, mahse a mantu tur Police te khan an man ngam lova, a lo hmutu ten Tlansam lama hel tura an tih kha a lo hre ru tuten an va hrih a. Tlansam-ah khan an lo man ta mai a ni. Chutiang chu anah avangin kan Police te hi an efficient teh reng nen an khawngaihthlak hle a ni. Chuvangin, mipui kan convince hi sorkar hian a tum tur a ni a, mipui ralmuang leh thlamuanga kan awm hi sorkar hian a tum tur a ni a. Chutiang tihna tur atan chuan vawiinah kan hotu thusawi hmasatute pawhin phut an rawn nei a, anmahni pawhin an in dedicate na turin, an hming thatna turin, mipuiin tuten emaw an rinhlelh rukna te emaw, an ngaihthat lohna te an clear vek hi anmahni hmakhua a ni Pu Speaker, chuvangin heng zawng zawng hi detect leh lohva a awm reng chuan kan ram hi keimahni Mizo zingah hel awm lo mahsela a ralmuang tak tak lo ani tih a hriat theih ang a.

Hmar unau leh Hmar unau te inveh inveh tura siam reng mai te hi sorkar hna tur a niin ka hre lo ani Pu Speaker. Chu ai chuan a inveh te an inveh tawh loha, inngeih leh thlamuang tak leh ralmuang taka an awm khawm theihna turin ban phara hma la zawk tur nia kan hriat laiin hetiang zawnga kal hi a vanduai thlak a. Mipui tan a ralmuang lova, chuvangin heng kawngah hian tlawmah la lo sela, sorkarin thudik a hmuhchhuah theihna turin chhawr tur tul tul, pawnlam mi pawh chhawr turin kan phut a ni.

**S P E A K E R** : Sawi leh tur kan awm loh chuan kan wind up thei tawh mai em? Kan sawihona kan duhtawk ang a, Demand pharh hnuhnungtu Minister zahawmtak Pu Aichhinga hi a taksa a chaklo deuh a, a ni hian han wind up hmasa sela a tha ang e. Tunah a demand kan sawihona te wind up a, pass dil nghal turin Minister zahawmtak Pu Aichhinga ka sawm e.

**PU AICHHINGA MINISTER** : Pu Speaker, hun min pe a, ka lawm e. Ka Department kan member zahawmtak tak ten an rawn sawi thliah thliah a, mi 13/15 lain an rawn tarlang a, mahse an sawina tlangpuiah khan fuihna leh duhsakna a tam berin ka hria a, a lawmawm khawp mai. Chubakah chuan Sawhthing chungchang kha hrilhfiah ka duh lai ber a ni.

A hmasa berin Soil & Water Conservation-ah hian han tan ila. Soil & Water Conservation Department hi hun engemaw ti atang khan tlahniam angin kan awm a, member ten an sawi ang khan A chhan chu, a department kalphung hrim hrim hi hun reitak ata tawh dik lohna thui tak a awm a, a chhan chu a thawktute pawh hi an mumal vak lova, Department upa tak e tilo in a upat ang hianin hmalak theihna tur dinhmunah a ding vak lova. Tichuan, tunah hianin restructure kan neih loh chuan hna a thawh theih lova kan ti a. Directorate atangin restructuring kan buaipui a, tichuan tunah chuan awmze nei deuh takin kan siam chhuakin kan Cabinet pawhin min pass sak tawh a, chumi ang chuan kan ruahman chho ta a, chumi atang chuan kan Department kalphung pawh mumal zawk leh fel zawka kan kal theih kan beisei a. Entirman, RETI kan ti a, training centre te kan vei ve a, mahse attend tur kan nei tawh bawk si lova, a chhunga awm zawng zawng kha an trained zo vek tawh bawk si a, RETI kha ala ding ve ang reng ruah bawk si a, khangte kha thiat a ngaiin kan hria a, kan thiat a, an pawimawhna hmundangah kan dah a. Chutiang ang chuan Directorate-ah khan Officer pahnih chauh an awm a, khang tepawh kha a ni love kan ti a. Officer tam zawk kan dah lut a, chutiang ang chuan tunah hian a pumpui khan kan han re-structuring ta a, ta tang chuan hnathawk thei turah kan inngaihtuah a.

Tin, District ni lova Division anga kan awm thin pawh kha Division pariat kan nei a, District angin a kal si lova, chuang chuan District angin function ve ta se a tha ang e kan ti a. Chutiang chuan District angin kan ruahman chhova, kan Officer-te an phur em em a. Tunah hian tunhma-a ngaihthata lo awm thina inhriat kha tunah chuan ngaihsak leh enkawl nia inhriat na ten a ti phur a, chuang chuan beiseina sang tak kan nei a. chu chu anmahni chungchang thu a ni. Sawi tur a tam a, amaherawhchu reitak hianan ka tum lova, tawite-a han wind up mai ka tum a ni.

Kan hna tlangpuiah tunhma kha chuanin Soil & Water Conservation hian hna thatak a lo thawk thin a. Zoram pumpui hi an terrace zo tawh emaw tih tur khawp khan tan an lo la nasa thin a. Mahse chumi hnuah chuan terrace te leh thil danglamah kal tawh em em lovin, kan thawh tur pawh hre mang lovin kan lo awm mai mai tawh a. Chuvang chuan, tunah chuan Soil & Water Conservation Department anih anga Soil luangral tur te, tui luangral tur te venghim tura hmalakna lam kha tunah hian ke kan pen pui a ni. Chutia kan project pawimawh tak tak te chu entiman - Coffee phun te, Cardamon phun te, thingpui te, rubber te, hengho hi tuna Soil ina plantation kan han tih ve a ni a. Chung kan tih chhan ber pawh chu thing kit lova, thing hnuaiia phun mai theih an nih avang khan, kha khanin Soil & Water Conservation-ah thuitakin a tangkai avangin khatianga zawnga plantation pawh hi kalpui a ni a. Chutiang ang chuan khalamah khan hma kan la a. Chumi piahmah chuan hei kan hriat angin khawthlang tlangchun ti ila, khawthlang lam sea level atanga 1000 ft. hnuai lampang hi rubber phun na atan Rubber Board hovin an rawn identify a. Chuvang chuan, kan ramah hian hectere tamtak khatianga hman theih tur kha a awm a ni, an ti a. Tunah hian keimahni lam atang chuanin pawisa lamah kan pung vak lova, mahse Rubber Board nen hian tunah tan kan han la a. Kumin atang phei chuan nasa lehzuala ke pen turin kan inbuatsaih a. Amaherawhchu, vanduai thlak takin rubber chi kan tih tiah te sazu in a seh ve zel tlat mai a. Amaherawhchu, engemaw zat erawh chu tunah hian kalpui mek kan nei a. Kum tharah chuan ke pen ve theihna thui tak kan nei turah kan inngai a. Chutiang ang chuan kan coffee tepawh hi hmun tamtakah kan lo kalpui thin kha khawpui zau zel te khan hnawk a lo ni ta a. Tunhma-a coffee plantation demonstration hmun 26 lai nei khan tunah chuan hmun 11 ah chauh kan nei tawh a. Heng hmun 11-ah hian uluk takin tunah hian kalpui mek a ni. Hetah pawh hianin Coffee Board nen tang hovin tunah hian ke kan pen a, sawthinga hmalak theihna thui tak neilo mah ila, Coffee Board nena kan hmalakna-ah hian thui tak ke kan pen a ni tih kha ka'n sawilang duh a.

Tin, chubakah chuanin River Valley Project hi kan hmalakna pawimawh ber pakhata kan ngaih a ni. He River Valley Project hi keimahni thuin kan ti ngawt lova. All India Survey, Soil Survey an nei a, chung ho chuanin hmalakna tur atana an rawn identify chinah zel khan hma kan la a. Nichina kan han ngaihthlak ang khan khawthlang lam ram, khumi lui pawimawh tak tak, ramri lui te, khungah tepawh khuan hma kan la a. Kan la la chhunzawm zel a. Hei, Deliswari-ah tepawh hma kan la a, khami anih avang khan kan duh duhna hmunah hma kan la ngawt thei lova, All India Survey kha kan inngah nan kan hmang lo thei lova, khami base khan sanction kan hmu tlat a. Chuvang chuan, khami ang khan kan kal a. Helaiiah hian kan tangkaipui ve hlein ka hria a. A chhan chu, kan lui kamah hian 1 ft. a lei a tlakhniam chuan a ram chhehvel-ah 500 ft. lai kha a pawt hniam thei a ni tih hi Soil ho technique a ni a. Chuvang chuan, hemi kawngah khan hma kan la thui ve em em tawh a. Hma kan la mek zel a. Tunah pawh hian DPR tamtak lui dung hrang hrangah khami All India Survey hovina an rawn phalna chinah khan kan theh lut ve mek zel a ni. Chutiang ang chuan Soil-ah hian hma kan la ve a ni tih kha ka'n sawilang duh a.

Tin, Mat Valley chungchang thu kan Opposition Leader in a rawn sawi kha a dik a. Hmanah kha chuan kha kha ruahmanna kal a ni a. Amaherawhchu, khami ruahmanna kal thla kha India ram in Atomic an test avanga harsatna kan tawh tak avang khanin keini Soil khan kan khawih ta lova, Agriculture-ah a lut ta daih a, Agriculture-ah, kha Irrigation Programme -ah a kal tak avangin Soil hovin khalam kha chu kan khawih ta lo hrim hrim a ni tih kha kan inhrilh ni ta sela a tha awm e. Chu chu Soil ina hma kan lakna tlangpui leh kan hnathawh dan tlangpui -ah sawi ta mai ila a tawkin ka hria a.

Tin, chubakah chuan, ka'n sawi eh duh chu Trade & Commerce-ah hian hmalakna tlem tlem kan nei leh a, hriat angin. Trade & Commerce hmalakna hi kan ram atana thil pawimawh tak anih ve avangin Trade & Commerce hi kan te ang reng viau mai a. A dik tak chuan a siam tirh atang khan kan la lian thei chuang lova, a ngai deuh reng hian kan kal a. Tunah Officer han tih ve chin hi Department e tilo chuan 2/4/5 emaw lek hi Officer chin hi kan nei a. Tunah hian sorkar lamah post siambelh turin kan dil a, kan dilna tepawh min ngaihtuah sak a, DP & AR leh Finance in min pawm sak a, Cabinet-a ngaihtuah tura awm mek a ni a. Chung hman chuan kan Department intihlen ve kan rel a, hmana kan sawi tawh thin ang khanin, Bazar enkawl na hna hi kan khawih ngai lova, mahse Revenue atang khan Trade & Commerce pumpuih hianin hnathawktu 50 emaw vel kan awm a, Mizoram pumpui kan hma ve lawi si a.

Chuvang chuan, Mizoram pumpuih hianin Bazar enkawl tur ringawta pawh hi a tam thei ve tawh khawp a. Tunah hian khawtin deuh thaw-ah Bazar enkawl ngai hi a awm a. Mahse, enkawltu pawh chu an awm chuang lem lova. V.C kutah te kan dah a, tikhan V.C te nen khan Co-ordination te kan han nei a, tiang chuan kan kalpui lawp lawp a ni ber a. Aizawl khawpui leh Champhai te, Serchhip, Lunglei henglai ho hi bazar lian deuh deuh Kolasib, Vairengte tih lai bawra hi Trade & Commerce in kan enkawl tak tak theih chu a ni deuh mai a, a bak zawng zawng hi chu kan V.C te kan ring a ni tlangpui deuh a ni.

Chutiang chuan kan indaih lo luattuk avang hian hma kan la thei lova. District Office pawh hi mumal taka function theihna kan la nei vak lova. Tunah hian Directorate chu kan nei na a, District Office hi Champhai-ah a hmingin kan nei a. Tahchuanin, a thawktu tur District Officer kha kan nei mai lova. Tin, chubakah chuanin, Lungleiah pawh District Office chu kan nei a. Mahse, thawktu tur Officer kha kan nei mai lova, Kolasib-ah pawh a hming chuan kan nei a, mahse Officer dah tur kha kan nei chuang lem lova. Chutiang ang vel chu kan dinhmun a ni a, kan chaurau khawp mai a. Mahse, kan hma hi a zau angreng hle si a. Chulai chu ka'n sawilang duh a, kan Officer te an hah thei em em a ni.

Border Trade chungchang kha han sawika duh a. Champhai chu kan hun hma-a lo tan tawh kha tunah chuan a putling thawkhat ta viau a, kan la hmang thei chiah lova. A chhan chu kan Land Custom Station hi Champhai tih a ni tlat a. Zokhawthara Land Custom Centre kha a awm loh chuan a tih theih lohva, anni Burma lam lah khanin an Centre tur kha an la sa thei lova. India sorkarin a sak sak a ngai bawk si a. Chutiang karah chuan duh angin hemi a Centre hi kan la hawng mai thei lova, tunah khian infrastructure engkim chu kan inpeih thawkhat a. A hnathawktu tur awmna tur te, Melbuk-ah kan sa a. A Trade Centre erawh chu Zokhawtharah sak a ni a, tunah khian kan kalpui mek zel a. Tunah hian Land Custom Station kha Zokhawtharah insawn thei tawh selang chuan keini lamah inpeih lohna lutuk a awm tawh lova, hawng thei mai tur kan ni tawh a, mahse Central Subject a ni a. Anniin Zokhawthar zawk a ni an tih pawhin an phei duh si lova, chulai chu kan buaina awm chhun a ni a. Tunah hian kan pen thui viau tawh a, sawi zel dawn phei chuan India ramina Burma rama hma an lak chhoh zelna pawh sawi tur thui tak a awm a, mahse khalam chu sawilo mai ila, tunah hian a putling ve mek a, a hawn theih tep a ni e tih kha ka sawi theih ni sela.

Tin, kawrpui chhuah chungchang kha Pu Hminga khan a'n sawilang a, sorkar hian hma ala chak tawk lo a niang tih thu kha a sawi a. Nia, a dikna chin a awm ang a, amaherawhchu, he thila hi kan hriat theuh angin Central sorkar leh Bangladesh sorkar thil anih avangin keini lam hi chu kan pawimawh dan hi a nep deuh hlek a, theihtawp chhuahin kan Chief Minister hovin tan han la mah ila, a Bangladesh sorkar lam khu a interest loh tlat avangin India sorkar lam pawhin an be eih hleithei lova, tunlai hunah phei chuan. Chuvang chuanin, hemi atana kan hmalakn hi duh angin hma a sawn hleithei lova, India sorkar lam chuanin an tui em em a, tunah pawh hian engpawh nisela, a hmun tur Kawrpui chhuahah khuan hma la lak theihloh mah sela, sawtah Tlabungah tal chuan Trade Infrastructure atan khan insakna tur min rawn phal sak a, tahchuan, 3 crores laiin tunah hian sawlaih sawn hna an tan dawn a ni a. Tunah hian PWD kutah a awm mek a, sawtah sawn Centre pawimawh tak Tlabungah sawn din phawt mai ang kan ti a. Anni lam khan hma an la ve duh chuang si lova, han chet ngawt dawn khan keini lam ringawt khan kori a tu tak tak thei dawn bawk silova, chulai problem-ah chuan kan la tang a, chu chu Border Trade chungchanga kan problem leh dinhmun kal mek a ni a.

Tin, chubakah chuan khimi State leh State inkara kan insumdawn tawna chungchang thuah sawhthing hi kan buaipui len ber hi a ni a. Hei hi kan sawi lar bawk a, kan kalpui dan tlangpui han sawi ila. Kan ngaihtuahna-ah chuan kuminah pawh khan hemi sawhthinga insumdawn tawna-ah hian mipuiin an tihthiam dan danin kalpui se, a tha ber ang tih ngaihtuahna neiin inrawlh kan tum miah lova. Mahse, chutihlai karah chuan MIFFAS khan December thla lai velah khan sawhthing lei kha an rawn dil a, kan inrawlh lovang kan ti chung khan an lei kan phalsak a. An han lei a, mahsela an kalpui rei thei ta chuang lova, tichuan an in withdraw a, Rs. 7/- in, a tirah chuan Rs. 8/- in kan la ang an ti a. Mahse, an la rei thei ta lova. Rs. 7/- ah a tla leh ta mai a. Tichuan, Control loh chuan a tlahniam zel dawn a ni, reilote-ah hian Rs. 4/- Rs.5/- ah a tlahniam zel dawn a ni tih kha mi tamtak

min advise dan a nia. Inrawlh kan hreh hle nachungin a rate tha zawka a kal theihna tur kan dap a, chumi atana tihdan tur tha-a kan ngaih chu engpawhnisela, kan sawhthing hi Vairengte-ah chauh hralh ni sela, Bagha hi thlen thlak pui loh nisela, tichuan Vairengte-ah hian Mizoram sawhthing hi hralh nisela tih kha kan hisap a ni a.

Tin, chubakah chuan a leitu turah pawh hian Bagha a sumdawng thiam ho khu by-pass hram thei ila, International anih loh pawhin National-ah sumdawng lian tute emaw hi sumdawn pui nisela a tha ber ang tih ngaihtuahna kan nei a. Chutiang chuan an rawn dil hlawm a, tahchuan EIRI hian chung mite chu kan sumdawn pui tur an ni a, a then chu France ami tepawh an ni a, a then chu Taiwan tepawh an ni a. Chutiang khatiang chu an ni e, tiin company lian pui pui te kha an rawn ziak a, a an company label leh thil engkim nen khan an rawn dil a. Kha kha hmang ta ila, annin hi a rate control nan hmang ila, a tha ang e kan ti a. Chutiang chuan Rs. 8/- in kan la thei ang an ti phawt a. Tichuan, Rs. 8/- in an han la a, a sang zawng zelin a kal tur a ni, a hniam zawnga kal kan awih lo kan ti a. Tichuan, Rs. 9.25p in a thleng chho hman a, chutiang chuan hma kan sawn zel a ni. Chutihlai karah chuan khulai Bagha leh a chhehvel, Bagha YMA tihte pawh an lo awm ve a, khung hote leh Bagha-a sumdawng thiam ho khan kan mizo mipuite ngei kha an rawn control ve tlat mai a ni. Khang atang khan kan lei ve duh, an rate aia sang pawhin kan lei thei an ti reng a, mahse kan awih sak duh lem lo ani. A chhanchu, kumtina an tihphung a ni a, tunah sang zawkin kan la thei ang. Mahse, reilote-ah an tihnam leh a, a hma-a a sanga an hralh a, an hloh zawng zawnga kha hlep leh turin hniam theihtawpin an tlanpui leh si thin a. Chuvangin, Mizo kuthna thawktuten rate awmze nei zawk leh nghet zawka an tlanpui theihna turin controlling rate kha kan siam tlat a, lei thei kan dah loh chuan a tuar tur chu mipuite tho an ni.

Mahse, hun a lo kal zel a, kan lei ve duh a ni tih leh party lam, kan ZNP President in keini pawh kan dil a te a ti a. A dik a, an dil a, kan pe duh lo a ni. A chhan chu Political Party an ni a, sumdawng tura ding pawh an ni lova, a mawi lo ang a, tiin ngaihdan kan nei a. Kan awih lova, tunah pheih chuan an theih vek a, tumah kan dang ta lova. A duh apiangin sumdawn nan hmang tawh rawh se, keini pawh kan inrawlhna miah lo, kan ei ve pawh awm miah lo.....

**PU LALDUHOMA**

: Pu Speaker, hei hi MAMCo in an Press Release siam a ni a, tahhian EIRI in a hralhna te an rawn ziak chhuak a. "Foreign Company dangte pawhin EIRI hi an rawn dawr belh zel a, a rate pawh a sang chho zel dawn" tih te an rawn ziak a. Hei hi an challan a ni a, Bagha leh Silchar bak hi 1 kg. pawhin a pel lo a, hetih laia France leh Bangalore te sawia mipui bum hi a dik lo, a

aia rate to va lei ve duh an awm reng lai pawha Monopolise tlat chuan, market competition a awm loh chuan engtiklai mahin a man a to thei dawnlova. An zawn pawhin Police in tir a, in mantir zel bawk si a. Tunah hian sorkar anga a tlahniam tur venna in neih loh chuan kan ti free e pawh ti ulang, an inthurual ang a, a hniam leh thovang. Sorkarin a tlahniam tur veng ve ta che u. Budget Provision pawh nei ve ta che u. Chumi in duh si loh chuan Minister fapa hian Kg.-ah 25p a ei ve a ni an ti huai huai a ni.

**PU AICHHINGA MINISTER** : Dawt vek a nih chu. Chutianga 25 p ei tur fapa pawh ka nei hek lo.

**PU LALDUHOMA** : Hmanah pawh Kg. ah Rs. 17/- in Pu Lalchhanhima'n a lei thei reng a, tuna kan Minister tho hi a ni a. Amah ngei hian Kg. ah Rs. 17/- a hralhna hi a cancel alawm. A copy hei ka nei a lawm. Engatinge kg. a Rs. 17/- a lei duh zawk kha a duhsak tlat a.

**PU AICHHINGA MINISTER** : Vaiho nen in sawikhawm a ni ang a. Keini chuan chutiangan kan kalpui ngai lo. Dere pawh kan hlawkpui ve lo. Hemi thuah hian mipuite tan ngar ngar vek a ni. (Interruption)... na tur zawk anih avangin kan awi lo a ni. Tunah pawh lo en reng rawh. Kan phalsak chiah a lawm. Reiloteah Rs. 4/- in....

**PU LALDUHOMA** : Tihian in ti a, hmannah pawh Gate in kharin, in chawlh lailawk tir a, chumi chung chuan Gate in khar tlat a, a chhuak tur indang si a, a tlahniam lo thei nang. Chumi hnuah a aia tlawmin in pe leh tho ang, hman atangin in tih than tawh a ni.

**PU AICHHINGA MINISTER** : Nangnin khung Bagha nena tiamrualpui tum in ni a, keinin kha kha by-pass kan tum si a, chulai kan inkar chu kan inang lo a ni, kan tum dan kha. Engahnge kan by-pass loh ang? A pass vek a lawm, amaherawhchu Bagha kaltlang lovin a kal thei silo a lawm.

**PU LALDUHOMA** : Khawiah nge in hralh? Bangalore-ah chuan in hralh ta em? Hei an challan ka nei reng a lawm, Bagha hi in thlawh khumlo reng reng.

**PU AICHHINGA MINISTER** : Gentlemen angin ro kan rel turah ka ngai a. Tin, Parliamentary words tih tepawh hman hram hram a tha. Engpawhnise, sawhthing chungchang thua chuan tunah chuan kan hawng fai vek a. A duh apiangin kan lei thei a. A duh apiangin an hralh thei a, a rate pawh duh ang angin an hralh thei a. Amaherawhchu, kan hlauhthawn ber chu mipuiten harsatna an tawh leh ang tih chu kan hlau khawp. Hma lutukin khulai Bagha vai ten an dawh leh dawn tih hi kan rindan a ni. Engpawhnise, mipuiin an duhdan an rawn thlan a ni a. Chutiang ang chu a kal ang angin kal phawt mai sela, a tul a, tih loh theiloh anih tak leh kan la enzui leh ang chu tih hi keini chuan kan thliir dan a ni.

**PU LALRINLIANA SAILO** : Pu Speaker, support price kha an pe ang em le? Price Support kha sawhthingah an pe leh ang em?

**PU AICHHINGA MINISTER** : Support price hi tunah chuanin kan ti thei rih lova, kan pe thei rih lo a ni. A chhan chu sum kan nei tlat lova. Tin, kha kha Trade & Commerce chungchang thua ka'n sawi theih chin chu ni mai sela.

Tin, Urban Development chungchang thu hi tlemte han sawi leh ila. Urban Development hi kan hriat theuh angin Department thar te a ni a, kum 2 tawh tawh a la ni a, chumiah chuan kawng hrang hrangin tunah hian hmalak chhoh mek zel a ni a. Tunah hian kut ke kimin a ding ve ang chauh a la ni a. Directorate mumal takin a awm a. Secretariat mumal takin a awm bawh a. Chumi piah lamah chuanin District Office lam engmah kan la nei lova, siam tumna erawh chu kan nei a, mahse engmah kan la din chhuak lova. Tin, kan hnathawktute an phurin an fakawm hle a, theihtawp chhuahin tunah hian hma an la chho ngat ngat a. Tin, kan Budget-ah khan tarlan a awm a, crore 11 zet kha entiang a hman tur nge ni, major work tiha dah mai kha a nia. Hei hi nikum lamah khan dah tawh a ni a, mahse PHE lamah kan hmalakna pawimawh tak atan khan hman tam ber kha chu a ni a, mahse kuminah chuan khatah khan kan hmang tho ang a, amaherawhchu thildang heng solid waste management leh Urban Development atana hmanna tur tangkai thildang tamtakah pawh kha pawisa major work kha hman tel tur a ni tih kha ka han tarlang a.



**PU R. LALZIRLIANA**

: Pu Speaker, khawngaihin nichina ka sawi kha a hniam viau na a, a pawimawh khawp mai. Hei, Septic Tank khat, ek paih ho hi an paihna hi a hla-ah leh a hnaiah pawh an

phal lova, khalai kha tih takzeta sorkar hian a ngaihtuah a ngai, khawpui thinglimna atana hnamdanga paih a ngai a, kan Chief Minister zahawmtak pawh hi an hmu tawh a, han zawng rawh u a ti a. Amaherawhchu, an hmuh hnuah an hmu leh thei lova, chuvangin nangni Department-in in ti theilo anih pawhin sorkar chet a ngai a ni, a paihtute khan khawimaw laiah an lo paih a, kutte an lo thlak a, thi hnianghnuangin an lo haw a, chu chu vawi tamtak a thleng tawh a ni. Khalai kha ngaihtuah a ngai ka tikhawp mai.

**PU AICHHINGA  
MINISTER**

: Aw, a dik khawp ang. Kha kha chu keimahni Sanitation Department hmalakna tur niawm tak a ni a. Kan lo enzui ang a, kalpui theih dan tur tunah hian hemi solid waste management piaah lamah khan khuar laia

bawlhhlawh paihna tur chi ang pawh kha Aizawl veng kil hrang hrangah chhim lamah te, khawthlangah te, khatiang khan ruahmanna a awm a tulin ka hria a. Hmanni khan discussion te kan nei a, chutiang tur lam hawi chuan ngaihtuahna kan siam ve e tih kha kan sawi theih ni ta mai sela.

Tin, Urban Development hnuaiia kan fund hman tlangpui hi hemi lumpsum North Eastern Development Fund atang hian 10% fund kan hmu a, chubakah chuan JNNURM atangin fund kan hmu bawh a. Tin, Non-Lapsable Pool Fund atangin kan hmu bawh a. Tin, Housing Scheme-ah hian scheme hnih kan nei a. Aizawl leh District Capital atan, a amount erawh chu a inzat lo deuh a, Aizawl khawpuih hian a amount hi a fixed chiah lo na a, 20000/30000 chuang lam hret a ni a, District Capital ah khan 10000 in a kal thung a. Tunah hian a bikin Aizawl khawpuih mirethei in sakna tur hi cluster-a sak tura ruahman a ni a. Chu chu Chite leh Lawipu-ah khuan in 200 ve ve sak tur a ni a. Tin, District Capital hovah khan ruahmanna siam a ni a. Lunglei-ah in 500, mirethei in sak tur a ni a, hetah hi chuan cluster a sak tur a ni lova, anmahni inhmun neihna hmun zelah khan an veng chhungah khan Rs. 1,00,000/- zelin kan pui dawn niin a lang a. (**PU R. LALZIRLIANA** : Fund in divert em ni ?) Pu Speaker, Divert lova, kha kha chu thuhran a ni a. A fund source pawh a hran daih a ni a. Tunah Chite ami-ah khuan Chite ami chauh nilovin, Aizawl khawpui veng hrang hrang ami kha Selection Committee a bika siam a, chumite chuan an select ang a, chumi an select atang chuan kan dah dawn a ni, mirethei kha. A ram hi chu tunah hian year-mark sa awm vek a ni a. Ka hun hma-a lo tihfel tawh kha a ni a, khatah khan kan sa mai dawn a ni. Hetiang hi private ram lei a ni a, kawng hrang hrangin Central atangin Urban Development atangin sum chi hrang hrang hmuh mek a ni a.

Tunah hian kan hmalakna tura kan ruahman chu Aizawl khawpui veng hrang hrang tukina Pu Liansailova kan MLA zahawm takin a sawi ang chi, anmahni veng/bial hrang hrangah Constituency hrang hrangah khan kawng tlem a zawng senga, nuai sawm/sawmhnih/sawmthum senga kawng ni ve mai thei si siamchhuah theih tam tak a awm a. Chutiang ang chi atan chuan Aizawl khawpui pumpui hi kan plan mek a, chu chu tun ni 20<sup>th</sup> hnu lamah hian sanction kanrawn pe ang che u, an ti a. Chu chu kan ngak mek a, tun Financial Year chhunga hma kan lak theihna tur kan nei bawk a. Hmalakna hi kan ngah a, Urban Development-in hma a lakna Head hrang hrang atanga hma a lakna hi kan sawi seng lova. 10% lumpsum atang pawh hian engemaw zat kan hmu a. Tunah hian Aizawl khawpui kawng kan siam chhohna te Kolasib khawpui kawng siam thatna te, District Capital tinte siam thatna tur ruahmanna kan neihte hi heng atanga kan hmuhte an ni a. Tunah hian hma chak taka laka kalpui mek zel an ni a. Kum a la rei lo lutuk a, duh angin thil a ni zung zung hleitheih lova, mahse, kum tlem ang hu chuan hma kan la thui ve viau tawh a ni. tih hi ka tarlan theih ni mai sela.

**PU R. LALZIRLIANA** : Pu Speaker, khalai kha ka hre chiang duh tlai. Chite lui a cluster sak tur kha avenge mi miretheiah in ngai t a vek nge ni? Khalai Sport Stadium atan in lo ti a, divert engemaw a awm a ni zawk lo maw?

**PU K. LALRINLIANA** : Pu Speaker, khawngaih takin ka zawhbelh duh chu, Kolasib, Champhai te, kha. harsa in sak sak chungchangah Lunglei kha In 500 sakna tur kha ruahman mek a ni a. District Headquarter dangah khan In sakna tur ruahmanna a awm ve em? tih kha zawh belh duh a ni.

**PU AICHHINGA MINISTER** : Pu Speaker, a awm vek a. Champhai-ah In 450, Kolasib ah In 300, mihring khua in tam dan hisap zel proportion angina kan chawk chhuak a. Chutiang ang chuan Saiha leh Lawngtlai ah 300 a ni a. Chutiang in tam dan ang atanga chhutchhuahin entirnan, Mamit ah In 200 kan ti a. Serchhipah khan In 200 kan ti thung a. Khatiang khan mihring tam dan a zir khan a proportion kha kan la ve a ni. Chutiang chuan kan ruahman a. Tichuan tuna kan kalpui danah chuan tuna an awmna khua Aizawla mi kha chu Aizawlah an luh dawn chuan Aizawlah khan a reilo berah kum 5 an awm tur a ni tih kha a ni a. Chutiang bawk chuan Champhaiah pawh khan kan tih dawn hunah chuan Champhaiah khan in kum 5 an awm tawh tur a ni. Tin, India khua leh tui dik tak an ni tur a ni a, tihte kha a Dan leh dun mumal tak kha awm ve a ni.

**PU H. LIANSILOVA** : Pu Speaker, Urban Development han sawilai khanin nichin khan point han hmaih deuhhleik cover hman loh ka nei a, Aizawl khawpui Traffic tawt lutuk tih ziamn nan parking mimal hnenah loan a pekchhuah tur tih kha kum 2 kum 3 kal ta atang khan sawi a ni a, pekchhuah te pawh hi awmin a lang a, a sak hi chu la awm lovin a lang bawk si a. engnge ni hei hi a dinhmun, a sawifiah theih em? Kalpui zela ni ta lovin ni? Khalai te kha.

**PU AICHHINGA MINISTER** : Pu Speaker, khalam kha keini'n kan khawih loh avangin ka chiang lo tlat, khalai kha chu, ka chhang thei lo ni mai teh se. ZIDCO in hma an la a, khalaiah khan, keini Urban Development lam khan kan khawih loh tlat avangin ka hre chiang lo.

**PU H. LIANSILOVA** : Chuti chu Pu Speaker, a Police te chuan khalai kha chu an tih ngai ka hre love. Urban Development hianin a Parking hmun turte pawh hi an ngaihtuah a, chutia hmalakna a la awm anih chuan hemi Transport Directorate te pawh khi an Place-ah Urban Development lam hian ngaihtuahna lo hmangin Sorkar pawh lo nawr ula, khitah khian Parking chhawng tam tak sak theih a ni a, ngaihtuahna a hman thar theih lawm ni. ka'n ti nghe nghe a ni.

**PU AICHHINGA MINISTER** : Ni e, kan lo en ang e. Keini ina kan hma theih tur thil anih phawt chuan kan lo ngaihtuah zui ang. Awle, Pu Speaker, ka Demand Soil and Water Conservation Rs. 10,11,00,000/- Trade and Commerce Rs. 3,45,35,000/- te leh Urban Development and Poverty Alleviation Rs. 1,35,20,65,000/- te hi avaiin Rs. 1,48,77,00,000/- hi House zahawm tak hian min pass sak turin ka rawn ngen e.

**SPEAKER** : Tikhan Minister zahawm tak Pu Aichhinga'n a Demand kan sawihonate wind-up in pass a rawn dil ta a, heng Demand No. 33, Soil and Water Conservation Rs. 10,11,00,000/- Demand No. 44, Trade and Commerce Rs. 3,45,35,000/- leh No. 46 Urban Development and Poverty Alleviation Rs. 1,35,20,65,000/-. Avaiin Rs. 1,48,77,00,000/- te hi pass remti apiangin 'Remti' ti rawh ule. Remtilo kana wm chuan 'Remtilo' ti

rawh ule. Kan Minister zahawm tak Pu Aichhinga Demand No. 33 No. 44 leh No. 46 avaiin Rs. 1,48,77,00,000/- te hi House-in lungrual takin a pass a ni.

**PU AICHHINGA MINISTER** : Pu Speaker, ka lawm e.

**S P E A K E R** : Tunah chuan kan Minister zahawm tak Pu Tawnluia Demand kan sawiho han wind-up a, pass han dilnghal turin ka sawm e.

**PU TAWNLUIA MINISTER** : Pu Speaker, ka lawm e. Vawiinniah Member zahawm tak tak ten taima takin kan Demand sawihonaah ka Department chan te pawh kan sawi ve thliah thliah a, alawmawm ka ti a. a hmasain Demand sawi tam loh ber Personnel and Administrative Reforms Department chungchang hi tawitein han sawi hmasak ka duh a, he Department DP & AR kan tih mai hi kan Sorkar hna post creation te, post fill-up emaw, appointment te, transfer and posting te, service rules, pension chungchang zawngah te hian a enkawltu a ni a. A hnuaiah hian wings tam tak a awm a. Pakhatna kan sawi duh chu RT kan ti mai a. ATI kan ti, Administrative Training Institute hi 1983 a lo din tawh a ni a, khawi khawiah emaw te mi in kan luah thin a, tunah chuan Khatlaah sawn Rs. 89,00,000/- crores sengin kan sa zova. April thla khian luah kan tum a, tunah hian an inthiarlut ve mek a, hetah hian Block li lai Administrative Block te, Training Hall block te, Quest Room te, Auditorium te kan nei ve thlap dawn a, kan changlung ve tan dawn hlein kan hria a. Administrative Training Institute Block tha takin kan nei a, kan luah ve tep e, 1<sup>st</sup> April ah luah kan tum a ni, tih kha kan sawi duh a.

Tin, ATI ah hian Disaster Management Cell hi kum 2002 atangin Sokrar laipui tanpuinain din a ni a. He Cell-ah hian Head faculty hovin an awm a, tunah hian Associate Professor pathum, Zoology, Civil Engineer leh Medical line atang tein kan nei a, hna an thawk ve mek a, tunhma kan neih ngai loh hetah hian kan nei a ni tih kha kan sawi duh a.

Tin, capacity building for access to information RTI Act hemi RTI tur hian Central atang bawh hian awareness campaign ang deuhin helaih hian training te pek thin a ni tih kha ka'n sawi duh a. Tichuan tunah hianin Aifzawl-ah training tum 5 kan nei tawh a. Kolasib ah te leh Serchhipah te tunah hian kan nei tawh a. District dangah pawh neih leh zel kan tum a ni. Hei RTI Act, 2005 awareness ti mai ila, khatiang inzirtirna kha a ni ber ang chu.

Tin, a dang leha chuan tunah hianin ATI ah hian Sorkarin ITI Cell min phalsak a. A bikin computer Basic Training hi a bikin Sorkar hnathawk tuna in service te pawh hian lo thiam rawh se, an ti a. Tihian a indawtin training an ko a. Tam takin an training ve tawh a ni a. Tiang chuanin kan Training Institute-ah hian kan Sorkar hnathawk mek te intuaihriamna atan theihpatawp kan chhuah ve a. A din tih atanga wawiiini thleng hian Sorkar hnathawk training-na course hrang hrang 40 chuang 70 dawn thaw, kilh kelh chuan sawi dawn ta ila, a ni mai thei a ni. Chutiang ang course bei chuan mi 13000 zet hi an trained chhuak ve tawh a. Tiang khan kan Sorkar hnathawk te an efficiency a lo pun zelna turin helaiah hian ATI atang hian kan intuaihriam ve zel e, tih kha wawiiiniah hian ka'n sawi duh a ni.

Tin, Pu Speaker, hei tunah hianin Sorkar hnathawk hi a pumpuiin tuna thawk lai mek, Group 'A' atanga Group 'D' a regular a thawk mek hi tunah hian 46,000 a figure hi chu 200,100 chuan a danglam ve tlat thei mai a, approximate hian sawi ta ila, 46500 zet zawt hi tunah hian regular a thawk mawlh mawlh lai hi an awmin ka hria a. Tin, vacancy awm kha kan han fill-up khan 1800 zet zawt hi vacancy tuna kan sawi atang khan kan fill-up chho a. A vai kha chuan kan fill-up vek thei chiah lo deuh a. Khatiang khan kan han chhut nah chuan Sorkarin hma a la ve a. Tin, Contractor appointment ah hian tunah hian Group 'D' atanga Group 'A' ah hianin 1118 vel awmin kan inhria a. Tin, Co-terminus hi Group 'D' to 'A' ah hian 1400 zet zawt hi awm awmin kan inhria a. Tin, Work-charge hi 1700 vel an awm a ni a. Tin, Muster Roll hi 9700 vel awm angah kan inngai a ni. Tin, CSS hnuaiiah hianin Group A leh A,B,C, hemi bikah hianin tunah hian hna chelh lai meka hi 1800 zet zawt kan awm a. Tichuan, CSS hnuaiiah hianin vacancy hi 150 vel a a wm a. Kan zawhna chhanna pakhatat khan vacancy engzatnge awm tihah khan 3812 tiin kan chhang a. Hemi CSS leh nichina kan sawi tak post pangngai vacancy 3600 zet zawt a awm e, ka tih belhkhawm kha a ni. Kha kha tuna kan dinhmun a ni tiha kha kan sawilang duh zawk a ni a. Tin, hei Department thar te pawh kan siam nual a, tuna kan hnuaiiah chuan nge ni kan tih ang. Aizawl Development Authority khami kha a inpeizawn ve ve em mai Sorkarin kan han siam a, he Authority phei hi chu Department han tih dawn phei chuan ni chiah lo mah selangin thil thar tangkai si kan han siamchhuah a ni a.

Tin, Information Technology Department pawh Sorkarin tunah hian siam turin a tifel tawh a ni a. Tin, Minor Irrigation Department pawh hi tikhan Agriculture atang khatiang khanin lak hranin a wm a. Tin, Higher and Technical Education Department pawh hi hman kum deuha kan han hai then a kha a ni chho a. Tiang te te khanin ruahmana hrang hrang kha a awm a. Kan sawi senglo ang a, tin, kan hriat theuh angin hei tunah chuanin Separation of Judiciary te pawh hi a hma kha chuan DPR in kan keng ta a. Chumi atang chuan tunah hian an in la hrang tak avangin kha kha kan Sorkarin hmalakna hmasawna Department ang I ti mai ang kan han buatsaih chhoh pakhatata a ni a.

Tin, chulolehah chuan, hemi Information Commission pawh hi ti hian din chhoh an ni a. a function a kan hria a. Khang kha kan Department atanga a tir atanga bul kan han tum deuh, tlema tuna han puitling chho ta a kha a ni a. Kha kha kan information atan kan sawi lawk duh a. Tin, MCS Officer hi tunmah hianin avaiin 47 MPSC kaltlang hian lak tawh an ni a. Kan hriat theuh angin hmannah khan mi 15 an result a chhuak a. kan lawmpui hle a, hei tunlain Competition a sang em em a. Hetianga kan nula tlangval lehkhathiam rual tena an han in compete a, khata, heta a top tak tak mai a te hi chu an chhawr pawh hi a nuamin an efficiency a, en tha em em mai a. Hei tuna mite pawh hi 15 tling thar hmanni lawk amite an ni a. Kan lawmpui rualin an zawm hlan kan nghakhlel hle tih te kha ka han sawi duh a.

Tin, MPSC Officer 13 pawh hi tunah hian 10 hmanah khan kan recruit tawh a. Tunah hian 10 dang Direct recruitment-a tih mek a ni tih kha ka han sawi duh a ni.

**PU ROHLUNA** : Khalaiah khan Pu Speaker, khawngaihin Vety. Doctor 15/16 lai MPSC in an lak, la tak theih loh hi enge ni a chhan? A dik lo te awm niin a lang a, an sawi danin. Engeni? I hrilhfiah thei mai em?

**PU TAWNLUIA MINISTER** : Pu Speaker, ka hre chiah lo nain, ka sawi sual pawhin min lo hrethiam ta ula, Minister ti ti a a sawi ka hriatah chuan - hemi disabled person te tan 3% reservation a kha, khalaiah khan communication gap a awm deuh a. Chuvang chuan ni deuhin kan hria. Chu chu ka hriat dan chu a ni a. Tunah hian Sorkarin 3% disabled person te tan reservation hi a ti ve mek a. Hei hi implementation ah pawh kan han ti ve mek a. Amaherawhchu, thil thar anih avangin harsatna tam tak a awm ve a.

**PU R. LALZIRLIANA** : Pu Speaker, khali kha, a dangah pawh khan engatinge an tih mai loh? Hman atanga kenkawh tur an tih, Vety.-ah ringawt an tih? thilhte a kha min hrilhfiah leh thei em?

**PU TAWNLUIA  
MINISTER**

: Pu Speaker, kha kha Social Welfare Department changtuin min hrilhfiah theih ka ring. A Nodal Department kha Social Welfare Department a ni e.

Tin, A.O. tunhmaa Non Gazetted A.O. zawng zawngte pawh kha tunah hianin MCS ah kan induct ta a, alawmawm kan ti hle a ni tih kha ka sawi duh bawka.

Tin, hei Department Officer atang hian MCS ah hian mi 6 ti tawh an ni a. Tunah hian MCS Officer atang hian tun term chhung hian mi 9 zet I.A.S. Officer ah induct an ni a. Kan lawmpui hle a, tin, MCS Officer atangin mi 5 IPS ah induct an ni bawka, kan lawmpui hle a, kan phuisui sawtin kan hria a ni. IPS te IAS te hi keimahni Cadre pangngai a lokal an hreh em em thin a. hetiangka keimahni Officer promotion an hmuh a, All India Service-a an han inhlangkai hi an chhawr man awmin kan lawmpui rualin an tangkai em em a ni tih kha ka sawi duh bawka.

Tin, hei Pu Speaker, kan Sorkar hian hna thar eng engemaw te pawh a siam belh ve zel a. Thar lak mai kan nei a, chu chu tun March 7 a Cabinet-in a kan thutlukna minute pawh siam tawh a ni a. Chu chu MCS kan State Service te, kan MPS Service te hi tuna an dinhmun pangngai ai hian Promotion chance pawh siam tha the ang u kan ti ta a. Tichuan tunah hian MCS Officer te hi Secretary-ah hian pakhat a existing-ah chuan kan dah thei a. Tunah chuan pahnih dang kan pek belh a, tichuan MCS atangin a senior te pathum kan nei thei tawh dawn tihna a ni.

Tin, MCS bawka kha super time grade a kha hemi Additional Secretary, a hma pahnih nei thin kha, pahnih dang kan pek belh leh a, tichuan, Additional Secretary pali MCS atang pawhin an awm thei dawn a.

Tin, Joint Secretary hi khatiang khan tunah 18 kan nei a, a chunglamah hetiangka kan han tihpun takah khan Joint Secretary hi chu MCS-ah chuan 17 an awm ang a. Tin, Deputy Secretary hi 28 kan neih mekah chunglamah hetia chhoh tam anih tak avang khan 27 kan nei tawh dawn a ni.

Tin, hemi Senior Grade hi 58 hian a chung lamh pakhat a chhoh dawn si avang khan 57 an ni tawh ang a. Tichuan, Junior Grade hi tunah hianin 87 kha MCS kah chuan tun thil thua kan Sorkarin, kan State Pioneer Service kan tilo thei loving a, MCS leh kan MPS te duhsakna anih mai bakh, kan Sorkar hnathawhnaah changtluna kan neih phah dawnin kan hria a.

Tin, Mizoram Secretariat Service-ah hianin tunah hian Additional Secretary chauhin anawm a, tunah chuan Secretary Pool pakhat kan siam thar sak a. Kha kha kan Mizoram Secretariat Post pawh Secretary-ah an thu thei dawn tihna a ni a. Additional Secretary pakhat awm laia, pakhat dang kan pek belh

a. Tichuan, pahnih an lo ni ang a. Tin, Joint Secretary pali awmsah pakhat kan pek belh ang a, panga an lo ni dawn a ni. Deputy Secretary pali awmsah pakhat kan pek belh ang a, panga an lo ni dawn a ni. Deputy Secretary pawh 11 awmsa bakah khan pakhat kan pek belh ang a, sawm pahnih khatiang khan Under Secretary-a 51 awm erawh kha chu a chung lamah an chhoh tam deuh tak avangin 28 an lo ni tawh dawn a ni. Tin, Finance Service-ah hian tunah hian Additional Secretary chin chauh kan nei a. Finance Service atang pawhin Secretary pakhat kan awm thei dawn a, tiang chuan Additional Secretary pakhat awmsa-ah khan pakhat dang kan pek belh ang a, pahnih an awm dawn a.

Tin, Deputy Secretary kan han tih ang chi a kha pali an awmsa a, pakhat kan pek belh ang a. Tichuan, 5 tin, khatiang khan Under Secretary erawh chu 16 awmsa kha chung lamah an awm tam tak avangin sawm pali an awm dawn a ni.

Khangte te kha Pu Speaker, Sorkarin a kan hnathawktu tena remchana leh kan functioning-ah pawh that zawkna tur nia a ngaih avangin an buatsaih thar liau liau te kha kan House hian han hria se, min lawmpui theuh ang tih kha kan ring a ni a.

Tin, tunah hianin, Pu Speaker, kan sorkar hnathawk hlawhte hetiang zawng hian tawitein sawi tai la, Group D atanga Group A thleng khan a hniam ber atanga sang ber thlengin hlawh hi kan han enawn kan han enawnah khan step khat chauhina tuna a wмна pangngai atang khan up tir an ni a. Khawimaw lai lo hlamchhiah rei deuha kha, ROP hmasa lam atanga hlamchhiahte kha step hniha han kaite pawh an awm a. A Group hniam ber Group D kha step hnihin kan kaisan tir a. Tichuan, anihna takah chuan tuna kan grading-ah chuan Group 'D' a awm thei tawh lova. Kan Sorkar a Pay hniam ber kha sangthum leh sawmli niin ka hre t a, ka sawi soal loh chuan. Kha kha a hniamber a ni tawh dawn a, chutah chuanin Group 'D' china kha chu a maximum a sangli leh zaruk chin han la pha china kha Group an ni ang a. A dang kha chu a Grading-ah a dang chuang dawn lo a ni a. Kha kha vawiinniah hian kan Sorkara thil thar kan hnathawktute tana facility kan siam leh remchana kan han buatsaihte a ni tih a kha, kan sawi lawk duh a ni a. Chulovah chuan...

**PU LALHMINGTHANGA** : Pu Speaker, hmani khan khalaiah khan rawn sawi zawk ka neih kha Excise Constable hote leh Excise-a hnathawkte hi anmahni Uniform pui Police te leh Jail hnathawkte ai khan an pay hi a la chhe tlat mai a. A hma lama an base-na kha a zirloh deuh vangte pawh a ni ang a, Special Revision-te a neihsak theih lawm maw le tih kha ka'n ngen pui a ni.



**PU TAWNLUIA  
MINISTER**

: Pu Speaker, ka rawn sawi tum pakhat a ni. Helaiah Member pakhat khan khalamnang kha a rawn sawi tawh bawk a. Chuan representation kan hmu nial a. Chu chu sorkarin a Committee pangngaiiah khanin heng hi lo thlir tha leh ula, kan ti a. Vawikhatah chuan tih fuh vek a har khawp a, a nawlpuiiah pheii chuan a fuh thawkhat a, amaherawhcheu. tiang khan Pu Hminga MLA Lunglei 'S' sawi ang khanin engemaw khatiang te tea kha chu Excise Constable pawhin min rawn hmu tawh a. Kei pawh khatiang khan representation hova kha chu kan enzel e.

**PU H. LIANSAILOVA**

: Pu Speaker, khalai Pay chungchang han sawi kai takah chuanin, khami sorkarina a tih tawh order han chhuak, copy min pek den den kha han en khan, Group 'A' sangriat scale-a awm ho kha, chawisan kha a ni ta lova. Anni hi hei Department thenkhatah chuan Group 'A' sangriat scale-a kum sawmparuk te, kum sawmpahnih chuang te a awm. a next promotion leh kha singkhat leh sanghnih ni daih si, chutiang chu an awm hlawm a ni. Khang ho dinhmuna kha, chinfel tumna, thlir leh tumna hi a awm thei lawm ni. A recommendation-ah kha chuan kum 7 lo service tawh kha chu engemaw, an problem solve-na tur anga kha chu han ngaihtuah tumna deuh kha chu a awm niin a lang a. ACP lam atang khan. Mahse, kha kha tuna an problem solve-na atan kha chuanin a la keng zo lo viauin a lang a. Hei Department thenkhat kan hriat theih maiah chuan. Power Department-ah te hian SDO sangriat scale a kum 20 chuang awm te an awmin ka hria a, ka hriatsual loh chuan kum 16 awm te pawh an awm nawlh bawk a ni. Kum engemaw zat chhung hi promotion nei lovin an awm a. Chutiang ho dinhmun harsatna nei hote kha engemaw tia tuna an pay Group 'A' pay thlir ho lehnaah khan lo hriat leh theih dante a awm lawm ni, khatiang harsatna bik tawh lutuk deuh te kha. Ngaihsak zui lova, hlamchhiaha dah mai an ang dawn deuh main a lang a, order kha a tawp deuh hmuk tawhin a lang deuh si a.

**PU TAWNLUIA  
MINISTER**

: Kha kha representation an rawn siam a. kan Secretary te nen vawi 2/3 an sawiho tawh a. Tin, lehlamah chuan entry grade-a 8000 scale hi All India Service hoah khan entryah a scale a ni tlat mai a. Khalai tak kha tlemin han upgrade dawn khan a buaithlak chin a awm ve a, a way out erawh chu tunah kan zawng mek a, actively in consider a ni e. tih kha kan chhana ni rawh se. Khami 8000 entry grade ho kha chu, chu chu tuna kan kalphung chu a ni.

Tin, Pu Speaker, contract employee te tunah hian 700 zet zawt kan nei a. Tichuan, kan sorkar pawhin employee te hi an hlawh tisang ve ang kan ti a. Basic pay-ah kan pe tawp mai a, tunah chuan 50% of Basic Pay kha kan belh dawn a. Tichuan 50% in kan tipung tihna a ni. Min 1000 hlawh ta selangin 1500 contract-in a la tawh dawn a. Chu chu Financial Year kumthar atangin kan hmang dawn a ni. Khatiang khan tunah kan M.R. te pawh dik tak chuan an daily wages minimum wages nikumah khan kan han tisang a. Heng hi chu tihdan phung te te a awm chho a. Chuvangin kan Sorkar hnathawkkute pawh M.R. atangin contract ah heti hian a kal chho a, an hlawh hi kan han siamrem chho a. Kan Sorkar hnathawkte pawh tah hian Sorkarin a hlamchhiah lo hle niin a sawi theih a. Kha kha DP & AR lamah khan ka'n sawi duh a ni a.

**PU LAL THANHAWLA** : Pu Speaker, khawngaih takin a dang dang category a sawinah khan work charge ho dinhmun a sawi tel lovin ka hria. Work charge ho hi kum 30 deuhthaw thawk tawhte pawh an awm a, tunah hian Pensionable emaw tal te an dil lain Chief Minister zahawm takin regularized a lo advice a, mahse, Cabinet khan regularized zawng khan an ti leh ta si lova, enge an dinhmun ve ta ?

**PU TAWNLUIA  
MINISTYER** : Pu Speaker, hei pawh hi actively-in consider a ni a. Cabinet-ah pawh kan ngaihtuah tawh a. A dan te pawh zir chian a ni a, tunnah hi chuan work charge hi regular hlawh ang chiah an ni a. Tin, engemaw dah tur tul ang zawng zawng GFP te nen an dah a. A hlawh hrim hrimah phei chuan ti hian regularize ang u tih a, a theih loh erawh chu pension na awm talova. Tunah chuan pension benefit pawh kha engtinngge tih kha danah pawh khan a lo awm ta a. Hei hi chu kan la final lova, nichina 8000 entry grade amite actively a consider a ni ang khan work charge pawh actively in under consideration ah a kal mek tih kha kan channa a ni e. Kha kha tunah hian DP & AR lam atang chuan kan sawi chin ni sela a tha ang e.

Pu Speaker, PHE ah kan kal ang a. PHE ah khan kan Member zahawm tak tak 14,15 vel khan an rawn sawi a. Vawiin kan discussion reng rengah a in sawisel hrim hrimna lam aiin rawtna lampangte leh lawmthu han sawi zauh te pawh kan ngaihtla a, kan lawm khawp a ni. Khatiang ang hriat te kha a nuam deuh a ni kan tan hian tih kha kan sawi nisela, Pu Speaker, tunah hian ka sawi hmasak duh chu kan hotuten a phase II chungchangan Commission te tea kan dawn lam danglam vak lo, tih kha waters distribution system hi kan duh thu a la sam loh avangin a tui kan pek theih tur ang pawh kha duh thalin a la tam lutuk lo te pawh a ni ang a. Mahse, Pu Speaker, hei hi tha takin tunah hian in kan sem ve tawh

a ni a. Hetiang hianin Departmentin nitin main an tui sem tur veng zawng zawng nen hianin an tichhuak ve thlap tawh a, an function tha viau a. Tin, MR chauhvin an vil thin a, hengte hi en ngun a tha lawm ni tih pawh kha Department in an lo take up lai mek a ni a, daily routine of water distribution tih hi phase II kan neih chinah chuan weekly kan connection tinah hian kan pe a ni tih kha ka sawi duh a. Hei hi chiang zawka kan hre duh anih chuan a thlir theih vek a. He ruahmanna hi a fel khawp a. Department pawh an taima a, Department te ruahmanna ah hian lawmawm ka ti a. Tunah hian a la pek theih loh deuh Falkawn thlengin kan pe dawn kan ti a. Lungleng te, Sihphir thlengin A pipe la zam zawh loh Ngaizel khamphei ah te tlemin saw mi company harsatna ti ila an kawng siam han laih chhiat dawn leh maw. engnge arrangementte sawi a lo tul khawp mai a. Chuvang chuan kan thawh tum pawhin tlemin khang laiah khan harsatna kan nei deuh a. Mahse, kan tum dan chuan distribution line hi chak taka thawk zel kan in beisei a ni. Phase II hi kan commission chinah chuan fully in functions thei lo mahse, 12 MLD hi chu dik tak chuan kan n eih belh a ni. June thla kan thawh thlen chuan funa insolation Sub-Station kan tih te a Electric khawl kan bun thar mek te khu a lo phuisui chuan June thla chuan a tui pump chhovah hian chuan tam zawk kan pump thleng thei ang tih kan beisei a. tan kan la mawlh mawlh e, tih kh Pu Speaker, ka sawi duh a ni.

Pu Speaker, kan Department PHE hi PWD atanga indang a ni a, C.E. pakhatin a enkawl thin a. Tunah chuan C.E. 2 in an enkawl ta a. Monitoring and Investigation an ti a. C.E. Post thar an in siam a nia. Circle te kan siam belh a Development pawh 2/2 kan siam belh a, kan changtluang sawt hlein ka hria. Department pawh kan hlim viau a ni.

Thingtlang kan tui pekna hi Rural Water Supple Scheme kan ti a. Rajiv Gandhi National Drinking Water Mission atangin cover tum a ni a. Khaw 777 hi Habitation, mihring chenna, tui in tur kan pek tura kan han identified te an ni a. Tui hi khaw tinah chuan Ministry hrang hrangin kan tih tawh an ni a, a la chhe miah hlawm lova. Mahse, Water Sourcea kha a lo kang ve thin avangin kan khawp kham lo leh thin a. Fully cover tawh kan tih pawh kha tuihna a lo tlem leh thin. A fall back leh thin a ni. Tuna kan tehnaah chuan tui India ram pumpua hnianghnar an tehna 40 LPCD an ti a. Mi pakhatin nitin tui 40 litres a hmuhna hi thingtlang khuaah chuan khaw 355 kan nei tawh a. Partially cover an ti a. Tui la hnianghnar lo, litre 10-40, vel hmu hova kha khaw 294 kan nei a. Tui kan pek tawh si, 10 LPCD ni khata litre lo tin khat pawh tling meuh lo ang kan hmuh theihna khua kha chu Non-cover angina kan Scheme siam naah chuan kan siam a ni tih ka kha thingtlang khua zawng zawng hi chu 2009 March ah chuan fullya cover tur tih hi Programme a awm a, chu chu sanction hi kan hmu thei ang em tih erawh chu kan ambitious viauna chungin Programme ah chuan khatiang kha a kalphung a ni a. Tun kum kallai mek 2007-2008 ah hian khaw 173 thingtlang khuaah hian hma kan la mek a ni. Chutahn chuan fullya cover tur za chuang zen zawn kha chu a awm ve thei dawn niin kan hria a. Tun pawisa kum kallai mek huam chhunga pawisa awma thawh zawh tur tihna ang anih chu kha kha kan han sawi duh a ni a.

Tin, a dang lehah chuan Water Quality Monitoring and Surveyance Programme kan Member tena in ngaih pawimawh tui thianghlim, kan in hi a thianghlim meuh em, in tlak a ni em tih han enfiah tura kha hengte pawh hi a Division te kan nei a, tunah hian khatiang khan Village Level ah pawh Village Water and Sanitation Committee kan siam a. Chungah chuanin field Testing kit te kan pe a. Tiang khan ananahni pawhina an lo endik ve zel theihna tur khan Programme thingtlang khuah khan kan nei a ni a. Tin, hemi kawnga kan hmalakna hi Union Minister, RD Minister Dr.Raghnunath Prasad Singh pawhin kan Sorkar hmalakna ah congratulation letter I ti mai ang, min lawmpuina thute pawh rawn chhak hialin hei kan Chief Minister Addressin tiang hian kan hmalakna min rawn tuihnar zawng zawng pawh sustainable nge ni, rintlaka khatiang danglam danglam tawh lova inngahna tlaka siam tur hian Programme thar a awm bawk a, chumi pawh chu tunah hian sustainability of water source an ti a, chutiang chuan hma kan la ve mawlh mawlh a, chu chu tuihnarah khan engemaw, tuihna a tam theihna tura terrace siam nge ni ang, thingphun nge ni khatiang ang lampang kha water source tihpuina tur tihna a ni.

Tin, thil pakhat India ram pumpuia hemi Water Supply chungchanga kan inhriatpawh zung zungna turin on line in inthlungzawma, management information, technology an ti a, tunah hian centrally sponsored chutiang chuan kan in communicate ve thei zel a ni e tiha kha han sawi duh a ni e.

Tin chulolehah chuan hei Communication Capacity Development Unit an ti a. Director hovin tiang hian PHE atang hian kan han thawk ve a ni tiha kha kan sawi duh bawk a.

Tin, tuikhur hi tiang hianin kan theih ang angin kan siam bawk a, chuloah chuan heta Pu Andrew Lalherliana Khawzawl bialtu ina a ngaih pawimawh em em Rain Water Harvesting, tui, ruahtui dahkhawm chhekkhawma kha kan Programme lian ber mai pakhat a ni tiha kha kan sawi duh a.

Tiang hianin pipe hmanga khua aia sanga tuilak Gravity Pull kan tiha hi khaw 401 ah kan ti tawh a. Tin, Rain Water Harvesting Scheme kan tih a kha khaw 159 ah Tank 14000 zet zawtin khatiang khan hma kan la tawh a.

Tin, Impounding Reserved Oil kan ti a, tui chhekkhawlna tuizem khatiang ang kha 31 kan siam tawh a. Tin, Pumping Scheme hi 13 kan nei a, tin tuiverh (hand pump) kan tih a hi 840 zet tunah hian function theih kan nei a. Tin, thingtlang School leh thingtlang khua hi 2900 zet tui kan pe a. Tin, Aganwadi hi 400 zet kan pe bawk a. Tuikhur hi thingtlang khuaah hianin 790, hei hi chu kum hnih khat lek a niin ka ring a. Tin, Aizawlah pawh hianin tunah hianin North leh South-ah hianin Tuikhur hi 100 zet zawt hi tunah hian siam turin ruahman mek a ni, Tuikhur pangngaia hi. Kha kha a ni a.

Nichinah khanin Total Sanitation Campaign chungchang kha bawhlhlawh khatiang ang han seng hawi te kha rawn sawi a awm a. Hei hi Total Sanitation Campaign-a hi 2005 atanga bul tan a ni a. Chutah chuanin Ek In kan tih mai kha kan pe tawh hian kan chhinchhiah danah chuanin. Hemi kan ek in siam tawhna ho commode I ti mai ang, a man tlawm chi kan peka kha 48000 zet hi kan inpe tawh a. School 2478 ah kan pe tawh a. Community Sanity Complex kan ti a. Hall bulah te puipun nikhuah te public tan 238 kan siam a. Anganwadi 728-ah kan pe baw a. Tiang chuan ek in nei tur hian kan campaign nasa ve a. Chumi a zarah chuan above APL family ho pawh chhungkaw 10,000 dawn thaw chuan ek in an nei hrang ve ta tiin kan record-ah chuan lantir a ni tih ka sawi lang duh a.

**PU H. ROHLUNA** : Pu Speaker, Total Sanitation a sawilai khan. la dawng, a cash component la dawng lo aw engemaw zat an awm a, ka bialh te ngei pawh. Khang kha engtikah nge an pek theih ang tih kha min han hrilhfhah se ka va duh em !

**PU TAWNLUIA MINISTER** : A funding Pattern hi za a sawmruk hi Centre-in a rawn tum a, 40% kha a Scheme ah khan a beneficiaries ten tum ve rawh se tih a ni a. Kha kha chu ek in laih te a lo ngai a. mahni ek in tur na na na kha chu a lo hrehawm bik lova, commode leh thildang te a awm tawh chuan. Tiang chuan ek in pakhtah 1500 ang hisap a ni a. Mahni tum tur te te kha tikhawm a ngai a. Khatianga 500/- la hmu lo te an nih chuan sanction awm veleh a bawhzui turah ngai ila a tha ang e.

Tin, Pu Speaker, khawpui thenkhat funding kan neih dan leh kan tui dinhmun hi ka tarlang tel duh a. Kawnpui hi pumping a ni a, kum 2006 ah Commissioned a ni a. Hei hi chu 70 LPCB an chang pha a. Tin. Greater Mamit hi pumping baw a ni a, 2006 ah kan commissioned a, 60 LPCB a ni a. Lengpui hi Gravity a ni a. 2005 ah 70 LPCB a ni. Tichuan, Greater Kolasib hi 1999 a Commissioned a ni a, sorkar hmasa bul lo tan tawh a ni a, Commissioned tu ah kan tang a, hei hi 70 LPCB a ni. Thenzawl hi Gravity 2007 ah LPCB a ni. Saiha hi pumping leh Gravity khaw hnuai deuhhlele atangin a chungah pump a ni a. hei hi chu a la tlem hle a, 20 LPCB, Bairabi hi Gravity-na 2002, 45 LPCB, Vairengte pumping hi 2002 ah 70 LPCB in, kha kha tuna pumping leh khatiang Gravity a khawlian deuh deuh te a kan han tih puitlin tawh sa deuhnaa kan ngaih te kha a ni a. Khatiang khanin waviinniah hian kan achievement neuh neuh a pawh kha kan House ah hian han sawilang kha thain ka hria a, kan sawilang lawk a ni a. Tunah hianin kan Member zahawm tak tak tena nangmahni bial te te a in hriat duh pawh kha hmani khan kan sawi tawh a. Kha kha entirnan West Phaileng te chu tiang khan estimate siam tawh niin DONER ah vawm luh a ni a. Tin, khutah Tuidam leh Kawrtethawveng intawm tur

kha chu tun thal chhung hian kan Commission thei turah kan in ngai a, tiang ang khanin hma kan la a. Bilkhawthlir pawh pumping scheme in a hranpain kumin Financial Year tharah chuan sanction theih ngei turin kan earmark zingah kan telh a. Khatiang ang khan hetah Lungdai chu Session zawh pawh hian kan Commission thei a ni. Tin, hetah Sesawng pawh hgi kan Programme-ah chuan kumin 2008-2009 Financial Year-ah hian Commission theih tura kan ruahman a ni a. Tin, sawtah Lawngtlai kha kan sawi tawh kha, kha pawh kha khatiang khanin tunah hian...

**PU LALHMINGTHANGA** : Pu Speaker, nikuma ka zawhna min chhannaah khan kan Minister zahawm tak khan, Sethlun atanga booster pump-a Theiri at tlanga pump chhohva, sawtah Politechnic te leh Hrangchalkawn Zobawk chawmna tur kha estimate DONER-ah kan thelut e, a tih kha enge tunah hian an rawn chhang tawh em? tih min hrilh ve zawk thei em aw?

**PU TAWNLUIA MINISTER** : Kha kha, keini pawhin kan han nghah mek a ni a, tunah hian kha kha DONER atanga lokal tur kha kan nghah a ni tih a kha Lunglei South bialtu kha kan hrilh ni selangin. Theiri at saw kan ngai pawimawh a, kuminah hian chuan 2008 – 2009 Financial year ah hi chuan khang kha kan hmuh tawh ngei kan ring a ni. Saiha Division hi create turin Department chuan proposal kan siam a, hetah DPR leh Finance lama lo kal chho tur a ni. Tin, Tlungvel bialtu khanin Tlungvel ah nge ni PHE SDO Office tih kha tunah pawh hian process kal mek a ni a. Kha kha Tlungvel ah khianin J.E. Office chiah hi zirtirtu tih lovah chuanin Sorkar Office a lo awm a, kan beng a verh hle a ni tih a kha kan sawi ni selangin a tha awm e.

Tin, hei kan Hnahthial khawpui te pawh saw tunah sawnin pumping in kan bei a, a haw zur zur tawh a, kan la Commission lova. Tin, chubakah chuanin a dang Hnahthial ah pawh hian Scheme thar dang kha kan nei leh ta a ni a. Khatiang khan hlamchhiah loh hlir mai kan ni tih kha hre ta ila a tha awm mang e. Ngopa lamah pawh khian, N.E. Khawdungsei leh Chiahpui intawm tur khi tunah khianin Reservoir siam tur te pawhin an inbuatsaih lauh lauh tawhin ka hria a. Khatiangin Mimbung te pawh ka han kal a. Tiang khanin Pumping te pawh an lo rawt ve a ni. Mimbung pawh khan. Tin, Khuangphah leh enge ni Zokhawsang Vaikhawsangah te, Tin, Tlangnuamah te pawh scheme a kal chho a ni. Vapar-ah te. Tiang khanin kan zavaiin Biate pawh kan sawi tawh kha a kal mek a. Biate pawh kha a thenawm bialtupa pawhin a rawn ngai pawimawh a, a rawn sawi anih kha. Khilai tlangdung khi kan ngai pawimawh a. Khaw lian deuh si hova hi chu khatiang khan a kal chhova.

Tin, Lungsen pawh kha kumin thal chung hian kan Commission thei angem aw, kan ti a. Commission-ah chuan kan kal tlan rai rai hlawm kha kan beisei dawn che u a ni tih kha vawiinniah pawh hian kan han sawi ni selangin a tha awm e. Pu Speaker, khatiang khanin PHE pawh kha han duh tawk mai rih ila a tha awm e.

Home-ah lut ta zawk ilangin, nichinah khanin MPS Service Association-ah Area Mess a i kalin i thusawiah Mizoram Police hi India ramah pakhatna tiin i sawi a tih kha kan ngaithla a. India ramah pakhatna tih chu ka sawi lo chuan ka ring a. Amaherawhchu, tha ber te zing ami kan ni ti chuan ka sawi a. amaherawhchu, Crime Investigation-ah hi chuanin pakhatna kan ni tih chu ka sawiin ka hria a. Crime Investigation-ah hianin Pu Speaker, hetiang hi DP & AR & C ina a record dan chu a ni a. Rebbery ah Mizoram hi pakhatna. A chhe ber chu Meghalaya a ni a. All India level chu 66 a ni a. Keini 100% Crime detection/thubuai chhuichhuah a ni a. Chuan Burglary ah hian Tamil Nadu pakhatna, Mizoram pahnihna, Manipur an chhe ber 2% chauh an chhui chhuak thei. All India record chu 41.2 a ni. Tin, theft khi Tamil Nadu pakhatna, Mizoram pahnihna an ni a. Manipur ah hei chu a chhe ber 3% chuan All India level chu 48.8 a ni a. Theft chhuichhuahah hianin, hei chu rukruk a ni ang a. Mizoram pahnihna kan ni a. 87.6% chhuichhuah a ni. Cheating Case chhuichhuahna ah Mizoram pakhatna 97.4% a ni. Manipur a chhe ber 4.3%. all India level chu 77.7 a ni. Counterfeit ah hian a chhuichhuahah Mizoram 10%. A chhe ber Karnataka 6.3%. All India level 43.3% Molestation Mizoram pakhatna. A chhe ber Manipur. All India level 96%. Tin, Murder hi Mizoram hi a pathumna a chhuichhuahnaah a ni a. 88.5 a ni a. All India level hi 85% a ni a. All India level chu hemi murder chhuichhuahah pawh hian 3% in all India level chu kan hum tho tho a ni. Tin, Rape case chhuichhuahah Mizoram pakhatna k an ni a. All India level-ah Manipur hi tah hianin 14....

**PU LAL THANHAWLA** : Pu Speaker, khawngaih takin khatiang kha all India level a ni a, murder bikah khan Mizoram kha engzat percent nge a nih?

**PU TAWNLUIA MINISTER** : Mizoram hi pathumna a chhuichhuahah kan ni a. 88.5% a ni. Kha kha hei hi crime detection ah hi chuanin pakhatna kan ni a. Hmanah pawh khan kan ti a. Hemi lovah pawh hian rawn tih tawh a ni a. Kha kha kan Police te an hnufum lem love. Chhuan tlak tak an ni e. Kan han tihnaah pawh khan kan han ngai. An hnathawh that hi kan appreciate in vawiinah hianin kan chhuang em em a ni. Kha kha kan sawi duh a.

Tin, TA Bill kan ti hnem tiha kha, Nikumah kha chuanin up-to-date in Financial year dawnah khan Finance in min siam rem sak a. tunah hian. Kumin erawh hi chu tlemin kan la intifel lo deuh a. Financial ending-ah hianin engtiangin nge kan kal tak ang tih hi kan hre lova. Tunah hianin, TA Bill leh Vehicle Bill a hi chu a pahniha belhkhawmin nuai 300 vel chu a awm a, engtingge ni. khalai kha chu sorkarah kan dil mek a tih kha kan sawi ni selangin a tha awm e.

Tin, Chhatisgarh-a boral tate an chhawmdawl-na/puihna tur I tikh ang, a luman te pek a ni tawh em? tih ka hre lova. Tunah hianin, kan sawi ang khanin Ex-gratia Grant cheng nuai 10 kha Government of India atanga hmuh tur a ni a. Tin, Insurance from From Government of Chhatisgarh kha cheng nuai 5 a ni a. Tin, Ex-gratia from Government of Mizoram kha cheng nuai 3 a ni a. Hei hi tunah hi chuanin pakhatmah a pawisa fai hi chuanin pek a ni lova. Tichuan. tunah hian Central Home Ministry khanin khutah engemawa dan phut kha a awm a. Chuvang chuan, Chhatisgarh Sorkarin an sacrifice tur tam tak a wm ta a, chu chu tunah hianin kan IGP pakhat hi hemi bawhzui hian khu lamah khuan kan tap tir rawng a. Hemi Chhatisgarh leh Government of India Home Ministry atanga hemi lakchhuah tura hi chu ngawrh deuhin kan bei mek a ni tih kha kan hriat atan kan sawi duh a.

Tin, Ex-gratia Grant Mizoram khanin kan tihpun loh chuan a beitham zel tih kha a ni lo thei lova. Hei hi kan hre theuh a. Mahni hmun theuhah kan Sorkar lai theuh khan kan hria a. Hei inking te, In chhia te, thli ina a tihchhiat, leimin ina a hnawl chhiat zawng zawng pawh han pek dawn chuanin a Norms te kha a lo awm a. Natural Calamity-ah khan. Chuvang chuanin, a rate hi tihpun tihpun a ngai an ti a. Chuvangin a hma kan neihsa kha nuaikhat a ni a. sanction te hi Mizoram Sorkarin a tipung a, Rs. 3 crores ah a dah chho ta a. Chu chu tunah hian Finance te nen Department te kha R.R. atangin an indawr mek a, hei hi a rang thei ang bera pek kan tum a ni tih kha kan chhanna a ni.

Tin, Pu Speaker, modernization-ah te leh keimahni State Plan atang te hianin motor te pawh kha kan han buatsaih ve thin a. tunah hianin kan motor police-ah 485 Serviceable tunah hian kan neiin kan hria a. Tin. chutah chuanin keimahni State pawisaaaa kan lei chu 63 vel a ni a. a danga kha chu 420 zet modernization atangin a kind-in an rawn ti thin a. Chu chu kan neih mek a ni a. chu chu kan information atan ka sawi a ni.

Tin, kan Police te Insurance chungchang kha tih luihna a awm hauh lo mai a. Anmahni consent lain Battalion tinah an lo in hrilhfiah ve a. Tiang chuanin Life Insurance-ah khanin LIC ah khan MoU sign-in Police te kha an lo ti a. Tiang chuan hemi Life Insurance-ah khanin thlatin hian Rs. 100/105 vel a rate ka hrechiang lova, dah ve thin a ni. Tin, 50% deposit kha chu an la let thei hrim hrim dawn a. Tin a interest kha compound in 8% a ni ang a. Tichuan a awmlai thi kha nuai khat a ni ang a. Tin, accident anih chuan nuai hnih a ni a. Kha kha an inconsent anih chuan a tha e, tih kha a dik chiah a, tumah kan ti lui hauh lo a. anmahni tana tha a ni tih kha hrilhfiah hnuah an lungawina zanin hei hi tih a ni a, a



tha bawk a, Police hi kan parual ve a, tawng thu chhe lovah. Tunah hian hemi implement a nih hnu hian 130 zet kan boral tawh a. Chungah chuan 90 velin an availed tawh a, kha kha tih loh ai chuan a chin tlak mang e aw tih kha kan Police hotute hmuh dan a ni, kan sawi lawk duh a ni.

Tin, Police Housing-ah hian kan State Plan-ah te, kan Modernisation atang tein nasa takin hma kan la a. Pu Speaker, kan Police SP te, Commandant lu te, an Officer te, City Officer te kan duh lian ve lo thei lova. a norms kha a wm ve si a. Tin, Police Station ringawt pawh kha All India-ah norms a awm a, khatiang khan estimates-te a tlem thei lova. Chuvangin, keimahni State Plan atang ringawt hi chuan kan in phuhru zo thin lova. Modernisation atang hian kumtin crore 6-7 vel hi kan hmu a, kumin ah pawh hian crore 8 vel kan hmu dawn a, tun Financial Year kal mekah hian, a norms an ti danglam deuh a, tunah hian kan DIG pakhatin a thut chilh a. Khutah khuan, tun March, 31 hma sanctioun tir kha kan tum mek a. Khatiang khan Police modernization hi kan tangkaipui em em a. Building hi hemi kan Police building ho, Quarters zawng zawng nen khan chung kan Office te nen chuan 400 zet zawt hi tunah hian hma kan la mek a. Tin, sawtah Khatlaa New Capital Complex ah sawn Forensic Science laboratory Office tur lian pui mai sak mawlh mawlh a ni a. Tin, kan SP (Security) Office tur lianpui sak mawlh mawlh bawk a ni a. Tiang chuan kan sak zawh hunah chuan kan changtlung viau ang tih pawh kha khang atang khan a lang ve mai chuan ka ring a ni.

Tin, tunah hian Pu Speaker, IR Battalion lak chungchang hi tawitein han sawi leh lawk ila. Kan Member zahawm tak takte Pu Hminga leh Pu Duha khan an rawn sawi a, sawi awm tak pawh a ni a, thil an lo chhut thui ve hle a, alawmawm pawh ka ti a, keini pawhin nasa takin kan lo chhut tawh a. A hmasain Mizo Regiment tih leh Mizo Rifle tih kha kan Ministry hmasa tir lamah khan kan nawr chiam mai a. Mi an hnial fithla thuai mai a, khatih lai khan. Tichuan, IR Battalion zawng khan proposal kha kan siam ta. IR Battalion raising ah hian chuan iniktial cost hi a total chuan vaibelchhe 20 chuang a ni ta . Kha khan an hlawh tur te leh vehicle te hi Battalion ah chuan 30 chuang a lo ngai a. Tiang khan equipment zawng zawng nen khan an rawn hisap ve vek a. Tiang khan an rawn tum thin a. Kan hre tlang theuhin ka ring a. Tichuan IR anih hi chuan Indian Reserve Force annih avang hian Home Ministry in tul a tihna hmun apiangah hnialna awm lovin duty tur a ni ang, tih a ni a. Tichuan, an duty apiang State Sorkar emaw Central Sorkar emawin an hlawh leh senso tur ngai chu an tum ang tih a ni a. Tiang chuan tunah hian 1<sup>st</sup> Battalion kha Congress Ministry laia siam a ni a. 2<sup>nd</sup> Battalion kh a kan zu dil khan min rawn pe a. Chumi hnuah chuan 'kan lakhawp kham lo' kan ti a. 3<sup>rd</sup> Battalion kha kan dil leh a, chu pawh chu tiang hian min pe a, tunah hian 3<sup>rd</sup> Battalion hi an training mawlh mawlh a, kan chhanah khan Pu Speaker, kan rawn dil a, amendment tur pawh in engtikah nge an training theih ang, tuna lak thar tur te hi, tih a ni a. tuna training mekte hian April 30-ah passing out an nei ang a, a hnuhnung zawk phei chu May, 8-ah an nei ang a, chu chu anih dawn avangin training kha April thlah tan hman a ni dawn lova. May-a training hman tur chuan tuna an lak lai on going process meka hi chu kan la tel turah pawh kan ingai a, MAP kan din dawn chuan.

**PU LALRINLIANA SAILO** : Pu Speaker, IR Battalion sawilai khan. Chhatisgarh-ah hian an la awm reng dawn nge lak chhuah Sorkar hian a tum hnai em ?

**PU TAWNLUIA MINISTER** : Zawh awm tak a ni a. Central-ina awm zel rawh u, an tih chuan kan hnial theih chu a ni lova. Mahse, tuna awm lai khu chu kum 2 danah an inthlak ang kan ti a. Nikum September-a awm kha an ni a. September-ah hi chuan Battalion dangin an thlak ang. Naga ho 1 ti mai ang, an IR Battalion awm hmasa ho kha kum 2 an awm a. Chuvangin kum 2 ah chuan inkalchhuah kan tum ruh ve khawp mai.

**PU LALDUHOMA** : Pu Speaker, IR chungchangah khan kan zuk dil a ni emaw, keini lam atanga lehkha leh min rawn chhanna document kha min pe thei angem ?

**PU TAWNLUIA MINISTER** : Aw, thei ang. A la kim lo deuh a. Nichinah pawh khan an rawn la khawm a, a la hmanh-mawh thlak lohah ngai ta ila. 2<sup>nd</sup> leh 3<sup>rd</sup> kha chu a ni a. A 4<sup>th</sup> erawh chu kan sawi tawh ang khan. Nikum May ah khan an lehkha dang kan tih mawlh mawlh lai khan offer a lo awm ta. Sanction a awm thliah thliah a. A hnuah hei hi in lak dawn leh dawn loh a hi min hrih ula, an ti a. In lak dawn loh chuan State Security chungchanga in manage dan tura pawh min hriattir rawh u, an ti a. Cabinet in a ngaihtuah a. Kha kha chu thuhan ni tase, kan la mamwh hrim hrim a. A raising cost leh a vehicle te nena vawi khata min tum sak theih chuan tunah hian security atan a pawimawhin kan hria. Cabinet in hei hi chu kan raise leh a dik ang kan ti a, kan duhna kan hriattir a. Rawn tihchhoh a ni ta a. Recruitment chu a kal reng a. Thil sual unfit lote a a wm palh ang tih kan hlau hle a ni. Mizo Regiment te Mizo Rifle te kha a tha ber a. Mahse. Central thlrnaah chuan Nagaland-ah kan tisual tawh a, tihfuh loh kan hlau a, repeat kan tum lo tih kha an chhanna a ni e. Mahse, Sorkar chu sorkar a ni a, engpawhnise. kan sawilo tur tihna nilovin hmanni deuh pawh khan Territorial Army din rawh u min ti a. Mizo Regiment kha chu an uksak tehchiam hrih lova khalaite kha a awm a. Kan duh khawp mai, keini pawhin. Kha kha chu remchang ang zelin kan nawr tiang turah te pawh ngai ta ilangin a tha ang. Tiang chuan IR Battalion recruitment kal meka pawh tiang chu kan programme a ni tih kha ka han sawi duh a.

Tin, helaiah hian medical chungchangah te. tin an character verification te chu kan hriat theuh angina appointment temporary in kan han pe phawt a, chutah chuan an fitness te leh character anticident zawng zawng check anih khan, thenkhat chu nichina Pu Duha sawi ang khan criminal record neite anni a. Khang kha. Tin, thenkhat chu fake document a lo ti te hm uh chhuah leh te pawh kha an awm a, an indaihzaï ve khawp mai a. Khangah khan kan han luh khawm rai rai khan han thlawn leh phak phak kha an awm lo thei lo mai tih kha a chiang a. Tin, hemi tattoo hi kan ngai pawimawh a, thenkhat chu khawngaih thlak khawp anni, mahselangin khatianga ti an tam laklawh kha chuanin kan control thei dawnin kan hre silova. tiang khan tattoo kha chu dan tan chhante kan neiin kan hria. Tin, drugs hi medical fitness an tih hnu khan contagious disease ani em tih an service tak tak dawn khan check dawlo pawh an lo awm ve leh thin a. Khang kha a kalphung a ni tih a khakan sawi duh a ni a. Tichuan, Pu Speaker, kan hotuten an sawi Rev. Chanchinmawia chungchang kha....

**PU ANDREW LALHERLIANA :** Pu Speaker, khawngaih takin a te ber thil kan theihngihl a ni leh tat lat mai a, tunah hian. Department hnuaiia IV Grade-ho dinhmun kha principle of natural justice a kalh a ni. An beisei ve ang cook te, Hazam te, Water carrier te, dhobi te chawlhni pawh neilo a thawk ho kha engtinge pek tur anga an beisei ang nichina kan sawi ho kha ngaihtuahnaah a awm chhin lo em ni tih kan zawt leh duh a ni.

**PU TAWNLUIA MINISTER :** Police-a IV Grade chungchang te kha maw ? ka lo zawt chiang ang nge Department-ah kan lo thlir ang nge. Tin, a kalphung a awmin ka ring a. Hei chen Police Department a ding tawh a, Mizoramah kha chen kha sorkar kan ding tlang tawh a, a tir atangin a la ngai pat a ni a, amaherawhchu, thil facility dange khatiang neuh neuhah chuanin an ration money te leh rifle allowance tih te pawh hi tih pun kan duh khawp mai a, kan ngaihtuah lai chho mek a ni hrim hrim a. Khatiang ang khan tuna zawhna pawh kha IV Grade ten eng engemaw khatiang kha IV Grade ten an lo sawi a nih pawhin kha kha chu Department-a a lo in chhawp chhuah dan atangin kan lo thlir turah ngai ila a tha ang.

Tichuan, Pu Speaker, Rev. Chanchinmawia thih chungchang hi Sorkarin revive a, han tih leh te pawh a tha lawm ni tih te a wm a. Kan sawi ang k hanin inhawng sa a ni a. Khaliah khan consent-tu kutah a awm ve liau liau mai a. Chuvang chuan Sorkar pawhin hei hi kan hmuh dan a ni a. Evidence tharte a wm a, chhui tur a nih chuan a inhawng reng a. Khaliah khan kan kal kha kan ram ngei atan pawh thil tha thawkhat tur a ni ang tih kan ring a ni a.

**PU LAL THANHAWLA** : Pu Speaker, Magistrate a inhawng reng e tih kha a chhana em ni? Magistrate kha Inquiry Officer-ah an dah leh ta tilna em ni?

**SPEAKER** : Ngawi teh, ka hriat dan nen a inang lo Evidence tharte a a wm chuan kan inhawng reng a, tin, sawi duh nei chuan Magistrate-ah pawh sawi theih tih lam kha ni lo maw?

**PU TAWNLUIA MINISTER** : Pu Speaker, chu chu ka sawi dan a ni. Pu Speaker, nichin atang khan ka thu sawi kha la ngai rengin ka hria a. Magistrate-ah engkim kha a lut tawh a. Magistrate-a kan submit-naah pawh evidence a thar dang sawi tur a wm a nih chuan chhui tute pawh khan kan in peih reng e, tiha kha a ni ve hrim hrim mai a.

**PU ANDREW LALHERLIANA** : Pu Speaker, ka zawh belhnaah pawh khan Chiang takin ka sawi a. Sorkar hian mi evidence lo dawn khawm tur lo nghak lovin evidence thar zawngin active takin a case-a hi hma lak nan hman thar leh in a kalpui thei ang em? tih zawng a ni.

**PU TAWNLUIA MINISTER** : Pu Speaker, Magistrate thu a ni. Magistrate-ah a kal tlat tawh. Sorkar chuan Magistrate-ah submit tawh a, kha kha a kalphung a ni e.

**PU LAL THANHAWLA** : Pu Speaker, Magistrate kha chu Police report kha an va submit a, Charge Sheet tur kan hmu love, an ti a. Khalai tak kha mipui leh keini pawhin kan pawm loh a ni a. Khalai kha chhui nawn leh tur a nia, Magistrate ah khan an va submit ringawt a ni. Tichuan. Government hian kan phut zawk a chu hei hi Chiangkuang takin Zoram mipuite pawh kan lungdum zanna turin chhui selangin chuta an chhuichhuah ang ang a chu kan pawm ang kan ti a. Entirnan, vawiina an chhui danah hi chuan a lungawi thlak lova.

engkim chipchiar takin a chhuitute ai pawhin kan hotu tam ber khan an hrechiang zawk a ni, an rawn sawi atang khan a lang vek a ni.

Tin, an rawn sawi zawng zawng atang khan a chhuitute hian chhuichhuah an tum lo tih hi a chiang hle mai, an lo hre tam khawp mai, kan Member zahawm tak tak te khan. Chuti anih avang chuan, Sorkar pawh a zahawmna turin leh mipuiin an rin zual sauhna turin kan Police-te pawh an rina turin an thla khirh sak lovin, inquiry hi conduct nise, tih a ni a. Tunah hian chutianga zau zawka miin an pawm theih nan leh Sorkar pawh an rinna turin CBI pawhin chhui se, kan ti a. Tin, CBI an chhuitir duh lo anih pawhin vawiinah hian Lunglei Greater Water Supply chungchanga kei min beih dan kan sawi tawh a. Kan chhui tir a. Chief Minsiter Lal Thanhwla hi lo inrawlh deuh selang chuan, tun aiin an seng tlem tur. tih kha vaibelchhe tel eirua min puhnaah khan an hmuh dan a ni. Khatiangte kha an hmuhsual dan anih chuan Sorkar hi a hmingtha dawn a. Chu pawh chu ti ngam lovin kan hotute zawhna tam tak kha a rawn chhang duh lo reng reng hi a vanduaithlak ka ti a. CBI chhuitir an ngam bawk silova, helai Parliamentary Inquiry an duh bawk si loh chuan keini chuan he Demand hi pass pui tlakah kan ngai lova. A consideration nah pawh hian Pu Speaker, kan awm dawn lo a ni.

**PU TAWNLUIA  
in MINISTER**

: Pu Speaker, hemi special Investigation Team-an chhuina ADM(J) Court a Finanl Report an pek hi ADM(J) Court-in a pawmpui. Rev. Chanchinmawia chhungte emaw Synod

hruaitute atangin emaw Police te thil chhui danah lungawi lohna thu vawiin thlengin dawn a ni lova. Tin, Upa C.Ngurthantluanga pawh hi danin a phal angin. Final Report copy ni 18.12.2007 zing dar 11:0 A.M. ah khan pek a ni. Upa C.Ngurthantluanga hi Khatla Kohhran aiwaha FIR thehluttu kha a ni a. Chuvangin, hemi chungchang hi a chhungte leh FIR Kohhran aiawha hming sign tu hnenah pawh hian a copy hi pek a ni a, tiang chuan complain emaw dawn a awm lo a. Chuvangin, Magistrate-ah pekluh anih angin a nin a lo pawm a. Magistrate-in thu a neih phawt chuan Sorkar a inhawng reng a ni. Miin sawi tur a neih chuan Magistrate-ah sawi theih a ni tih a chiang khawpin ka hria.

Pu Speaker, ka Demand No. 13- Personnel and Administrative Reforms Rs. 1,30,07,000/- te, Demand No. 16 – Home (Excluding Jail) Rs. 1,67,13,05,000/- te, tin, Demand No. 25 Water Supply and Sanitation Rs. 82,85,95,000/- avaiin Rs. 2,51,29,07,000/- te hi House hian min pass a, min pawmpui turin ka ngen e.

**S P E A K E R**

: Awle, Minister zahawm tak Pu Tawnluia Tawnluia'n a Demand kan sawihonate wind up-in pass a rawn dil a, heng Demand No.

13-Personnel and Administrative Reforms Rs. 1,30,07,000/- Demand No. 16-Excluding Jail 1,67,05,000/- leh Demand No. 25 – Water Supply and Sanitation Rs. 82,85,95,000/- A vaiin Rs. 2,51,29,07,000/- hi pass remti apiangin 'Remti' ti rawh ule. Le, Remtilo kan awm em? Remtilo kan awm chuan, 'Remtilo' ti rawh ule, kan awm lo maw? Le. Minister zahawm tak Pu Tawnluia Demand No. 13, 16, 25 avaiin Rs. 2,51,29,07,00/- te hi House in lungrual takin a passed a ni.

**PU TAWNLUIA  
MINISTER** : Pu Speaker, ka lawm e.

**S P E A K E R** : Le, vawiina kan rorel tura kan chhawpchuah te chu kan lo zo leh ta a, kan chawl leh rih ang. Naktuk thawhlejni, 25.3.2008 zing Dar 10:30 A.M. ah kan thukhawm leh dawn nia.

Sitting is adjourned 6:40 P.M.